

BOLESLAUS II.

Rex Poloniarum,

S. STANISLAI

Episcopi & Martyris

Cracoviensis,

OCCISOR,

sua exemplari pœnitentiâ,

Quam

Ossiaci in Carinthia egit,

IN POLONIAM

prævia applicatione

M. STANISLAI de Golanka GOLANSKI,

U. J. Doctoris, Prothonotarij Apostolici, Canonici L.

Officialis Beccensis, in Brzostek Præpositi;

R E D V X.

CRACOVIAE,

Typis Collegij Majoris Universitatis, 1735.

XVIII. 2. 861.



Stemnata quæ spectas totum funduntur in Orbe
Coniungunt terras et simul astra sibi
Princeps. BENEDICTUS KARIBUT primusq; dux
grandarius merito Notus utrig; Polo.

CELSISSION PRINCIPI,
ILLUSTRISSIMO & EXCELLEN-
TISSIMO DOMINO,

D. JANUSIO
KORYBUTH,

DVCI in Wisniowiec & Zbaraz,
CASTELLANO CRACOVIENSI,
Cremensi, Parczoviensi, &c.

CAPITANEO,
Benefactori meo Gratiostissimo.



*Pus, quod Nomi*n* honoriq*e*
ILLUSTRISSIMÆ CEL-
SITUDINIS VESTRÆ,
submissa veneratione dedi-
co, peregrinum est, & simul domesticum.*

A

BOLE-

BOLESLAVS *2dus pro doméstico ha-
beri debet, qui dum Rex Poloniæ fuit,
digna Rege, pro Domo Patriæ gessit; mul-
tarum victoriarum Author, se ipsum vin-
cere nesciens, in Antistitem **STANISLAVM** manus injecit, illum vitâ, se
Regnô privavit. A Patria & solio pere-
grinum agens, Romam petijt, sed non sine
alta Superum lege in Carinthiam venit,
interq; Religiosas Benedictinorum Ædes
reliquum vitæ terminavit. Annos ante
duos quando Sacra Apostolorum visita-
vi limina, etiam me præter alia Regna
& Provincias, amor Benedictinæ Religi-
onis, cuius favoribus glorior, in Carinthi-
am traxit. Mausoleum ibi **BOLESLAI***
2di

2di sumptu verè Regio magnificum vidi,
Et quæ genuina de hoc Rege historia, Re-
verendissimus Virgilius Gleissenbergius ex
Ordine S. BENEDICTI Abbas Ossiacen-
sis non narravit tantùm, sed etiam Ex-
cerptum ex Annalibus dicti Conventus, sui
affectus teſſeram in manus meas consigna-
vit. Erat mihi gloriæ, CELSITUDINI
Vestræ Exterorum maximam notitiam
habenti, inter alios discursus, de hoc loco,
in quo Boleslaus pænitentiam egit, narra-
tionem facere, ejusq; historiæ quam mul-
ti variant Scriptores annotationem præ-
sentare. Hæc CELSITUDINI Vestræ
ab argumento materiæ, quia placuit, illam
ne apud me privata solum eſſet, Typis e-

vulgandam in publicum curavi, tantoq;
magis illam publicam facio, quanto re-
verentiū illi Nomen CELSTITUDINIS
Vestræ præpono. Quid enim in CELSI-
TUDINE Vesta non ad publicum bo-
num? quid ipsi non æmulum soli? Cel-
fissima Genesi per Cæsarum, Regum, Du-
cumq; Proſapias Orbem vix non totum fe-
renas; etiam Cælorum è Fraterno Fagel-
lonum sanguine in D. CASIMIRO, è pro-
pinquo in STANISLAO KOSTKA, HYA-
CINTHO splendorem auges. Severiæ Du-
cem KORYBUTHUM FAGELLONIS
germanum Fratrem, Tui Sangvinis autho-
rem reverenter innuo, in cuius elogia
nunquam posteritas desinit laborare. Per
qua-

quatuor fere saecula felici successione novem Reges in Polonia JAGELLONES regnarunt, & Vobis serenissimos titulos hereditarios fecerunt. Pulchrum est ad Gentis Vestræ gloriam, quod à tribus KORYBUTHI Filijs SIGISMUNDUM Bohemia Regem, ANDREAM Magnū Ducem Moschovia, THEODORUM Ducem in Wisniowiec, spectaverunt, non minus decorum, quod à Cimbarea Nepote ex Sorore germana KORYBUTHI & JAGELLONIS, Filia SEMOVITI Masoviæ Ducis, Con sorte ERNESTI Archiducis FRIDERICUS III. in Cæsareum ascendit Thronum continuantq; hanc seriem Augustissimi Imperatores.

M I
CHA.

CHÆL primus Rex Poloniæ, Patru-
us Tuus **PRINCEPS** Celsissime sœculo-
rum elogium est; ad Regni Sceptra dum
electus erat; voceq; populi à DEO datus;
Illi Vobisq; omnibus gratam se Polonia in
Diplomate his verbis testata: Obligatio
Regnatrici Prossapiæ & styrpi Fagelloni-
cæ! **DEMETRIUS KORYBUTH**, Supre-
mus Exercituum Dux Castellanus Craco-
viensis, alter Tuus Patruus; **CONSTAN-**
TINUS Palatinus Belzensis Paren's Tuus,
bac pagina nequeunt ardari: Quod subli-
me dicendi genus dari inveniriq; apud Ora-
tores valeat? ut Celsissimum & Illustris-
simum Dominum **MICHAELEM** Su-
premium Exercituum Magni Ducatus Li-
thva-

thvaniæ Ducem & Cancellarium Ger-
manum Tuum digno laudum encomio at-
tingere possit. Acies instaurat, palmas
victrices legit, quibus Patriam coronat;
promit ab ore verba, vim Oraculorum
habent, quæ bonum publicum ad omnem
prosperitatem informant. Vobis duobus
Principibus ceu adamantinis basibus to-
ta publica sustinetur moles & semper in
melius assurgit. Innuere h̄ic licet Cel-
fissimum PRINCIPEM, Illustriſſimum
Dominum in Olyká & Nieswiesz
Ducem MICHAELEM RADIVIL-
LUM, Supremum Curiæ Magni Du-
catus Lithvaniæ Mareschalcum Co-
mitem in Mir, Kroze, Szydłowiec & Biā-

la

Pa, Præmisliensem, Czluchoviensem Capitanum Generum Tuum. Suæ Aquilæ Gentilitiæ genuinus Pullus summis meritis in publicos Patriæ provolat usus. Fuit gloria ingens, Ejus Celsissimæ Domus Eminentissimus GEORGIUS RADZIVIEL, S. R. E. CARDINALIS, Cracoviensis Episcopus, redivivus suo tempore Sarmatiæ Augustinus, fuere longo syllabo recensenda alia ingentia decora quorum compendium est, refertq. selectissimam dialectum. Patre Celsissimo Supremo Magni Ducatus Lithvaniæ Cancelario, Matre ANNA SANGUSZKO-WA procreatus, licet magna complectatur ornamenta, hoc ipsi maximum est, quod

quòd Tuam PRINCEPS Celsissime Fi-
liam Lectissimam, Cordis Tui delicium, al-
tissimi Sangvinis pretiosissimam gemmam
natus carissimam vitæ sociam, Capitis
sui æstimatissimam Coronam, Uxorem bo-
nam, veriorem Pandoram virtutum, &
omne decus, quod suum concernit sexum.
Ab hac exigua pagella minime sejungen-
dam censui quæ intima mente & pedore
Tuo conjunctissima hæret, Celsissima Con-
junx Tua, Cujus Animum ingens pietas &
Cælestis contemplatio; manus, indefinens
devotio occupare non cessat. Pretium o-
mne Domi complectitur, quod & ab ulti-
mis finibus petitum, nunquam tantæ Her-
roinæ comparari posset. Digna Te PRIN-

B

CIPE

*CIPPE Marito Conjunx, Tuq; tanta Conju-
ge dignus, Orbis Sarmatici maxima lumi-
naria ambo. Sub Tui Ipsius Cultum serpit
Gradatio Oratoria, PRINCEPS optime,
Teq; quod nunquā digno elogio assequi pos-
sit, ingenuè fatetur. Quis Archimedes Cel-
lissimæ Domus Tuæ decora ad calculum
revocare audeat? quis illa cognata aut
quocunq; titulo propinquæ, quæ in Dul-
scios, Chodorowscios, Połubinscios,
Tyszkiewcios, Pacios, Ostrorogios,
Principes Czetwertynscios, Ostrog-
scios, Zasławscios, Leśczynios, Ko-
narzewscios, Czarnkowscios, My-
cielscios, Opalinscios, Jablonovios,
Potoccios, Lipscios, Szembekios,*
Sie-

Sieniavios, *Duces Radivilios, Sangu-*
szkones, Comites in Koden Sapiechas,
Braniccius, Wyzycios, Zawiszas,
Zamoyscios, Działyńscios, Dziedu-
szycios, Tarłovios, Principes Czar-
toryscios, Koreccios, Woroniecci-
os, Chotkiewicos, Denhotfios, Ze-
brzydowscios, Załuńcios, Konopac-
cios, aliosq; plurimos Trabeis & purpu-
ris distinctos diffundantur, explicanturq;
ornamenta enumerare valeat? quorum
omnium ita compendias amplitudines, ut
in Te Uno prope immensam habeant ma-
gnitudinem. Caput Tuum vere aureum
& pene Bibliotheca tota; quidquid dicas,
vel oraculum est, vel oraculis majus. Ma-

B₂

nus

mus Tuas plenas hyacinthis e tot libera-
lissimis fundationibus agnoscunt Divorum
Ædes, æternumq; suum Mecænatem lo-
quuntur. Utor lacone stylo, & quæ tra-
du ætatis Tuæ in bonum Patriæ heroicis
factis egisti, agereq; non cessas breviori ve-
neror cothurno. Sub Magnis Ducibus Ja-
blonovio, Potoccio, Lubomirio, Sie-
niavio ultra binas Olympiades Martis
negotia tradabas, & nunquam Patriam
triumphalibus non redimiebas Corymbis.
Ita militem egisti, ut & Ducem agere vi-
dereris, Cui Lechici Palæmoniciq; exerci-
tūs propensissimi affectus continuò milita-
re voluerunt. Quis numerus Tuorum in
publicum laborum? Tribus vicibus Rado-
miæ

miæ Militaris Areopagi, semel generalis
Themidis Regni Mareschalcus, bis ad Tri-
bunal Supremum Magni Ducatus Li-
thvaniæ Deputatus. Aliquoties ad Comi-
tia generalia Nuntius, bis ad directionem
Ordinis Equestris omnium votis Candida-
tus, ubique Patriæ negotijs studiasti pro-
desse. Culmina honorum, quæ Tuis ultrò
submittebantur meritis, hæc tantum ad-
misisti, ad quæ per gradus ascendere pla-
cebat. Primum Pocillator, mox Ma-
reschalcus Curiæ Magni Ducatus Li-
thvaniæ, mox Castellanus Vilnenfis. Tum
Russiæ, tum Cracoviensis Palatinus, nunc
Castellanus, quid sit Senatorem esse? in-
numeris documentis ostendis. Palatina-
tus

tus Cracoviensis Comitiola plusquam triginta vicibus, generalia Regni Comitia, ultra vigesies adiisti semper Pater Patriæ, semper Orbis Sarmatici Atlas indefessus. Tarnogrodensis Confæderatio quantum in emolumentum Reipublicæ cessit, tantum Tibi Majestas, tantum Senatus, tantum Equestris Ordo totaq; Polonia obligatur. In Ordine Senatorio primum Mobile, quò Tuos dirigis sensus, ibi Patriæ certa salus, libertatis conservatio, publicæ tranquillitatis Moderator & almæ Arbiter pacis. Post AUGUSTUM Secundum REGEM desideratissimum, jam Te Elector populus signabat Regem, jam Votis & desiderijs in Te collimabat, jam fer-

fermè proclamabat Regem & omnino no-
luisti regnæ rogatus. Pridem Cæsarum,
Regum, Ducumq; sanguine Augustissimus,
pridem magnis virtutibus PRINCIPE di-
gnis Titulos omnes prætergressus. Excedūt
quodvis ingenium calamoq; tenui neque-
unt pro condigno celebrari Divinæ pro-
pe in CELSITUDINE Vesta qualita-
tes. Eloquentia Nestorea, qua omnium
captivas animos, ducisq; corda in trium-
phum; Clementia, quæ Te Divis æquai;
sapientia aliaq; virtutum agmina in Te
plusquam humana. Hæc ipsa benefi-
cia favoresq; amplissimi, quibus à Te cu-
mulor PRINCEPS CELSISSIME cùm
numerari nequeant, devota saltem à me
grati-

gratitudine omnino debent honorari. In
cujus documentum BOLESLAUM 2dum
ex Carinthia in Poloniam suā exempla-
ri pænitentiā reducem sisto coram CEL-
SITUDINE Vestrā, prospēra quēuis &
secunda ut plenissimo in longēvos annos
apprecor corde, ita non desino profiteri,
quod sim perenni veneratione Nominis

**Illustriſſimæ Celsitu-
dinis Vestræ,**

devinctissimus Cultor,
&
humillimus servus

St. Golanski.



DE BOLESLAO II. REGE POLONIAE, LIBER I. ARGVMENTVM

*Boleslaus Rex Poloniæ Andream Regem
Hungariæ acie profligat, & Belam An-
dreæ fratrem exulem solio restituit.*

Discite purpurei casum inter læta timere,
Instabilique Deæ nimium nè fidite Reges.
Felix qui potuit sceptrum tractare modestè
Ambitione procul. Cœli sunt omnia munus,
Non mendax Fortuna tuum: contemnit Olympum,
Imperium quisquis mortalibus arrogat armis.
Sceptra Boleslaus nunquam, populosque faventes
Deserturus erat: vitam quod clauerit exul,

A

Pecca-

Peccatum Fortuna tuum: tibi credidit ille;
 Excidit & solio, toto vagus hospes in orbe.
 Illius exilium, lacrymasque, & vota gementis,
 Et missam Cælo veniam mea Musa recense.

Vasta Borysthenijs Tellus habitata Polonis
 Auroram & Moscis videt, & Mæotide pigrâ,
 Pannoniam ex Austro, Sveones Aquilone gelanti;
 Purpuream cum sole diem Germania claudit.
 Dives opum Regio, & navim patientibus undis,
 Triptolemi, mellisque ferax, exercita bellis,
 Armorumque, virumque potens, & amica Minervæ.
 Regibus ex alijs Casimiri regius Hæres
 Sceptra Boleslaus, soliunque tenebat avitum:
 Gentis amor, toto Princeps mitissimus orbe.
 Omnibus alloquio facilis, solisque tremendus
 Hostibus, hos domuit ferrò, frenosque superbis
 Imposuit, veniamque dedit post bella subactis.
 Septima continuis hunc æstas vidit in armis.
Quam felix una ante alias vastissima terras
 Sarmatia, Imperijs tanti parere Monarchæ
 Cui Fortuna dedit? riguo sic sœcula quondam
 Saturno sub Rege ferunt fluxisse metallo.
 Sic in pace suam sapiens flectebat Idumen
 Et struxit Parijs enormia templa columnis
 Congesto Davidiades spectabilis auro.
Talis erat cùm jura daret, cùm prima teneret

Sce.

Sceptra Boleslaus, contempti Numinis umbram
 Horruit & sceleris nomen. Non dira premendæ
 Libertatis erat, Patriamque tyrannide lœva
 Calcandi, & Procenum refecandi colla libido.
 Religio rectique tenor, reverentia legum,
 Comis amabilitas, vultuque immota sereno
 Et sine tristitia gravitas, sanctissima pactis
 Pollicitisque fides, gnavæque industria dextræ
 Mater opum Regni, synceræ gratia lingvæ,
 Innocuique sales, & munificentia nullis
Quæ tenebris damnavit opes, dos aurea Regem,
 Et dos prima Senum prudentia; Fama juventæ
 Hortatrix, matrumque pudor, castusque puellis
 Ignis in ore natans, dulcique in pace vigebant,
 Sic senior post fata suum Casimirus ab astris
 Erudit gnatum, Sceptri formavit ad artes.
 Scilicet esse pios decet, & reverenter habere
 Fortunam, & superos nunquam contemnere Reges.
 Qui pius est, idem cæli Rex proxima cura est.
 Descendunt, & in arma ruunt, ex æthere lapsi
 Cœlicolæ, si quem non justo Marte lacesset
 Impius infontem, clementi bolla superbus
 Si moveat: læsum ferro tutantur, & igni.
 Nec sibi, sed populi studijs quoque mascula virtus
 In Rectore favet. Speculum Rex gentis, in illo
 Ceu vivâ fontis glacie se quisque tuetur.

A 2

Nec

Nec rigidæ tantum leges valuere minæque,
 Quantum facta movent, sanctique exempla Regentis.
 Heu male constantes, & ad omnia flabra tumentes,
 Instabilisque Deæ sempèr pila ludicra Reges!
 Tot decora everti, maculari sanguine sceptrum
 Innocuo, sancti prosterni jura Senatus,
 Regnandi leges, genitor quas misit olymbo,
 Calcari quis posse putet? quis maxima sperni
 Numina, & æternos contemni somniet ignes?
 Contempsit, fuditque sacrum Rex ense cruorem
 Impius, & Superos, & inania sidera risit.
 Parte tamen felix, raro quod poneret iras
 Regibus exemplô, & facile placabilis esset,
 Primus ubi mentis cœcæ deforbuit æstus.
 Rara fuit semper virtus in Principe, parvo
 Surgentes animi compescere tempore fluctus.
 Bile tument alij rabiemque mucronibus explent,
 Sæcula post cineres etiam, manesque sepultos
 Exercent odijs, satiantque furore furorem.
 Tristibus exemplis sic diruit Anglia Thomæ
 Marmora, Sacrorum pro Libertate cadentis.
 Musa cruentati reslera jam vela theatri,
 Cortinam remove: sine cæde, & sanguine scena
 Hæc claudi se posse negat. Quæ causa ruinæ,
 Quæ sceleris sit origo doce, & canere incipe mecum.

Cribri

25) o (26)

5

Cribri Tumultus Russici à Rege Bo- leslao sedati.

Æ Tatem rigidis omnem toleravit in armis
Rex juvenis, nudo placuit decernere ferro,
Quid fortuna velit, quæ sit sententia Marti,
Anceps quid belli ferat alea? & alea belli
Prospera semper erat, Regique favebat Enyo.
Ut Samio quondam Rhamnusia diva tyranno
Riserat, & gemmam, quam merserat ille profundo,
Reddidit exemplō, vomuitque in littore piscis,
Fortuna purgante fidem: sic semper adhæsit,
Et bello comitata fuit, certissima Regem
Haud dubijs circumvolitans victoria pennis.
Nec quæ sors juveni, crescentibus ausa diebus
Contemerare fidem: crescunt virtutis adultæ
Tempora cum palmis; vicitria serta viriles
Per crines serpunt; auctis augentur ab annis
Armatæ laudes, incisaque marmore Virtus.
Fama peregrinas etiam penetravit ad aulas:
Ductoresque alij tanto sub Rege cruentum
Laudant Matris opus, tempestatemque, tumultumque
Armorum, accendit cunctos fax mentis honestæ
Gloria, & Heroæ immortalis Adorea Famæ.
Dextera bellatrix fortes ad tortia semper
Excitat, & felix omni spectatur ab ævo

In Du-

In Ductore manus. Non tantum callida possunt
 Consilia & validæ numeroſo milite turmæ,
Quantum Belliducis præſens, & mascula Virtus,
 Cui fortuna comes. Si ridet Pacē serenā,
 Multa potest Fortuna; eadem ſi riſit in armis,
Omnia. Nec Venus eſt ita compede nexa Gradivo,
Quām Dea, quæ fortes timet, ignavosque repellit.
 Cedere turpe putant, qui tantum vincere nōrunt.
 Cuncta quod auderet, neque falleret alea, Reges
 Finitimi, Audacem quem nulla pericula terrent
 Voce Boleslaum dixere, & Fama per orbem
 Sparsa volat, gelidam quā Titan ſpectat ad ursam,
Quā mediusque micat, senior quibus occidit oris,
 Et quibus evigilat, Rex nomine dicitur Audax.
 Nomina pondus habent, quia vincit, & audet ubique.
 Barbara Gens Russis roſei Titanis ab ortu
 Intulit arma, Ducemque ſoli bis marte ſinistro
 Congressum abripuit, rigidique abſtraxit in antrum
 Carceris, & turpes injecit lāva catenas.
Auxilia implorant trepidi poſt talia Russi:
 Ultor adeſt ſtrictoque minax, & Numinis aras
 Ense Boleslaus læſi, teſtatus in hostes
 Agmine concurrit, fundit, ſternitque feroceſ:
 Corriputere fugiā reliqui per aperta viarum.
Qualis Abantiades, qui Gorgona meſſuit Harpe,
 Eximit Andromeden vinclis, ſcopuloque ſolutam
 Uxo.

Uxorem sibi vi^ctor habet, plaudente puellâ
 Servatore suo; Talis redit agmine vi^ctor
 Prostrato, & palmis Russorum lauriger implet
 Arva Boleslaus, solioque reponit avito
 Quem gemuere Duce m tenebroso carcere clausum.
 Talis adeat, & vi^ctor ovat. Sic prima sacravit
 Tempora Mavorti, raptam profugisque coronam
 Regibus imposuit, sic ferro scepta redemit,
 Firmavitque thronos. Solem per utrumque cucurrit
 Fama, triumphali vexitque ad sidera currū
 Audacem, audaces qui nosset tundere, Regem.

Initia Belli Hungarici.

VIx bene composuit lites, & funebre bellum.
 Altera bella tonant, iterūm concurrunt armis,
 Finibus Hungariæ solio sublimis eburno
 Jura dabat populis, & regia scepta tenebat
 Andreas senior, bellacis gloria gentis,
 Cæsareusque Gener. Germano sangvine junctus
 Illi Frater erat, cui Belæ nomen adhaesit.
 Hic procul extorris Patriæ, peregrinaque lustrans
 Littora, Sarmatiæ profugus defertur ad oras,
 Atque Boleslaum lacrymis affatur obortis;
 Armorum, bellique parens, cui prisca tulerunt
 Sæcula nulla parem, similem neque postera gignent.
 Exulis adventum scitari, & querere duri

Causas

Causas Exilij Rex invictissime parce!
 Frater ego Andreæ viduam mihi jure coronam
 Vendico, si fatis Rex frater cesserit olim.
 Sic pacti diadema sumus. Nunc jura, fidemque
 Contemerat, propriamque thronis imponere prolem
 Destinat, & puer Salomoni sceptra dicavit.
 Rara fides, rara & fratrum concordia. Damnis
 Hoc miser ipse meis profuga cum conjugè disco.
Quodque magis doleam, faciunt affinia nobis
 Vincula, quippe tuam thalami mihi lege jugavi
 Rex amitam, amborum regali sangvine nexum est
 Cognatum genus. Hæc tibi me cum conjugè sislo
 Exul & insidias Lethi quas Frater in aulâ
 Intentare suâ mihi, Consortique paravit
 Sic ego decipio, fraudesque eludo veneni.
 Pellimur o Princeps! Regnoque excludimur omni.
Quodque tuos nolim seros memorare Nepotes,
 Nec gnatos doluisse meos, præfertur, & ostrum
 Præripit ex cunis egressus tristulus infans:
 Æmulus heu! noster nutricum pendet in ulnis!
 Tunc senem puerò, quod legum sanctio cavit,
 Postponi Rex magne feres? non hoc tua dextra,
 Non tua me virtus, animusque in pectore præsens,
 Lectaque tot juvenum regni Mavortia pubes,
Qui Duce te freti, ceu festum Hymenæa frequentent,
 Sic in equos, & in arma volant, non denique sanguis
 Finiti-

Finitimus metuisse jubent. Rex parce dolori,
 Si nimiūm queror Ah triste est excedere Regno,
 Et puerō cessisse senem ! cum Conjugē dextram
 Oscular hanc supplex, pactæ mihi jura coronæ
 Auxilijs tutate tuis, meque assere sceptro.
 Munere pro tanto Superi, qui talia curant,
 Præmia digna ferent, quoniam non possumus ipsi.
 Finijt his dictis demillo vertice tristis
 Bela, Boleslaus contrā sic farier orsus:
 Surge animo, salveque mihi junctissime dudum
 Tot jactate malis, tot Bela erroribus acte!
 Gratulor hoc iterum titulis accedere nostris
 Ut mea cognatis sint Regibus hospita regna.
 Tuque adeò Herois tanti lectissima Consors
 Pone modum lacrymis, & tristia lumina terge.
 Tempus erit, regale tuis quo crinibus aurum
 Impones, raptisque dolo dominabere terris:
 Tempus erit, quo celsa throno Regina sedebis.
 Ipse juvat casum DEUS, & fiducia causæ
 Arma dat insonti: ruptam tu credis Olympum
 Dissimulare fidem? ferit, & jaculatur ab alto,
 Flagrantique scelus perjurum fulminat igni.
 Mox iterum alloquitur Belam, conversus & infit:
 His mi Bela malis majora interritus aude!
 Hæc mea dextra dabit, quæ frater scepta negavit.
 Sangvinis ut taceam sanctissima vincula nostri

Cognatamque domum: vicina pericula surgunt
 Hoc puero quoque rege mihi, bella horrida Regno,
 Bella timenda meo. Quid enim, si fœmina mater
 Jura dabit legesque viris, populumque ferocem
 Imperio premet? an mulier sub tempora Martis
 Pro Patriâ audebit, donec Rex pusio crescat,
 Impavidum pepigisse animam, & decernere ferro?
 Scilicet hæc hostes speculis terrebit Amazon,
 Et configet acū, molli sternetque flabello!
 Illa nives, æstumque feret, galeataque durum
 Cum grege nympharum capiet super arma soporem.
 Turpe viris semper Regina, & fœmina mollis
 Imperat. Ipse monet sexus servire pueras,
 Et fusum tractare manu, non bella movere,
 Non urbes quatere, & mundum miscere tumultu,
 Haud dubito excitos contendet jungere Reges,
 Et frater glomerare tuus socia arma parabit,
 Perfidiæ crimen communi Marte tueri
 Si queat, & gnato assertum defendere sceptrum.
 Sed male tutamur, quos novimus ætheris hostes
 Juratam temerasse fidem, firmataque cœlo
 Fœdera. Cum victo sociabunt fratre ruinam
 Quotquot erant comites sceleris, bellique nefandi.
 Hæc memorans gladium stellantem jaſpide fulva
 Nudat, &, hic testis dictorum, ultiorque cruentus
 Fraternæ sit fraudis, ait: numerabit hic ensis

Magna

Magna strage globos equitum, peditumque maniplos.
 Castra petes mecum vindex æquissime sceptri
 Bela tui, consangvineâ cum conjugè proles
 Obsequijs devota tuis mea proteget aula.
 Finijt his Belam dictis solatus amicis
 Hospitijsque fidem profugo Regalibus aulis
 Præbuit, antiqui fatum miseratus amici.
 Mox ubi finierat, belli dat signa recentis
 Buccina, & æricrepis rumpit stridoribus auras:
 Crudescunt iræ. nova conclamat ad arma.
 Ipse globos juvenum campo Rex censet aperto
 Imponitque Duces cuneis, vexillaque turmis
 Dividit, albentes aquilas, insignia Regni.
 Mox acuit dictis: Ubi prima pericula surgent,
 Rex ego primus ero. Pavidae de turribus altis
 Prospiciunt matres: gemitu comitantur euntem
 Spem Patriæ: Soboletique suam, quam linquere fines
 Sarmatiæ, atque alibi nova cogere prælia cernunt.

Bohemorum in Poloniā irruptio, eorumq; strages.

Ecce via in media velatus epomide nigra
 Conspicuus facie, frenis spumantia torquens
 Ora ferocis equi, parvo comitante suorum
 Agmine Jaromirus adest: genitoribus ortus
 Albicolis nuper dederant qui jura Bohemis.
 Hic prior occurſans Regi sic ora resolvit:

Crinibus attonsum , tunicis hæc corpora tectum

Funereis me quòd Rex invictissime cernis ,

Desine mirari : sic me fraterna totondit

Ambitio. Fratrum rara est ita gratia semper.

Prædislaus erat Genitor mihi , & ille Bohemis

Finitimisque dabat leges , & jura Moravis.

Hic genitor qui nos suscepit conjugé natos:

Cùmque extrema gemens clausisset lumina letho ,

Primus erat nostrum , natu qui maximus , Hæres

Spitignus , tenuitque sua ditione Bohemos.

Tres reliquos cepit divisa Moravia fratres ,

Ast ego , qui natu postremus , destinor Aris.

Spitignus , functo fatis Genitore , furore

Abripitur , propriamque solo pepulisse parentem

Haud veritus plectente DEO celer ivit ad umbras.

Cùm prius haud paucos illustri gente Moravos

Arcibus inclusos tenebris damnasset opacis.

Sublato terris Spitigno proximus illi

Successit natu frater , rexque Bohemus.

Tunc ego tandem aras , invitaque sacra perosus :

Si fuit in ternos divisa Moravia fratres ,

Tertia me nunc jura manent , cedente secundo ,

Atque Bohemorum , dixi , nunc regna tenente.

Nam neque Pontificum lituos , mitrasque bicornes

Ambio , nolentem quis enim me coget ad aras ?

Nunc ergo has tunicas te Rex spectante nigrantes

Abji-

Abjicio, bellumquē sequor. Te poscere castris
 Pannoniam, & solio Belam firmare tot annos
 Extorrem didici famā. Pro pingvibus Aris
 Arma manu capio, laterique incingo mucronem.
 Dic mecum quid Magne velis Rex! jussa capello,
 Præstat idem mea parva cohors servire parata.
 Complexus juvenem, dictis & dicta repones:
 Nolentem invitas quis tandem coget ad aras?
 Rex ait, hæc solo lis à te judice pendet.
 Elige. Consilijs, non legibus utere fratum.
 Si tantum valuere animo, cur thuris acerram
 Pontificumque mitras sibi non legere priores?
 Et cantare preces quæ tandem gloria templis?
 Fama tibi petitur, si mecum fortia Martis
 Castra petis: Famam sectare, & collige laudes.
 Nostrorum in partem sic te venisse laborum
 Martie Jaromire juvet. Cape signa phalangis
 Ista tuæ, miles posthac interritus esto.
 Forte erit ut fratum quondam tua dextra superbos
 Contundat fastus, & victa Moravia cedat:
 Quemque volunt Myslam, præsens sis terror in armis.
 Me sequitur, peditumque decem fortissimus ipse
 Dicit Bela globos: simul altera dena sequuntur
 Millia magnanimo sub bellatore Zamosco.
 Agmina magna satis. Fortunæ cætera mando.
 Ista Boleslaus. Sed Sarmatis ora cruento

Hespi-

Hospitis adventu posthac collisa duello est.
 Quippè Bohemorum Princeps, ubi percipit atram
 Deposuisse togam, Regisque favore Poloni
 Et socijs fretum castris se adjungere fratrem,
 Huc illuc animum variâ formidine pressum
 Jactat, & oppositis anceps affectibus errat.
 Dissimulet, rabiemque premat? metuendus inermis
 Qui fuerat, nunc armatus graviora minatur.
 Marte petat fratrem? Rex auxiliaribus armis
 Tutatur, ferroque novum defendat amicum.

Ast quia Pannonias exercitus omnis in oras
 Rege jubente migrat, paucoque Polonia fines
 Milite jam servat, vacuis immittere bellum
 Sedibus, & rapidis urbes exurere flammis
 Consilium fuit. Hæc placuit Fortuna Bohemo.
 Ergo aciem ingentem prædantum, nulla daturum
 Prælia justa, legit: quibus omnis vivere rapto
 Gloria; mox fines, & vasti vilcera Regni
 Ingreditur, ferro, flammis graffatur, amicos
 Et populatur agros, populi nil tale timentis.
 Spumeus ut torrens per lubrica saxa volutus
 Imbris, & limo turpi, nivibusque tumescit,
 Ac strepero undarum sternit fata verna tumultu:
 Sic fera prædonum se regno examina fundunt,
 Ferreus armorum bacchatur & undique nimbus.

Regnorum facile est armis perrumpere claustra,
 Sed

Sed retro torquere gradum, & sine cæde suorum
 Ad Patrios remeare Lares labor Herculis ingens.
 Principio quæ lata nimis plerumque secundo
 Fine carent, & damna ferunt, serumque dolorem
 Consilia: Eventum pro metâ figere miles
 Conatur sapiens, non primi exordia belli.
 Sic quoque prima favens vicina in Regna ruentem
 Viderat, ast subito oppressit Fortuna Bohemum.
 Namque Boleslai fama hæc ubi venit ad aures,
 Et querulæ populi voces festina petentis
 Auxilia, ipse manu validâ contendit in hostes
 Inceptam relegitque viam, totusque Bohemis
 Imminet: à tergo Belâ Ductore sequuntur
 Turmæ alia Regem, qui jam vicinior hostem
 Omnibus explorat silvis, antrisque latentem
 Si petere, & justo certamine tundere possit.
 Haud aliter cervos agitare Actæona vidi.
 Detrectare tamen pugnam, & diffidere rebus
 Ipse suis, turpique metu trepidare Bohemus.
 Silva capax ævi, flagranti impervia Phæbo
 Ramis obscurum connexis aëra stringens
 Umbrarum æternis horrebat mæsta tenebris:
 Nec procul hinc aberat prædatrix turba Bohemi,
 Cum Ductore suo. Luco succedit opaco,
 Et nisi jam stellas cælo nox spargeret atra
 Rex seræ tentaret adhuc discrimina pugnæ.
 Crastina lux, inquit, fundet, spolijsque rapaces

Exuet, exspecto redeuntis munera lucis.
 Nunc fessos recreare artus sub nocte soporâ
 Tempus, & exhaustis riguam captare quietem.
 Famâ Boleslai rumore ubi perculit hostes,
 Obriguere metu, pallens sine sangvine sedit
 Prædantum Ductor. Lepores sic ora latrantum
 Sæva timent. Posito veniam stat Marte precari
 Et pacem exorare genû. Mox ipse sub umbras
 Concubijæ noctis geminos ad regia castra
 Ire oratores trepidâ formidine mandat:
 Cras se venturum alloquio, si commodet aurem
 Rex facilem, vincosque omnes, prædamque daturum,
 Pexerit ac primùm roseos Aurora capillos.

Accipiunt responsa, viam sub nocte remensi
 Atque Bohemorum majori castra timore
 Percellunt, agmen Regis dum grande recensent
 Legati, pugnæque avidas pulchro ordine turmas.
 Interea ex Belæ castris volat alter anhelus
 Ad Regem, affatumque petit, simul ora resolvit:
 Maxime Rex, denas qui ducit Bela phalanges,
 Esse cupit præsto pugnæ, nisi tardior illum
 Incessus peditum congressu fortè moretur:
 Optat & impavidus bellator adesse Zamoscus.
 Rex contra: auxilijs socium non utimur ullis;
 Vade, age, dic nostris aciem tam fundere parvam
 Et trepidam audaces nunquam dubitasse Polonos.

Quos majora juvant, decet hæc ridere minora.

Jamque aliquid dubiæ lucis surgebat ab Indis,
 Dicere nec lucem possis, neque dicere noctem:
 Sic tamen ut lucem semper mage dicere malles.
 Quid tardas nox atra? diem quid Cynthie tardas?
 Rex ait: exorere o! Mundi nitidissima lampas!
 Cœlum sparge rosis, hostes ego sanguine pingam.
 Hâc mihi nulla unquam mage tetrica nocte fuit nox.
 Extemplo inflari lituos, & tympana tundi
 Signa jubet-pugnæ. Veniat si luce Bohemus
 Et veniam supplex, inquit pacemque precetur,
 Maturum puto tempus habet: si tardior adsit,
 Non Illum alloquio dignari, & pace, sed armis
 Et ferro fixum est isthanc decernere causam.
 Quid juvat à læsis post damna reposcere pacem?
 Interea vigiles extremis undique castris
 Observant creperâ quid agant, sub luce Bohemi
 Collucere vident flammis hostilia castra
 Undantesque globos sumi. Quin fama volabat,
 Sub noctem fugisse hostes. Rex certior acres
 Attollens iras in equo volat alite primus
 Infectansque globos fugientum, o! Martia pubes
 Appropera celer, appropera, ferroque fugaces
 Insequere exclamat, dant terga, fugaque fatentur,
 Se nobis non esse pares. Quasi pulvere venti
 Excutiant sicco rapiantque per aëra nubem:

C

Sic

Sic tu fulmineum videas ruere agmen in hostes.
 Terga virūm premere, & prosternere corpora letho.
 Vexilla, arma, tubæ, clypei, galeæque comantes,
 Truncaque membra virūm, & porrecta cadavera campo
 Sparsa jacent. Ergo nostras dux ille latronum
 Prædonumque caput, potuit dux ille Bohemus
 Effugisse manus? ergo plerisque suorum
 Qui celerem rapuere fugam Bellona pepercit?
 Sistite nec turpi maculate in sangvine ferrum:
 Proripuit sese primus jam criminis author.
 Nunc prædam legite, & vincitos adducite castris
 Parvaque majoris præludia credite belli.
 Convestant spolia his dictis, vincitosque reducunt
 Ad castra, & solvunt vinclis. Mox tibia dulcis
 Personat, in gyros se læta corona rotundat:
 Atque diem ducunt epulis, noctemque choreis.

*Boleslaus exercitum ducit in Hungariam, &
 suos hortatur ad prælium.*

POstera lux matutino coelum imbuit auro;
 Sidera vanescunt, & pendet ab æthere solus
 Lucifer, æquoreis crinem bene lotus in undis.
 Infremuere tubæ, percussaque verbere crebro
 Increpitant abitum cum murmure tympana rauco.
 Rex sublimis equo venit ipse, equitumque phalanges
 Ingrediuntur iter. Mox & longissimus ordo

Incen-

Incedit peditum Belâ ducente maniplos.
 Consistunt tumulo, tumulo Rex infit ab alto:
 Macti animo invicti mea gens heroa Poloni!
 Terga Bohemorum duxtor dedit, agmen & omne
 Dispersum in tenues ceu sumus vanuit auras.
 Dedeceus est profugos urgendo absumere mensem.
 Prælia nos majora manent, majorque superstes
 Gloria Pannonijs victores cernet in arvis.
 Auxiliatrices si colligit undique turmas
 Rector Pannoniæ, quantum nunc strage Bohemum
 Territus atque fugâ nostro sibi Marte timebit?
 Credite dimidium jam fregimus illius agmen.
 Rumore armorum, famâque, & nomine constant
 Prælia. Victores terror comitatur ubique.
 His Rex instigat dictis acutque volentes.
 Ipsi etiam sese certatim hortantur ad arma
 Sarmatiæ Proceres: votum est tranare Tibiscum,
 Pannones & stantes adverso in littore primo
 Exhauire metu. Spolijs & divite præda
 Jaromirus adest, profugos qui longius hostes
 Insectans, primam meruit sub Marte coronam.
 Ille trahit vinctos septem post terga Bohemos,
 Raptaque fert dextrâ vexilla undantia vento.
 Ducuntur vinciti picta ad tentoria Regis:
 Edere tum jussi quæ sit fortuna Bohemi?
Quæ nemora abscondant pavidum? Sic ora resolvunt:

De Duce quod poscas nihil est Rex maxime nostro.
 Quadrupedante fugâ, rapidisque ablatus habenis
 Proripuit sese sub nigra silentia noctis.
 Nunc turmas fama est illum glomerare recentes,
 Quemque petis bello, bello jam velle tueri
 Andream, & pugnæ sortem tentare secundæ.
 Risit ad hæc, errâsse semel non sufficit ergo
 Rex ait: in bello nunquam licuisse secundò
 Errare hæc captum cerebro mea dextra docebit.
 Fata ducem suprema manent, aut vincula vestrum.
 At quibus auxilijs porrò, socijsque juvetur,
 Pannoniæ Rector, rumor si venit ad aures,
 Dicite: respondent, redduntque ex ordine vincti:
 Fulgentem ære aciem Germano milite lectam
 Teutonicosque Duces geminos, bellique paratum
 Ingentem fama est constrato navibus Istro
 Regis in auxilium fluvio properare secundo.
 Hæc numerosa manus, Regi quam misit amicus
 Cæsar in Hungariæ primas exscenderit oras.
 Accedunt alij, numero famâque minores.
 Insuper & nostri, jam diximus, arma Bohemi
 Corripient, aderuntque suo cum Principe pugnæ,
 Agmina quin etiam non contemnenda Moravum
 Sub Duce se sistent Cunrado, fratre Bohemi.
 Hæc ubi captivi referunt, venit alter, operatam,
 Quæque gerit sensus numeris perscripta latentes

Porri-

— 6 —

Porrigit exiguum Belæ sine nomine chartam.
 Bela aperit sensusque legit, Regique revelat
 Abdita, quæ numeris calamus commisit amicus:
 Atque ita verba sonant, tacitis perarata tabellis:
 Bela veni auspicijs, Regisque favore Poloni,
 Sceptra cape, & regnum: pro te certare videbis
 Quos metuis: Socero spem vanam in Cæsare frater
 Collocat Andreas: letho scelus ille piabit.
 Sic breviter loquitur numeris perscripta papyrus,
 Augurio jam læta suo. Victoria pugnam
 Antevolat, dubios prævertit laurus Agones.

Ergò alacres certos spe divinante triumphos
 Abrumpunt iter, & piscosi effusa Tibisci
 Flumina contingunt: pons arduus arcubus altis
 Innexisque sibi trabibus frænaverat amnem.
 At prior insedit pontem, turmasque locavit
 Obvius, occursansque suo cum strage periclo
 Andreas, fretus socijs, & Cæsaris armis.

Apparatus utriusque exercitus ad Pratum.

SOL vespertino rutilum sub gurgite currum
 Merlerat, ingenti cras arbiter ipse duelli,
 Spectatorque altâ signorum ex arce futurus:
 Ergò ambæ ad pugnam sub opacâ nocte parantur
 Invictæ gentes. Aggeslis agmen arenis.
 Pannones occludunt, curvumque per omnia castra
Descri-

Describunt vallum: Nostri se incingere vallo
 Contemnunt, solo sed aheno pectore gaudent,
 Et lucem exspectant avidi, stantque ordine nexo.
 Optimus est murus constans, & ferreus ordo.
 Ast hostes vario, & peregrino milite lecti
 Despiciunt patria Majorum gente vocari,
 Sed sibi Dardanidum de nomine nomina fingunt.
 Atrides major tumidus vult esse Bohemus.
 Cunradus minor Atrides: tum Cæsare missus
 Belliger haud uni notus Gulielmus arenæ
 Accipit Æneæ specioso nomina fuco.
 Exin se Priamum vocat alter, & alter Achillen:
 Dicitur iste Ajax, alias versutus Ulysses,
 Nestor, & Amphilochus, Pyrrhusque, & Troius Hector.
 Hoc sibi verborum strepitu, vanoque paratu
 Comica Pannonidum plauerunt agmina, solis
 Fortia nominibus. Nostri nil talia curant,
 Sed Patriæ antiquæ, & nunquam tumulata parentum
 Nomina clara gerunt, fuso qui sangvine veram
 Mercati laudem titulos sibi morte creârunt.
 Ista tenent, horum splendore & lumine gaudent,
 His labara, & clypeos pingunt. Sic scuta rubescunt
 Tincta rosis, quæ Pstrokonidum stirps inclita gestat.
 Sic volat aurato in clypeo Radivilius ales,
 Qui Jovis arma refert, & terret murmure mundum.
 Sic sese viridi committit mascula ponto

Czar-

Czarneiana ratis ; nulli cællura procellæ.
 Alcia, crux, hastæ, soleæque, & spumeus amnis,
 Gygnus, & Accipiter, Leo, falcia, Luna, Sagittæ
 Et quidquid Virtus Proavum Mavortia scutis
 Sarmaticis pinxit, defert gens martia secum
 Ad castra, hoc solo Majorum nomine plaudit
 Et virtute suâ : non Patrum ingentibus ausis
 Docta minora sequi, sed famam extendere ferrò.

*Boleslai Regis Oratio Polemica
 ante conflictum.*

Ipse autem chalybum squamis, auroque relucens
 Terga Boleslaus Tyrio constrata tapete
 Quadrupedantis equi premit, & supereminet omnes.
 Plurima magnanimo Majestas insidet ori,
 Et vivax oculis fulgor, meruitque timeri
 Casside cristatâ, labijs sed spirat amorem,
 Mel natat in lingua : turmas sic ille suorum
 Alloquitur, blandis animatque in prælia dictis:
 Semi-Deum sangvis, flos Martie, gloria Regni,
 Lecta corona ducum : bellorum fulmine mundum
 Quæ, si fata velint, sit & hæc sententia cœlo,
 Concutiat terrasque omnes sibi subdat, & æquor!
 Nil antiqua moror, Lechici confinia Regni
 Didita quæm fuerint, quo Marte Borysthenis unda
 Perdomita infixas duro tres ære columnas

Litto-

Littore sustentet, Proavi quas dextera nostri
 Imposuit, memoresque suæ nos esse minores
 Virtutis voluit: scelerata in prælia Russos
 Surgentes temerè magnâ dum strage cecidit.
 Illinc Carpathij montes, hinc cornibus Albis
 Scripsérat Imperij fines: spe dives avara
 Limite pro Regni Neptunus Balthicus ipse
 Cœruleum diadema dedit, sceptrumque profundum.
 Nos Proavo tanto non inferiora secuti
 Et Regni fines, Patriasque extendere terras
 Sanctum opus esse rati, tumidos tot fregimus hostes,
 Exuimusque Duces castris. Sit Russia testis,
 Russia purpureo toties depicta crux,
 Cornua nos Viadri, nos cornua fregimus Albis,
 Hausimus & Volgæ galeis victricibus undas.
 Nunc iterum certare acie, & contundere magni
 Cæsaris arma juvat: nec enim dignamur honore
 Dicere Pannonicum nomen. Quo marte Burossos
 Fregimus, & Moschos, cum Teutone sic juvet æther
 Bellacem miscere manum, & concurrere ferro.
 Plura Boleslaus, fremuitque exercitus omnis
 Sermonem & medium clamoribus interrupit.



BOLE-

DE
BOLESLAO III.
REGE POLONIAE,
LIBER II.
ARGVMENTVM.

Continuatur residuum argumenti ex Libro I. Prælum, & victoria Polonorum. Boleslaus Cracoviam triumphans ingreditur.

JAmque altâ ex speculâ dat buccina rauca canorem;
 Illius ad sonitum castris simul omnibus omnes
 Concinuere tubæ generoso carmine plenæ:
 Tinnijt & tellus, & magnus tinnijt æther.
 Ignescunt juvenes, fremitusque auditur equorum.
 Sic inter lituos, & cornua vulnera læti
 Despicimus, pulchrumque subit contemnere mortem.
 Agmina vix teli jactu contraria distant,
 Conspiciuntque acres hinc Pannones, inde Poloni.
 Principium pugnæ nostris sparsum aère telum.
 Mox equitum clypeata leges ductore Zamosco

D

Ordini-

Ordinibus nexit seque prementibus hosti
 Fit propior, primamque aciem perrumpere tentat:
 Stare loco contrà, fixæque insistere plantæ
 Pannones hortantur semet, neque cedere nostris.
Quin & barbaricis calamos ex arcubus urgent,
 Absconditque diem nox ferrea missa pharetris.
 Ergo iterum insultu nostri graviore sinistram
 Vellere pertentant, acies ubi Cæsar is, alam.
Ast neque Celareæ constanti Teutone turmæ
 Se subigi, veterique sinunt statione moveri.
 Mille cadunt, illoque jacent, neque morte recedunt
Quem tenuere locum sub primæ exordia pugnæ.
 Ecce Boleslaus ferro se intrudit in agmen
 Et rumpit virtute viam. Sic nominis implet
 Mensuram, Regesque inter Rex dicitur audax,
 Fulminat audaceim quia primus in agmina dextram.
 Ense viros metit, & rorantes sangvine manes
 Mittit ad umbrarum Dominos. Delecta juventus
 Exemplo Regis volat incita, funera, mortes
 Conglomerat, nullumque vibrat sine vulnere telum.
 Parte alia densâ medius caligine, & atrâ
 Nocte sagittarum Lubomirius emicat ardens.
 Hic quoque perrumpit cuneos, ensemque coruscans
 Se se infert septos fossis violentus in hostes.
 Nec procul impavidus Lubomirius imminet alter:
 Fulmineusque Topor prisca de gente Toporum;

Et

Et Radivil geminique infracto pectoré Lasci.
 Fit via vi, duro tandem fit semita ferro.
 Pannonij justæ faciem componere pugnæ,
 Cedere nec nostris, neque primi damna vereri
 Agminis, & multo rabiem saturare cruore.

Non secus ac saxo pastor quem forte petivit,
 Saucius authorem dudum circumspicit anguis
 Et linguâ vibrante minax, atroque veneno
 Arduus attollit cœlo caput, atque sub ipsa
 Morte furit, saniemque vomit, nigrumque cruentem:
 Sic majore tremunt læsi post damna furore
 Pannones, & junctus sociali foedere Teuto.
 Ecce ruit, Regemque petit, telumque trabalē
 Ipsius in Regis torquet latus agminis alper
 Teutonici Ductor Gulielmus, Pannones illum
 Æneam dixère suum: contorta sefellit
 Sed tamen hasta latus, jacuitque ingloria campo.
 Rex capit hoc telum, & Gulielmi in viscera mittit
 Non fallente manu, tetigitque hæc lancea metam;
 Mox ait, & mediâ in r̄sum quoque solvitur ira:
 Tu velut Æneas novus hoc me poscere telo?
 Reddo quod accepi, sic tela vibrare memento.
 Jam morere, & nigro postquam descenderis orco
 Ore meo Æneam veterem, Turnumque saluta!
 Sparsus equo jacuit Gulielmus, humumque momordit.
 Mox cadit & Stenhelus, cadit & Laertius Heros,

D 2

Atqué

Atque Neoptolemus, messique Athamasque, Thoasque
 Ense Boleslai: nil fortia nomina prosunt:
 Sola facit nomen virtus, & dextera fortis.
 Non procul Æolijs buccarum follibus implet
 Gente Bohemorum tubicen cava cornua, & aures
 Perforat insanis stridoribus: hæc cape cantus
 Præmia digna tui, Radivilius inquit, & umbris
 Quod superest cane: felicem tum strenuus hastam,
 In fauces agit, ille vomit cum sanguine dentes.
 Dum loquor obliquo sese altera lancea cursu
 Librat, & in collum supremaque pectora fortis
 Czarneccij impingit, quam miserat Hungarus Ajax:
 Lancea sed resilit, squamis impacta, repulsam
 Corripit, Ajacem ferit, atque in colla retorquet
 Czarnecius, cadit ille animamque eructat in orcum,
 Porrectusque jacet spoliatus lumine truncus.
 Hic ubi se stipat globus, immixtique duello
 Concertant juvenes, æs missile solvit ab arcu
 Hector Pannonius, Sapiæham læsit arundo,
 Sed leve vulnus erat, nostrum Sapiæha Leonum
 Irritare minas fuge, dixit, & Hectora nervo
 Dexteriore petit, simul ac: sic mitte sagittam
 Hungare, sic Gentis Sapiæhæ sterne Leones.
 Dixit, & emisso rupit præcordia ferro.
 Hosticus Æacides, Germanum dictus Achilles,
 Tres hastas, tenues contemptim sparsit in auras

His

His verubus, dixit, lepores ego figo Polonos.
 Talia jactanti medio clamore protervum
 Obstruit os, terebratque hastâ Lubomirius, ille
 Dat poenas lingvæ, & petulantia verba resorbet,
 Promicat adverso nudum de pectore ferrum.
 Mox alias Priami antiqui cui nomen adhæsit,
 Multa furens, casu socij neque territus atro
 Vocibus in nostros demens majoribus infit:
 Vos ego Sauromatas! messor ceu tondet aristas
 Armatæque hyemes populantur vota coloni,
 Sic feror in pugnam, & jugulis minor ultima vestris.
 Terror ego, & mundi metus ingens, pressus ahenis
 Sub pedibus tremit ille meis. Hac casside vestri
 Spumantis victor potabo Boryshenis undas.
 Non ego lac puerile bibi, sed sanguine duxi
 Bellonæ mammas. Me Martis in arma ruente
 Albescunt nigri Manes, & sidera pallent.
 Plura locuturum telo per pectus adacto
 Excipit, & si te jactandi tanta phrenesis
 Vexat, ait nitidis radians Habdankius armis,
 Jam Styga jam manes, jam pallida sidera terre,
 Et jacta cessisse tibi. Tandem orbe subacto
 Unicus ad Priamum telo te Sarmata misit.
 Ille dedit gemitum, moriensque relanguit ore,
 Et Styge Cassandram veterem, Priamumque petivit.
 At dubia ut semper sors est, atque alea belli

Sic

Sic temerare fidem, juvenemque absumere letho
 Aula fuit; lacrymis plorandum funus acerbis.
 Nam jaculum incertum, cuius neque cognitus Author
 Dextra nec ipsa fuit, volat, & cava dividit alis
 Nubila, purpureumque ferit, terraque supinat
 Pistrokonidem, insignem facie, & fulgentibus armis.
 Principio nihil ille dolens, sed frigora ferri
 Sola notans, rapidis hinc inde volabat habenis:
 Largior ast manans stridenti è vulnere sangvis,
 Tardior & motus, defestaque robore dextra
 Lethi signa dabant. In præceps labitur alto
 Cornipede, & gramen formoso sanguine pingit.
 Ut rosa (namque rosas pulcherrimus ipse gerebat
 In clypeo) sensim flaccescit ab ungve procaci
 Si convulsa fuit, vitamque exhalat odoram;
 Non tamen informis, sed in ipso funere pulchra est:
 Sic jacet, & fato jam functus dignus amari est
 Pistrokonides, tam magna genis pallentibus hæret
 Gratia, tantus adhuc gelido decor innatat ori,
 Ista Boleslai subito mors vulnerat aures,
 Et juvenem cecidisse refert. Rex surgit in iras,
 Pistrokonidisque capit gravius de vulnere vulnus.
 Irruite, irruite, & nullius parcere vitæ
 Obdurate animum, mille hostibus ista pianda est
 Mors, ait, & vitam jam nemo ex hoste precetur.
 Macte novæ virtutè! arma, arma capessite Fratres!

Fun-

Fundite, cædite, sternite, ad ultima mittite cæsos
 Tartara! quin ipsum nullo discrimine Regem,
 Cæsareosque Duces! jam dixi, parcere nulli
 Obsfirmate animum. Gemmis aurique metallis
 Nullus emat servas meritâ pro morte catenas.
 Interea tollunt humeris exangue cadaver
 Magnanimi juvenis, referuntque ad castra dolentes.
 Tum verò incipiunt diræ spectacula cædis:
 Immixti alterius concurrunt mille duellis
 Irati juvenes hinc Pannones, inde Poloni.
 Arma armis impaëta tonant, nuribusque timendum
 Sese inter scissi sonitum dant ensibus enses.
 Pugna calet, Bellona vices alternat, utrinque
 Victores, victique cadunt. Perit ense Zamosci
 Hungarus Androgeos, fatuâ quoque mente Choræbus,
 Amphilochusque puer roseus, genitore creatus
 Nestore, centenus decorat quem circulus anni.
 Concidit & Nestor Radivilâ saucius hasta.
 Iphytus, & Palias, simul ac Hypanisque, Dymasque
 Confixi à Belâ, natum quoque vindicat ense
 Pstrokonides Pater. Heu! miseri quid Punica prosunt
 Nomina, si virtus, & fortis dextera cessant?
 Insimul Antomedon, & equorum agitator Achillis
 Procumbit Periphas, lorica nec ærea texit
 Luctantem, & multo perfoßum vulnere Pyrrhum.
 Sangvinis ingentes currunt per gramina rivi,

Omnia

Omnia cæde natant. Morientū horrendi ululatus
Oppressere tubas: scisso fuit ordine Pannon,
Auditur Regem, Regem servare! tremendus
Clamor, & abripuit Regem nigra pulvere nubes.
Jam tres horarum Phœbus perfecerat umbras
Ex quo Pannoniæ glomerantur stragis acervi
Atque crux stagnat rivis spumantibus ater.

Cùm subito totis exorta silentia castris
Abrumpunt bellum: per tela, per arma volante
Jaromirus equo Regi fert nuncia nostro:
Maxime Rex; Belam perculti strage suorum
Pannones agnoscunt Regem: Pars maxima nostris
Accessit castris: jam nil hostile minantur:
Ore meo veniamque rogant, vitamque precantur.
Quin ipsi inducias orant, Pacemque sequestram
Deposito Marte, & projectis Teutones armis.
Effugere necem pauci per aperta viarum.
Andream, multo foedantem sangvine currus,
Et jam luctantem gelidâ cum morte citatæ
Abripiere rotæ: ducuntur compede vinci
Belliduces alij, & Lechicas mordere catenas
Incipiunt captæ qui Trojæ nomen habebant.
Ecce meos, manibus nexis post terga, Bohemum,
Cunradumque trahunt fratres! Habdankius istam
Fert prædam. Veniam da victor, parce subactis.
Vix ea fatus erat, volat alter, & altera Regi.

Nun-

Nuncia fausta refert: simul & Bela ipse caterva
 Pannonidum cinctus nudatā casside Regem
 Alloquitur (totis tum facta silentia castris)
 Et sic gratantūm vota inter mille profatur:
 Magne Thriumphator, vindex invictē coronæ
 Assertorque meæ! ferro qui concutis orbem,
 Atque rapis bello fractos in vincula Reges,
 Ecce pedes jacet ante tuos, tua iussa veretur
 Pannonia, & præsens belli te Numen adorat!
 Ecce manus tendit vincas Alemannia supplex
 Henricique jacent contraria Cæsar's arma.

Tu quantum dextrā committis prælia forti
 Tantum animo dominare tuo. Mitesce, tuique
 Spem victis concede aliquam, veniæque repartæ.
 Pacem orant omnes à te, mitissime Princeps,
 Quam parti victor superatæ scepè dedisti.

Hæc ubi disseruit nuditato vertice Bela,
 Rex contras lurdas occludere vocibus aures
 His equidem decet, atque omnem præscindere victis
 Spem veniæ, sed enim quando pro gente peroras
 Ipse tuā, & positis demissi Teutones armis
 Exorant Pacem, atque eadem mens omnibus una est,
 Sistere conflictum, finemque imponere bello
 Fœderibus placet, & victis indicere leges.
 Rex esto ac primū, & caput hoc incinge corona
 Bela tuum, dubio ne demum vertice nutet

E

Panno.

Pannonia, externumque legat. Quæ foedera tandem
 Pacis erunt, pleno componet lecta Senatu
 Bruma sequens. Nunc extintos abscondere terrâ,
 Et vincitos castris adducere, tollere prædas
 Sit labor, hæc recreent victores otia fessos.
 Ista Boleslaus complexus colla lacertis
 Fortibus, & toto stringens jam pectori Belam:
 Assistunt captique Duces, genibusque voluti
 Implorant veniam; & veniæ quoque gratia facta est,
 Admissique omnes Regalis ad oscula dextræ:
 Talia nec meriti, nec talia fortè daturi,
 Illorum ex acie Dea si Fortuna stetisset.
 Tum festi castris collucent omnibus ignes;
 Tympana rauca, tubæque, & tibia nata choreis
 Undique concinuere, & carmine tinnijt æther.
 Dant dextras, hastis qui se gladijsque petebant:
 Mille chori læto in circum lœse orbe rotundant,
 Atque alij indulgent epulis, cyathosque Lyæi
 Ingentes statuunt positis in cespite mensis.
 Haud aliter videoas post murmura nubis aquosæ
 Perspicuum ridere diem, soleisque reduci.

*Jaromirus posito militiæ cingulo, resumit
 togam clericalem.*

POstquam acie cæsus castrisque exutus, & armis
 Pan-

(35) o (36)

Pannoniæ Rector, planctu comitante suorum,
 Cùm gemitu abrupit lucem; rumore secundo
 Fama frequens totum laté circumsonat orbem,
 Arma Boleslai tollique ad sidera plausu.
 Utque ea Pannonibus clades, funesta, dolensque,
 Sic nostris magè lœta fuit, neque sanguine multo
 Constitit, & paucis lucem abstulit hosticus ensis,
 Si tamen insignem facie, & radiantibus armis
 Pstrokonidem excipias. Hunc jussu Regis avita
 Ad monumenta Patrum longinquo funere desert
 Jaromirus, &c in Patriâ tellure reponit.
 Nec Jaromiro juvenem texisse sepulchro
 Expers officij fuit, aut minus utile munus.
 Exin fatorum invidiæ, atque immite furentis
 Fortunæ memor est, funus dum ductat acerbum.
 Et loquitur secum: lethali frigore segnis
 Pstrokonides formose jaces, nitidumque juventæ
 Fluxit ebur? lacrymis equidem tibi mæsta parentat
 Turba Ducum, & litui deflent, & tympana bombo
 Plorant ferali, obscuros eduntque sonores.
 Heu tibi quam rapuit vitam fortuna duelli
 Hanc ferro reparare meo dextraque liceret!
 At quoniam hoc prohibent Superi, tua funera saltem
 Humanas meminisse vices me dura docebunt,
 Et dabitur vitam peregrinâ morte lucrari.
 Vota pij genitoris erant si templa subirem

Sacrorum Antistes, sed nec mihi templa, nec Aræ
 Nigrantesque togæ, violentaque sacra placebant.
 Ferreus armorum duxit me ad castra volentem
 Delubris Divum spretis, rapitque tumultus.
 Ultima vota Patris sed nunc mihi sæpe recursant
 Talis & ut non sim, metuo tamen impius esse.
 Quid moror? ipse equidem si per tibi fata liceret
 Pstrokonides sanctæ tranquilla silentia vitæ.
 Eligeres quām castra sequi, Martisque tumultum.
 Nam belli ex strepitu quæ tandem Fama superstes?
 Quin gelido incilum, scriptumque in marmore nomen?
 Quām sèpè hortatrix contempti gloria lethi
 Lugubri pompæ cineres solatur inanes?
 Concessit, tibi jam quod non licet, hoc mihi cœlum.
 Ergo Patris sequor imperium, mitramque resumo.
 Atque Olomucensis sisto me Præsul ad Aras.
 Pontificum his dictis juvenis se cinxit amictu,
 Postmodò Pragensis nactus quoque culmina mitræ.

Ast Bela interèa sceptro, regnoque potitus
 Regi immortales tanto pro munere nostro
 Er meritas solvit memori de pectore grates.
 O! referant dixit, solij invictissime vindex
 Assertorque mei, referant, & digna rependant
 Sidera grata tuæ bellaci præmia dextræ!
 Atque ratas spes esse tuas velit author olympi!
 Tu solium hoc regale mihi, tu sceptra dedisti,

Hoc

Hoc diadema tuum est. Nostræ vive una salutis
 Anchora, nulla dies tantos abolebit honores:
 Nunquam magnanimæ morietur gloria dextræ,
 Buda tuos vultus Paria de rupe resectos,
 Et celsum te quadrupedante in marmore cernet:
 Inque foro digitis monstrabit senior ætas.
 Extorrem profugâ cum Prole, & conjugè Belam
 Tu Lare Regali, dextraque opibusque tegebas,
 Regis & Andreæ fregisti, & Cæsaris arma:
 Haud dubius pro me caput objectare periclo.
 Dent tibi dent Superi plausus pro munere tanto,
 Gratantesque adsint cœlo, & tua vota coronent!

Hæc ubi disseruit, Regi gratesque rependit,
 Muneribus cumulat Proceres, quos Sarmatis ora
 Miserat auxilio: pondus grave divitis auri,
 Argentumque ingens, tum bellica præda reluxit.
 Fulgentes chalybum squamæ, clypeique corusci,
 Auratum vomuere diem, sua tela reflexit
 Cynthius in galeas, totusque exarsit in illis.
 His super accedens gazæ, pretiosaque colli
 Pondera & armillæ, maculosaque terga ferarum,
 Raptaque signa Ducum, & vexilla volantia ventis,
 Pictaque barbaricis tentoria capta tapetis.

Victor at interea leges & foedera pacis
 Nostrâ ac Pannoniâ cum Gente, ac regia firmat
 Jura Boleslaus, Regique, amitæque coronam

Im-

Imponit, stabilitque suæ : spectacula menses
 Euhauscere duos, ludique, & pompa triumphi.
 Ergo referre pedem, fortisque reducere turmas
 Atque acie in fines placuit remeare Polonos.
 Bela quidem Regem verbis, precibusque morari,
 Et lacrymis perfusa genas Regina decoras,
 Institit: hoc etiam regales Geisa precantur
 Atque Ladislaus gnati, Proceresque, Ducesque.
 Rex afferre pedem sed regno certus, Amicum
 Alloquitur Regem, supremaque verba profatur:
 Bela vale sceptroque tuo, terrisque beatus
 Persruere; ast nostræ cœlo ne robora dextræ
 Armaque tolle nimis. Sunt omnia munus olympi ,
 Astra thronos tribuunt, veniunt diademata cœlo.
 Non regale tuis hoc Bela ego crinibus aurum
 Imposui, & socias fratris cum Cæsare turmas
 Perfregi, ut memoras: non est meus iste triumphus.
 Ille ille Armipotens, scelerum justissimus Ultor,
 Forti aderat dextrâ & contraria contudit arma.
 Illius, ô Bela injustum si dummodo bellum
 Suscipient, nunquam mundi sunt cura Monarchæ.
 Innocuam ille armis properat defendere causam.
 Strage jacent certâ, & proprio nant sangvine Martem
 Qui temerè invitant, non conditionibus æquis.
 Haud equidem satis inspicio temeraria multis
 Mens imposque sui quam Regibus hæreat olim,

Ut

Ut rupisse velint, jurataque scindere pacta,
 Atque dolis fundare thronos, terrisque potiri:
 Pendeat humano Regni ceu diva potestas
 Ingenio, sceptrique decus mortalibus armis.
 Heu miseri, quibus hac Majestas arte paratur!
 Justis ergo armis tibi quae concessit olympus,
 Justitia tua Regna tene atque in pace tuere:
 Exercere malos odijs, meritaque coronam
 Ponere virtuti ne desine: dignus amari est
 Crimina quem metuunt. Dos hac in Principe prima est
 Displicuisse malis. Crudeles sumere poenas
 Parce tamen, crebrasque nimis: Ceu funera multa
 Artis sunt maculae Phoebeae, & proba medentum:
 Sunt ita supplicia, & poenae si scepè reposcas,
 Vibices quædam & maculae, nævique Regentum.
 Fulminis in mortem Rex unum tangat ab alto
 Et petat igne reum, sed murmur terreat omnes.
 Regia nulla metu dudum sed amore geruntur
 Sceptra, timor populi nimius scepè aspera movit
 In Reges odia, & rabiem, cædesque cruentas.
 Nè quoque finitimi invaleant, dum Pace senescis
 Jucunda, atque tuae placidus das otia Genti,
 Arma tibi medio semper quasi Marte paranda?
 Bellatrixque domi pridem exercenda juventus.
 Publica Res felix, almae quæ tempore Pacis
 Se bello parat, & Mavortia cogitat arma.

Vici-

Vicinis est rara fides , dum lumina claudis ,
 Hi vigilant , neque tuta domi sunt otia , præsens
 Ni metus obsistat populi civilibus undis .
Armatum metuunt Regem , aspèrnantur inermem .
Aurea quæ fuerat , nunc omnis ferrea pax est ,
Régum & amicitiæ pendent , & foedara ferro ,
Consilia & fraudes felix qui dissipat armis .

Hæc & plura novo dederat præcepta Regenti
 Pace Boleslaus factâ , non immemor horum
 Bela , suos etiam regni ad fastigia gnatos
 Erudit , docuitque sequi . Sed sceptra per annos
 Vix gesit ternos , inopina ruina cadentis
 Fornicis oppressit Belam , & demisit ad umbras .
 Heu ! Regnum breve , quod tanto sudore paravit !
 Funeris igitur fatis Belâ , regalia sumpsit
 Sceptra Ladislaus , cum Geilâ fratre , thronumque
 Pannoniūm inscendit . Salomon sed regia proles
 Andreæ nuper confossi , ex matre Neposque
 Cæsarîs , ut functum , cameraque ruente sepultum
 Percepit Belam , Regni spem concipit , armis
 Pannoniamque petit : fugiunt ad nostra dolentes
 Regna , Ladislaus , cum Geilâ fratre rogantque
 Auxilia : Ultor adest , vindexque , & milite multo
 Imminet Hungariæ , ferro flammisque , negatum
 Rex noster Geisæ rursum diadema daturus ,
Atque Ladislao . Salomoni vincula Pacis

Necte-

Nectere sed placuit, nec jam tentare duello
 Fortunam ancipitem, quæ tam male faverat olim.
 Ergo Ladislaum, cum Geisa sponte coacti
 Pannones accipiunt Regem, solioque reponunt.
 Tanta Boleslai virtus. & gloria dextræ
 Bellacis, Regum metus ille, & terror ubique est.

Contraxit vultum ast tandem, & fortuna recessit
 Ipsa suis inimica Procis. Qui rexerat armis:
 Consilioque, manuque Duces, mutare triumphis
 Exilia, atque suis errare à finibus exul
 Cogitur. Humanis hæc est constantia rebus,
 Sic juvat audentes Fortuna, premitque vicissim.
 Ille Ladislai, & Belæ fortissimus Ultor,
 Rumore armorum magnum qui terruit orbem
 Flebilis hospes erit, quā nunc redit, atque triumphat
 Pannoniam repetet tristis, desertus, & inde
 Se quoque proripiet, Romanaque mænia poscit,
 Nec miser attinget. Quid prælia Musa recantas,
 Prisca, Boleslaus quæ quondam gesserat Audax?
 Ille tuus Regno pulsus, pannosus egensque
 Serviet, ignota mutus latitabit in orâ,
 Atque peregrino sub marmore dormiet Audax,
 Fortunam accusa, caput hoc mersare procella
 Quæ potuit, rigidis & quod decus addidit armis
 Flagitio infando eripuit, ferroque cruento.
 Ergo tuum Audacem comitare, antiqua Cracique
 Mœnia Musa pete, & seriem canere incipe rerum.

Boleslai Regis triumphalis in Vrbem ingressus.

Amque Palatinas rumor pervaserat aures,
 Famaque per Lechicas prænuncia labitur urbes,
 Regem in procinctu reduci cum milite portis
 Affore, & insigni subitum mœnia pompâ.
 Aurea figuntur Cois lucentia velis
 Extra urbem, campo in medio tentoria Regi,
 Haud procul hinc sese labaris signisque decora
 Explicuit Legio, multaque per ætheris auras
 Increpueâ tubæ, fragor æra pererrat acutus,
 Tunraq; conduplicant cum murmure tympana murmur.
 Ipfa micans gemmis per grandia vitra relucet
 Pilenti aurati lectissima Regia Consors,
 Nec non lecticâ fertur promissa Bohemo
 Sponsa, soror Regis; generoso Asturcone celsus
 Accelerat, Matrisque rotas prætervolat ardens
 Purpurea in chlamyde, & limbis radiantibus auro
 Cum Patruo, ac primus subit ora paterna Miesco.
 Mille alij volitant in equis, & curribus aurëis.
 Mox ubi Rex magnam proprius conspexerat urbem,
 Pictaque contigerat tentoria, voce salutat
 Reginæ, & Procerum regni, facundaque solvit
 Ora Stanislaus, fuerat cui prima sacrorum
 Relligio atque alij Proceres, pulcherque Miesco,
 Tum Regina, Sororque Duci nuptura Bohemo,
 Et frater properant regalis ad oscula dextræ;

Festa-

Festaque testantur geminato gaudia plausu.

Indè triumphantem populosa Cracovia Regem
 Excipit, antevolant in equis, & pulvere nubem,
 Immittunt portis propera agmina quadrupedantūm:
 Clarescunt litui, castrensi carmine plenis
 Frangitur aura tubis, & fortī quassa lacerto
 Ærea tunduntur cum murmure tympana rauco,
 Infremit, auditurque profunda ad Tartara bombus.
 Protinus atque avidas resonis clangoribus aures
 Cantrices acuere tubæ, descrimine nullo
 Ætas in campum ruit omnis, sangvine prisco
 Inclyta Nobilitas, puerique, & vulgus inermum,
 Matresque approparent timidæ, pictæque puellæ,
 Emeritique senes. Urbs ipsa migravit ab urbe
 Mavortem exceptura suum per tempora lauri
 Cui virides serpunt invictæ præmia dextræ.
 Omnia pulsa sonant campana in turribus æra.
 Exspectata dehinc, oculosque morata faventūm
 Pompa venit tandem, & longissimus ordo Triumphi.
 Principio stratis Tyrio fulgentibus ostro
 Sublimes in equis Juvenes ad moenia tendunt
 Ter numero centum, hi gressus glomerare superbos,
 Cornipedes docuere suos, calcaribus armos
 Dum fodunt, frenis subsultantesque morantur.
 Sensus inest aliquis, dominisque superbia quanta est,
 Tanta quoque extimulat laudum generosa cupido,

Bellacesque accendis equos. Mox duplice versu
 Hastati incedunt pedites, & serrea longè
 Horrescit seges: Hi labara, & vexilla cruenta
 Deleti exuvias hostis, prædæque superbæ
 Munera prima ferunt; sequitur globus alter, & alter
 Belligerantum alijs semper spectabilis armis.
 Ecce foro in medio fornix ad sidera surgens
 Contextis trabibus, vix tangere lumine possis,
 Tres laxat portas: faciem magis explicat illa
 Quæ media est, geminasque capit satis ampla quadrigas:
 Desuper effigies micat aurea frena tenentis
 Viva Boleslai, rutilo quæ fulgurat auro:
 Aureus & Sonipes, aurumque volubile mandit
 Dentibus, & spumis liventibus inficit aurum.
 Mox etiam Heroum series pictissima celso
 Pegmate conspicitur, certam Lubomirius hastam
 Contorquens clypeumque tenens, cui flumen avitum
 Incilum, riguo sua littora proluuit auro:
 Bisthonijs in equis Radivil, fortisque Zamoscus,
 Et Lasci gemini, & Tencinius, atque Zboroscus
 Firlæus, nomenque rosis qui traxit, & alter
 Tres ex ære tubas solitus qui pingere scuto.
 Quisque suos picta cognoscit imagine vultus,
 Auro collucente tuus Bellona senatus
 Ferreus exprimitur, Martem spirantque colores.
 Oppidaque, & captæ radiant cum turribus urbes

Et

Et Fluvii auratas fundunt ex urtibus undas.
 Quin & scuta Ducum, simul atque insignia Gentis
 Sarmaticæ, niveis volitans Melanæetus alis
 Punico in campo Lechicorum insigne Regentum,
 Et Crux, & litiui, & soleæ, celeresque sagittæ,
 Ascia, & accipiter, cygnus, leo, navis, & amnis,
 Purpureæque rosæ, atque argento plena Selenne
 Pluraque collucent Panchæo ducta metallo.
 His super accedunt spirantia signa Deorum,
 Cœlo lapsa redux quæ gestat virgo stateram,
 Et Dea, quæ geminis speculi crystalla collubris
 Implicit, factique sagax, solersque futuri est.
 Mox & Relligio, & nullis conterrata fatis
 Candida mens, & pacta fides, & foedera sancta
 Connexa inter se spectantur ab arcubus altis.
 Nec non contundens cum Cæsare Pannonas acres
 Cernitur, & tumidos calcans Bellona Boruscos.
 Regia ferratis Mars nectit sceptra catenis
 Succolatque thronos clypeis, nodisque rebelles
 Colligat iratum placat clementia Martem.
 Ista triumphali Zeuxis depinxit in arcu
 Insculpsitque notas memores, mutosquè colores
 Versibus explicuit numerum referentibus anni.
 Nunc ergo incedit regalis pompa per arcum,
 Et Rex & Proceres, & ferreus ordo juventæ,
 Romanos rerum Dominos, Capitolia quondam
 Sic subiisse ferunt post fractos Marte Britannos.

DE
BOLESLAO II.
 REGE POLONIAE,
 LIBER III.
 ARGUMENTVM.

S. Stanislaus Cracoviensium Episcopus Regis severitatem in desertores objurgat & obtruncatur à furente Rege cum paulo ante Petrum Equitem revocat̄ ad vitam. Patratā cōde Boleslaus fugit cum Miescone filio ad Ladislaum Regem Hungariæ.

Multa dies abijt ludis; epulisque sacrata:
 Romani cœstus, discus, saltusque Palæstra,
 Et cursus tota p̄ssim celebrantur in urbe.
 Vota superba tamen Procerum, populiq; faventis
 Turbine dejecit, casuque exercuit atro
 Indocilis servare fidem Fortuna perennem.

Felix

Felix ille animi, quem res efferre secundæ
 Hand valeant! utinam ne te quoque fata levâssent
 Bellator, fortisque tuæ non immemor essem
 Magne Boleslæ, Heroum fortissime Ductor;
 Et gentis Lechicæ jubar! Hoc tibi defuit unum.
 Noxia credulitas, pigris dum libera ventis
 Vela nimis laxas, casu te mersit acerbo.
 Non bene, qui clavum tenet, alto in marmore dormit.
 Tot post exhaustos Martis, bellique labores
 Armorum vacuam qui gentem in pace regebas,
 Cur tibi bella domi, & cladem struis, atque ruinam?
 Est locus undisonas ubi pulsat Vistula ripas
 Murmure cœruleo. Verbosos hîc fora vexant,
 Causidicos, litesque tonant, & jurgia lingvæ.
 Nec tantum possint rixari fluminis undæ
Quanta foro dubiæ moverunt prælia partes.
 Hîc quas credibile est Erebi dictâsse sorores
 Regis ad imperium, quo nemo mitior olim;
 Crudeles pendent tabulæ, & mandata cruenta.
Qualia Rex dederat nunquam, neque forte daturus
 Si mentem rexisset, erat. Violenta sequuntur,
 Atque ita jussa sonant: Hæc est matura voluntas
 Sceptra Boleslai, & terrarum frena tenentis:
Qui sine Belliducum & nostrâ, dum gessimus arma,
 Deseruit Martem veniâ, discrimine nullo
 Quisquis erit, vulgi seu de grege, clarus an alto

San-

Sangvine, carnificum turpis cadat hostia ferro.
 Ista Boleslaus mandat, jubet, imperat Audax.
 Et quia thesauros Regni Mars hausit, opesque,
 Vectigal duplicant cives, quâ lege Sacrorum
 Haud sit eximij Proceres, geminare tributa
 Si renuant, laqueo infami tolluntor in altum.
 Fama pudicitiae nostras quoque venit ad aures
 Extinctæ Lechicis in Matribus, otia legnes
 Cùm traxere domi, tractantibus astma maritis.
 Sique tori temerâsse fidem scelerata notetur,
 Expiet igne scelus: prius ubera lactea potent
 Pellicis, exsugantque canes, catulique luporum,
 Lacte lupos recreet Lupa, post mittatur ad orcum.
 Hæc edicta foro pendent, Regnumque per omne,
 Ferali vulgata tubâ terrore, metuque
 Percellunt cunctos: Sonat illætabile murmur
 Undantis populi, cœunt, armantur agrestes;
 Ipsi etiam occulto Proceres fremuere tumultu.

Et jam rumor erat plures descendere in altas
 Carceris abstrusi fauces interque catenas
 Fortunam plorare suam. Quin ense peremptos
 Et laqueo haud paucos popularis fama ferebat.
 Amissi plures, quorum clarissima Regno
 Nomina. Damnatae matres, nuptæque capillis
 Ad latebras tractæ, & tenebroso carcere clausæ.
 Nulli Nobilitas, nulli sua profuit ætas.

Hæc

Hæc super haud dubius, mendaxque per oppida rumor
 Serpit, adulterij qui Regem crimine solum
 Arguit, abstractamque thoro sine lege susurrat
 Christinam, raptamque viro. Rex turpis adulter
 Jam vulgo à pueris populoque fremente vocatur.
Quodque caput, nemo verbis monuisse furentem,
 Ni vitam instanti velit objectare periclo.
 Cura Stanislao sacrorum ægroque, senique
 Tunc fuerat, toto quo religiosior alter
 Vixerat haud Regno, pro Regis vota salute
 Ille, precesque pias, & odori thuris honores
 Obtulit: ast surdus votum non audijt æther,
 Vel cerre voluit non exaudiisse videri.
 Ergo senex Lechiæ fortem miseratur iniquam
 Accedit Regem intrepidus, cordatus & infit:
 Raxime Rex, seros cœlum tibi proroget annos,
 Fortunâ stipulante fidem! Pro te excubet æther
 Pervigil, & Divi spirent ad vota faventes!
 Pace tuos placidâ rege, nec bella ulla feroce
 Decernant populi. Tu gloria maxima Regum
 Sarmatiæ, primumque decus. Tam fortibus armis
 Nemo unquam domuit, patrijs neque finibus hostes
 Exegit victor. Profugos tua dextera Reges
 Afferuit sceptro, solioque locavit avito.
 Haud dubitem, cœlo palmas debere fateris
 Magne Triumphator, confectaque prælia dextris

G

Ad-

Adscribis gratus Superis, hostesque subactos.
 Publica Fama tuos tamen obscurare triumphos
 Audet, &, ut potius reor, in te lubrica peccat
 Lingva fori, quam te dicam Rex magne nocentem.
 Deseruere aliqui bellum, quos carcere, ferro
 Diceris, & duro exilio mulctare dolentes:
 Non hoc supplicium meruere in fine laborum.
 Invidiā caret agnati defendere famam
 Sangvinis, atque fugā thalami sacra jura tueri.
 Quanta fuit juvenum te absente licentia regno?
 Nulla pudicitiam sat terrea claustra tegebant.
 Casta sit exemplo, nullo violabilis astu
 Margaris, hæc Comitis sancta, & lectissima consors
 Zembocij ex templi pactum servare pudorem
 Debuerat turri, quam furtim inscendit, & altum
 Fercula per funem vitæ solatia traxit.
 Ista quidem thalamos turpes, struprumque perosa
 Cum geminā fese servavit casta torore:
 At malus inteteā, cœcusque quot abstulit error?
 Plurima jam posito meretrix effræna pudore
 Ambulat, & vulgò quovis mercabilis ære est.
 Hæc ubi percipiunt castris, veniamque migrandi
 Nec quicquam exorant, cur non Rex maxime tentent
 Ad Patrios remeare Lares, læsumque tueri.
 Conjugij, factæ post otia pacis, honorem?
 Quin etiam insontes umbrosæ carcere noctis

Mer.

Mergere te Matres, thalamisque avertere nuptas,
Christinamque viro.

Diræ Regis in Episcopum, & calumniosa Episcopi accusatio de Pago Petri Equitis fide mala cœmpto.

Dictis Rex palluit istis,
Sermonem abrumpens mediū. Cum Rege memento
Mysta loqui, dixit: verbis neque talibus Aulam
Corrigere: Templorum cathedris tua fulmina serva.
Non bene corripitur, penes est quem summa potestas.
Hæc Regi objectare tuo? Longissima nobis
Est manus. Et tandem populum non omnia semper
Mentiri, verique aliquid da fama subesse:
Quis Cato Dictator Regi? dictare Regentum est;
Audire, imperiumque pati, & parere minorum.
Plura licent nobis, quam simplex somniet Arcas.
Sæpè vacant ludis aulæ, dum vexat aratum
Ruricolas: Astris pariles incedimus, arva
Vomere scissa gemunt, cum ducunt astra choreas.
Quidquid calce premunt Reges, Mundique Monarchæ
Fit rosa. Vel crimen, Regi si fiat, honestum est.
Aula exesse potes, stupidasque hortatibus aures,
Agrestesque casas, non Atria splendida Regum
Mysta implere tuis. Sic fatus ad ostia duxit
Panda Stanislaum tristem, jussitque, recedat.
Alt secum ingentes animi consurgit in iras:

G 2

Quid?

Quid? Regem à vetulo templi custode moneri?
 Huc tandem nostræ progressa est gloria dextræ,
 Ut rauci pendere senis cogamur ab ore?
 Æditimum in turri verbisque minisque malignis
 Corrigat ille suum, male si pronuntiat horam
 Malleus, aut oleo tardet saturare lucernas.
 Talia quando acri secum Rex corde volutat,
 Iratum accendunt Proceres magis, utque molestum
 Hortantur procul esse senem Penetalibus aulæ
 Impéret, affatumque neget, foribusque repellat.
 Hoc habet omne scelus, socios prompte invenit; alto
 Ceu quondam in Pelago, si dimicet unicus Auster,
 Mox conjuratis flant follibus Eurus ab ortu,
 Horrifer à Schytia Boreas: brutescit & ipse,
 Qui civilis erat, Zephyrus, stridetque per undas
 Occiduas; servet rapidum per cœrula bellum
 Una omnesque simul campo glariantur aperto:
 Haud secus irato Proceres se adjungere Regi
 Consilijs certant. Hos inter fronte minister
 Perfrictâ, miræ reserat molimina fraudis,
 Quâ capiant, stringantque senem. Corradit avarus
 Præsul, ait, gazas, gemmasque recondit, & aurum
 Delubris, censu pingvi ditescere Templa
 Gaudet, & insano nummorum pallet amore.
 Tertia bruma nives posuit, ter saucia sicco
 Sole sitivit humus, coxitque Canicula messes,

Ex quo

Ex quo Nobilium donis, atque ære piorum
 Petri Equitis pagum invasit, temploque cōémít
 Afferuitque suo: lethi sopor ultimus ursit
 Intereā Petrum: tabulis super Acta cavere
 Neglexit Præsul: Testes si proferat, auro
 Aut metui cedent. Hac nobis arte ligandus,
 Captandusque senex. Placuit sententia Regi.
 Septima post montes Daëtynnæ argentea lampas
 Descendit, rediitque dies: Tentoria figunt
 Campo in gramineo; simul ac Regale tribunal
 Erigitur: Consangvini stant ordine Petri
 Donis decepti: & fulvi splendore metalli.

Rex medius sedet, & coram reus imperat adsit
 Antistes: pagum repetunt ceu fraude cōemptum
 Affines, neptesque Petri tellure sepulti.
 Tum quia deficiunt tabulæ, producerunt testes
 Nititur Antistes: trepidant edicere verum
 Corrupti testes fulvi splendore metalli,
 Elingvesque silent. Perfunditur ora rubore
 Integer Antistes, mens nulli obnoxia culpæ
 Simplicitasque micant oculis: elidere fraudem
 Sic tamen haud potuit. Sustollit lumina cœlo
 Ore residenti (tanta est fiducia causæ)
 Et tandem alloquitur Regem, populique coronam;
 Quando quidem mihi nec tabulis, nec testibus aptis
 Pollicitam purgare fidem datur, æthere Numen

Omni-

Omnipotens, sapiens, verax, atque omnia cernens
 Provoco! Prodigis illi defendere causam
 Ut facile est, ita defendet, Petrumque sepulchro
 Eruet, & cineres aderunt pro teste vocati.
 Phosphorus ut crinem æquoreis ter laverit undis,
 Purpureum gignetque diem, me Petrus ab urnâ
 Redditus in lucem commitabitur ante tribunal.

Riserunt Proceres, Rex excipit ipse cachinno
 Dicta Stanislai, & tumulo consurgere functum
 Desperant; epulis triduum ludisque sacratur:
 Artis mira suæ donec spectacula prodat
 Antistes senior, verbisque resuscitet umbram.
 Non tamen ingenuus ridebat ad ista Miesco:
 Namque Stanislai clam partibus ille favebat:
 Multa animo volvens, vespertinalisque choreas,
 Et ludos fugient, mensasque hoc tempore solus
 Cum custode suo, charoque interprete solvit,
 Perlustratque memor veterum monumenta virorum:
 Regia si quondam fundo Genitore capessat
 Sceptra, Atavumque thronos inscendat, ut inde Regendi
 Alta rudimenta, & seceratas hauriat artes.
 Quondam etiam radio, solis, lunæque labores
 Descripsit, terræque globum, cœlique profundi
 Effinxit mappâ: quondam placuere colores
 Et pictæ tabulæ: rigidis minus utilis armis
 Sic puero transacta fuit juvenilior ætas.

Pictor

Pictor Apellæâ nuper clarissimus arte
 Heroas veteres regali pinxit in aulâ:
 Regius hunc juvenis spectavit sæpe Miesco
 Accessitque frequens: placuere animata colore
 Atria, & ingenium, murique loquentis acumen.
 Heic Lechici pascunt oculos fundamina sceptri,
 Parva quidem, sat clara tamen: Jovis ecce satelles
 Armiger, atque sacri gestator fulminis ales
 Pingitur in nido: Lechus hunc deprendit, & urbis
 Condendæ capit augurium, vocemque Gniazdo,
 Quæ nidum sonat, in Gnesnæ vocabula vertit:
 Urbs ea prima fuit, Lechicoque exordia Regno
 Prima dedit. Mox pugna Craci, viridisque colubri
 Ignea mors: priscum trahit inde Cracovia nomen.
 Parte aliâ generosa Craci stat gnata, superque
 Pontem marmoreum, vitreo quem murmure radit
 Vistula cœruleus se in præceps Venda datura
 Extremum alloquitur Superos gratesque rependit,
 Acceptasque refert palmas; nam Teutonas armis
 Contudit, & thalamos, sponsumque perosa virago
 Princeps esse volo dicit non Principis Uxor,
 Sic fata egelidis Neptuno nubit in undis.

Parte alia Lescus, cursusque citatus equorum
 Carcere missorum: Patrij tum mensa Piasti,
 Stagnans melle lebes, & carnis sumen aprugnæ
 Pariete spectantur: sacro quoque fonte Miesco

Chri-

Christiadum lotus, primus qui strinxeratensem,
Quando Evangelicus legitur per pulpita codex.
Nec non ex Getico ternæ stant ære columnæ
Fluctibus in rapidis : Russis quæ Marte subactis
Meta Boleslao fuetant, limesque Triumphi.
Regius ista videt, laudatque, probatque Miesco :
Alt ubi marmoreis cubat altera fulta columnis
Testudo auroram contra! stant mille Deorum
Effigies, fictiæ implent laquearia vultus.
Sangvine quos pecudum, quos thuris nube Sabæi
Cœca Patrum coluit gentili more vetustas.
Hæc juveni perspecta minūs. Docet ordine cuncta
Interpres : muris his cernas prisca Gigantem
Prælia, coeruleique enormia terga Draconis
Quem clarius fudit jaculis : hic laurea Daphne,
Hic Jo larvam formosæ induitajuvencæ,
Centoculusque Argus, Mundique incensus ab alto
Axe ruens Phæthon. Casum miseratus acerbum
Præsignis pueri, quis hic est, ait, axe Miesco
Qui præceps ruit, & flamas toto æthere spargit
Excipit interpres, mentemque adverte Miesco,
Nunc aliquid mundi tibi prima ab origine dicam.
Principio rerum sua cum cunabula mundus
Aspiceret, Chaos obscurum fuit, ut prior ætas
Credidit, & docuit chartis, sculpsitque columnis.
Pigra quidem tellus, levis aura, & mobilis unda

Mista-

Mistaque flamma vorax sese inter bella movebant.
 At Pater, & mundi ingentis faber ordine tandem
 Omnia disposuit certo, stellasque, Deosque
 Errantes septem curvo suspendit olymbo:
 Hinc color accessit rebus, viridissima tellus,
 Cœruleumque fretum, & rutilus se prodidit ignis.

Æquore nant pisces, volucres capit humidus àér
 Atq; hominem tellus: ab humo quia sumptus aquosâ,
 Dictus homo est. Post hæc Saturno sceptræ tenente
 Aurea prima fuit, simul ac argentea, demum
 Ferrea successit celebrata Gigantibus ætas.
 Hi cœlo turbare Deos juveniliter ausi
 Dant pœnas, atque illorum de sangvine pejor
 Progenies exorta fuit: nam carne Lycaon
 Humanâ haud veritus peregrinos pascere divos
 Quin Jovis & jugulo tentans immergere ferrum,
 Esse lupus meruit. Tum fluctibus obrutus orbis,
 Solaque Pyrrha manet cum Deucalione supestes.
 Hi silices monitu Divum post terga vibrârunt,
 Servâruntque genus. Sumus hinc ex marmore duro
 Dura etiam soboles, lapidosa, & faxea proles.
 Post ubi cessârunt atrâ cum grandine nimbi,
 Imbribus, & coeno turpi prognatus in auras
 Vipereus Python vulgaverat undique pestem
 Obruit hunc superâ jaculatus ab arce sagittas
 Delius, Esculeâ caput incinxitque coronâ,

H

Hinc

Hinc ludi celebres Pythonis cæde perempti
 Pythia nomen habent. Victorum præmia fertum
 Esculeum, nec enim famam tunc laurus habebat,
 Donec in hanc conversa fuit Peneia Daphne.
 Postquam facta fuit laurus Peneia Daphne,
 Cœrulei coount Proceres, & tempora baccis
 Incincti glaucas tanta ad miracula læti
 Complosere manus. Doleat Pater, an sibi plaudat
 Peneus ignorat, flentem frondescere gnatam
 Cum videt in laurum: licet omnes cornua tollant
 Gratantes fluvij, solus sedet ille, siletque.
 Sed neque solus erat: nam curvo in littore tristis
 Inachus incedens plaudentes defuit inter:
 Hic quoque deslevit gnatam, quam perdidit Jo,
 In vaccam quæ versla fuit: tua crimina magne
 Jupiter, incestique thori. Per rura vagantem
 Argus luminibus centum observaverat Jo:
 Ast Hermes Jovis imperio delabitur Astris
 Percutit & carmen digitis, mollibus implet
 Argutos ventis calamos cur vitrea Syrinx
 Capripedes fugiat Faunos, Satyrosque bicornes,
 Pluraque sancta canit. Citharae dulcedine captus
 Et calamis pastor quam primum indormijt Argus.
 Nec mora: Pastorem sopitum mittit ad umbras
 Mercurius, ferroque extinguit lumina centum,
 Ingemuit miserata animo Saturnia Juno

Atque

Atque mei posthac, dixit, centena pavones
 Lumina gestabunt caudis. Post ista recepit
 Jo fœmineam speciem, vultumque puellæ
 Atque Epaphum peperit, Jovis est prosapia certa
 Hic Epaphus. Puerum Phæthontem sæpius ille
 Riserat, & Matri dixit stultissima credis
 Omnia cur Phæthon? Phæbi te semine natum
 Ergo putas? neque certa tua est, neque certa tuorum,
 Progenies: soli verus mihi Jupiter author.
 His Epaphus dictis poscit Phæthonta malignis.
 Ast puer indignans Phæthon in pignora veræ
 Stirpis ait, da chare Pater, da Phæbe jugales
 Flectere posse tuos: votorum hæc summa meorum est.
 Sic ego me prodam populis, Epaphoque superbo
 Te genitore satum. Nostros tibi tangere currus
 Phæbus ad hæc, mi gnate licet: Si dummodo tanto
 Par foret hæc ætas oneri, manifesta nec audax
 In tua damna ruas! Ergo conscende, Patremque
 Me testare tuum. Media tamen ire memento
 Gnate viâ, & trito nunquam deflectere calle.
 His puer accensus dictis rutilantia frena
 Corripuit, dixitque vale. Mox acribus ursic
 Alipedes stimulis, per picta roseta citatum
 Auroræ dimensus iter: facilisque volanti
 Semita prima fuit: sed ubi jam culmina mundi
 Ardua pulsat equis, & tota vertice supra est,

Vertigo abripuit puerum, per devia currum
 Præcipitat, terræque globo propiore receptus
 Incendit latè populantibus omnia flammis.
 Inde nigrum Æthiopas fama est traxisse colorem.
 At Pater æthereas qui fulmine concutit arces,
 Ne sua vel flamمام caperent quoque regia tecta,
 Igne ferit trifido puerum, compescit & igne
 Et tonitru exanimat flamas: cadit ille lororum
 Cum gemitu, & Patrias deflet tetigisse quadrigas.

Hoc, ait Interpres, loquitur, quam cernis imago
 Audacesque monet, nunquam nimis alta minari,
 Omnia fortunæ nec credere: casibus, inquit,
 Tristibus ista suos immitis, & alpera vexat
 Diva Procos: bigis quos mollibus ante levabat,
 Cum Phaéthonte premit: fragili mihi crede Miesco
 Hæc Dea fusa vitro est: oculis dum splendet amica
 Frangitur. Hoc vitro Procerum spes nititur omnis,
 His ardent fictis Regum diademata gemmis.

*Petrus Eques surgit sepulchro, & Episcopi
 fidem testimonio suo purgat.*

Tertia jam fuscis aurora redibat ab Indis
 Vultum picta rosis: Proceres cum Rege tribunal
 Florigerò in campo, & tentoria fixa revisunt.
 Urbs quoque spectatrix ad coemeteria fluctu

Tru-

Truditur undanti, precibus si Præfulis umbra
 Se levet ex tumulo, multi cineresque loquantur.
 Ecce auro, gemmisque nitens, & veste decorata
 Incinctusque caput mitra, comitatur euntē
 Turba sacerdotum, procedit Præfūl ad urnam.
 Funereæ lucent tædæ, & funeralia circum
 Extinguuntque diem. Nabathæo thure vaporat
 Antilles, lustrat sacro ter fonte sepulchrum.
 Intenta ablegans tum cœlo lumina, muto
 Tempore stat similis longo, tandem ore profatur:
 Omnipotens, metuende Pater! qui fulmina torques,
 Cogisque atram hyemem, & nubes rugire tumulu
 Terribili, atmatumque jubes ruere æthere murmur:
 O! quem signiferæ vigilantia lumina noctis,
 Et mare velivolum, & venti, & pila didita Mundi
 Terraquei, authoremque suum, dominumque verentur!
 Et tu Christe Patris tanti certissima Proles!
 Qui dextrâ ingenti fregisti regna silentum,
 Infernumque chaos. Testis tibi Gnata Jairi
 Funereis defleta tubis, & Dite reversa
 Unica spes Viduæ, terraque resosus, & umbris.
 Ille dies quatuor tenebrarum Lazarus hospes:
 Testis & ipse tibi, cui cessit lugubre marmor,
 Morte triumphatâ terno post funera sole.
 O Christe antiquæ renova miracula dextræ!
 Christe preces audi, & præsens tua Numinæ firma!

Ore

Ore tuo, quis enim mortalibus arroget ista
 Viribus? hac urnæ tenebrosa nocte sepulti
 Dic, surgant cineres, testentur, & acta refellant
 Intentata mihi! Lituum post dicta verendum
 Applausit tumulo Præsul, ter & impulit urnam,
 Nomine surge Patris, Gnatique, & Flaminis almi
 Una trium quorum Deitas, Essentiaque una est!
 Surge, diemque vide! dixit, Petre, surge sepulchro!
 Ecce fide majus! tellus se scindit utrinque,
 Infernasque vomit glebas specus ore profundo:
 Tum nigra se lectica levat, qua exangue cadaver
 Dormierat Petri, quin & spirare cadaver
 Cernitur, & sua membra recens movet, atque revixit.
 It cœlo clamor plangentes pectora turbæ
 Exhorrent, spectare Petrum gaudentque, timentque;
 Vixque suis credunt oculis, satiare videndo
 Quos nequeunt, dubitantque Petri sit corpus, an umbra.
 Tertia jam canis æstas florebat aristis,
 Tertia bruma nives sparsit, sine lumine corpus
 Ex quo terra sinu complexum obscura tenebat:
 Et modo consurgit feretro, gressumque citatum
 Urget, & ad Regem sancto cum Præsule tendit.
 Diriguere oculi, pallorque volavit in ora
 Regia, flant buxo similes, ceræque recenti
 Sarmatici Proceres, Manes tellure sepultos
 Cum redijsse, throno & coram se sistere cernunt.

Inci-

Incipit, & Regem, & Proceres affatur imago:
 Petrus ego testis, votis Antistitis adsum
 Insontisque fidem purgo, fraudemque refello,
 Testor me pagum, quâ nunc consistimus orâ
 In Lublinensi, venum cessisse, satisque
 Pontificem fecisse mihi. Scit conscius æther
 Omnia. Nil tabulis opus est: Utinamque fuisset
 Haud opus! o fraudes! in quæ non monstra voluti
 Succrevère dies? nihil ultrà effatus, ad urnam
 Extulit è campo gressum: comitatur euntem
 Antistes, dictis populus stat territus omnis.
 Et Rex, & Proceres gelido riguere pavore.
 Post ubi pervenient ad aperti saxa sepulchri,
 Ante Petrus fossâ quam descendisset opacâ
 Multa Stanislao secretam mittit in aurem.
 Tum feretrum inscendit, rursum frigescere membra,
 Incipiunt, surdumque gelu, pallorque recurrit
 Funereus: Sacrate vale! cœloque Sacerdos
 Te dilecte para: nos tempora proxima jungent
 Æthere. Non equidem morbi, neque fessa senectus
 Hanc lucem eripient. Superat tibi gloria major,
 Plus aliquid divine senex tibi sidera debent.
 Jamque vale, & Regem monitis urgere furentem
 Né cessa. Propero fontes has linquere terras.
 Me rursum mileræ permensum tempora vitæ
 Elisij excipient horti, mundusque piorum.

Dixit,

Dixit, & antiquo declinat lumina somno.

Nec mora: cum functo Präfatus pia verba precatur
Hausit humus tumbam, vestigia nulla videntur
Vulneris in tellure, suâ stat mole sepulchrum.

*Boleslaum nec monitis, nec divino prodigio resipi-
scitentem S. Stanislaus fulmine anathematis
ferit, & obtruncatur à furente Rege.*

TUrba metu expavit manifesto tetrita cœli
Prodigo, & Lechicas rumor circumvolat urbes
Voce Stanislai Petrum remeasse sepultum.
Ast populi invidiae metuens, odijque maligni
Seque dolens digitis post hæc portenta notari
Ceu scelerum, fraudisque reum Rex plena pudore
Lumina figit humi: rarus jam deserit Aulam,
Et fora declinat, vitat spectacula Circi
Publica, nec lautis celebrat convivia mensis.
Pofcere quin veniam, factique extinguere famam
Sponte suâ, & veteres meditatur ponere mores,
Dum ratio, tempusque sinunt. Sic visa monere
Umbra Equitis Petri, sub noctem sèpè recursans,
Sed Parasitorum scelerata licentia tandem
In pejora animum nutantem impellit, & urget;
Iras exacuunt Regis miscentque pudore
Antiqui flamas odij; demittere ferro

Invi-

Invisique senis maturam abrumpere lucem
 Certatim instigant. Veteres Rex concipit ignes
 Vulneris impatiens tanti. Ceu Mulciber olim
 Infima depastus, largo si fonte dometur,
 Tempore non parvo furias, animosque remittit
 Extincto similis; sed post ubi cesset unda
 Incrementa capit, totisque incendia tecitis
 Dividit, ipse flagrat, flammisque relucet olympus.
 Rex ita maiores à vulnere surgit in iras,
 Carcere nec laxat vincōe, tenebrisque sepultos,
 Nec parcit jugulo insontūm, neque mœcha perhorret
 Turpis furta tori. Regem sedare furentem
 Desperat Præsul, portis, adituque repulsus.
 Vota facit, duplicatque preces. Casimirus ab astris
 Si Pater hortetur gnatum, placabilis iras
 Ut ponat. Fer opem cœlo Casimire, Patremque
 Te gnatī testare uti! Fortuna tumultū
 Heu nos terribili vexat! cur blanda favebat.
 Favissetque utinam minus! ah fortuna ruina est
 Regis, & imperij! quid belli gloria tandem?
 Quid Lechica externis gens formidata tyrannis?
 Si ruimus, si fata domi crudelia duris
 Exercent odijs miseris? O nulla fuissent
 Bella Boleslao, neque sors favisset in armis!
 Occidimus! gemit heu! fatali quassa ruinā
 Sarmatia, & decus hoc regni cum Rege jacebit.

I

O Gna-

O Gnatum, Gnatum serva Casimire rogatus!
 Quid superat? quid neco moras? quid Præsule fungi
 Me vetat? Ille foro leges sine lege cruentas
 Oppressor populi fixit: Nos lege sacrorum
 Reddimus officium, mandata refigimus illa.
 Pulsavi precibus, risit, sprevitque monentem,
 Ut mea servarem respondit fulmina templis:
 Servavi, celsâ superans convicia mente,
 Nulla animum fortem lingvæ violentia fregit.
 Ast ubi conspicio in pejus ruere omnia, & omnis
 Est absymta salus, Templis jam fulmina stringo,
 Pro spe dura pati sine spe patientia stulta est.
 Imperet ac jubeat quod honestum, aut exeat aulâ.
 Ista Stanislaus, graphio peraratque tabellam
 Vulgandam cathedris. Sic vindex charta locuta est.
 Quandoquidem Regis mores, & facta patescunt
 Impia, nec Regni, nec cœli jura fidemque
 Se temerasse dolet; sed in horas cædibus addit
 Supplicia, & cædes; aulæque licentia tanta est
 Quanta olim, cum thure Deos placaret inanes
 Sarmatidum tellus, fuerat sub Principe nullo.
 Nos illum hac chartâ contempti Numinis hostem,
 Regni eversorem, & populi, patriæque tyrannum
 Dicimus, & talem vulgamus ubique cathedris.
 Exin sacrilego nemo se jungere tentet,
 Fulmina quin eadem metuat: Cessetque per urbem,

Aris

Aris factus honor; silent in turribus æra;
Templaque clauduntor. Sic Regem Ecclesia luet,
Dum sceleri veniam exoret, verumque dolorem.

Ista Stanislaus Templi per pulpita vibrat
Fulmina, Christiadum Regemque rescindit ovili.
Nec mora: regales sententia vulnerat aures
Claudi templa seris, & turribus æra tacere,
Urbe quidem tota, nec sacri thuris honores
Incendi, & populo Mysteria diva negari.
Rex fremit Eumenidum plenus, multo igne minaces
Exarsere genæ, palletque, rubetque vicissim,
Sedibus in proprijs retinent vix lumina sese.
Multæ furens tandem eloquitur, turbatus & infit:
Improbis ex cathedris ergo me Mystra momordit?
O scelus & ferro dignum, flammisque piari!
Crimine quo merui fulmen? quia Numinis hostis?
Et latere hoc Numen mihi pendet aheneus ensis,
Hæc mihi dextra DEUS. Quod non quasi fœmina plorē,
Mystra dolet, lachrymis madeamque per ora volutis?
Ut tibi Mystra crepent latera, & rumpare dolendo!
Ergo tibi Herœs, Regesque hoc imbre madescunt?
Vade, tuis potius cathedris hæc flumina serva:
Quando Tænarij pueris commenta camini
Narrabis, timidis & februa stagna puellis.
Regni eversorem dicis, Patriæque tyrannum?
Abs te principium cædis caper hispide sumam.

Infandum pereat caput, & maëstetur ad Aram!
 Heu nulli sumus! heu solij sacrata verendi
 Majestas contempta jacet; dominantur in aulâ
 Atrati pepones, fungique, & purpura squallet,
 Cedunt sceptrâ Popis. Succumbimus! otia segnes
 Quin agimus Reges? fát Regum gratia vixit.
 O Furiæ ultrices, & noctis adeste sorores,
 Imperio Manes ô sontum cogite vestro!
 Nigrantesque lacus inferni pandite Mundi!
 Hisce Boleslao tellus! Sorbete ruentem
 Tartara! Sat vixi. Fractus jam mugiat æther
 Meque petat telis, me fulmine mittat ad umbras,
 Nemo ita molle jacet, quam qui sociare ruinam
 Cum Mundo queat. O magni rue machina mundi!
 Obrue, meque tuo communi conde sepulchro!
 Ut Myſtæ cedam! Proceres succurrite! Regem
 Me genuit Natura: pudet servilia ferre
 Vincula! Pontificis Rex fulmina bruta tremiscam?
 Ante ego quam peream, Myſtes prior ipse jacebis;
 Hoc tibi rauce ſenex hoc, hoc caput enſe recidam.
 Haud procul ab ripâ, quam lubricus Iſtula radit,
 Eduxit Natura jugum, scopulusque facellum
 Impositum rigido gestat per ſæcula dorſo.
 Hic arā in mediâ juvenis thorace coruscus,
 Et galeâ ardenti, magno pede proterit uſti
 Corpora ſemiferi, & clypeo septemplice fretus,

Sor-

Sortitusque alti fortunam vulneris, hastâ
 Transadigit costas Michâél, & colla supini
 Luciferi, is rabiem, & spumas vomit ore cruento.
 Cum Duce prona suo fremit infrâ lurida pubes,
 Omnes Geryones stygiâ fuligine tincti,
 Exululant rabidi, ignitas mordentque catenas.
 Ædè Stanislaus .sacris operatus in aris
 Trans arcum pontis clâm sâpe recesserat istâ:
 Nec Regem iratum latuit de Præsule rumor,
 Sacra jugo montis fieri, clausoque facello
 Clam Rege, & populo succendi thuris odores.
 Corripit arma manu, cinctusque fatellite multo
 Ad rupem properat furijs Rex actus amaris:
 Horruit, & retrò se territus Istula flexit.
 Tum Rex eloquitur meditatæ exordia cædis:
 Me quis amat tandem? pro me quis stringere ferrum,
 (Nam pudet hoc nostrum jugulo mersare senili)
 Sustinet? invisumque senem demittere letho?
 Esto aliquis comitum, cùm templa vaporat, & aras,
 Qui metat ense Popam, jubeatque adolere profundis
 Manibus, & cantare preces Acheronte sub imo.
 O Mystam ex oculis auferte, & tollite nostris!
 Projicite hanc pestem, pereat, maestetur ad aram!
 Imperio Regis juvenum manus occupat ædem
 Marmoream, & temerat nudato Altaria ferro;
 Emeritum messura caput. Sed splendor ab alto

Deflu-

Defluus, & fremitus terræ, quassumque facellum
 Misit in ora gelu, redeunt pallore notati
 Funereo, & dextras torpescere frigore surdo.
 Arrectasque horrore comas, portentaque cœli
 Mirantur, gelido prostati corda pavore.
 Hoc ergo nōstris, Rex inquit, dedecus armis
 Est super, ut fractum morbis, ævoque, ferire
 Ense senem dubitemus adhuc? ruite agmine mecum.
 Rex ego primus ero, primus bibet ille cruentum
 Infandumque caput resecabit vertice mucro.
 Fulmineum his dictis rotat ad pia Limina ferrum,
 Indigneta nefas gemuit ter porta, quaterque,
 Diraque prodebat stridentes omnia valvæ:
 Deditidic tamē ille metum, nil Numinis aræ
 Conterrent; turbantque scelus: truculentior instat,
 Et furor, atque animi præceps audacia crevit.
 Jamque subingressum Divi expavere Penates.
 Musa tace in facinus quæ mens scelerata furentem
 Impulerit, præstat tenuisse silentia cædis,
 Et velo muros abscondere sanguine tinctos.
 Hæc erat illa dies toti tristissima Regno,
 Quæ jus in Lechicam per sæcula bina coronam
 Abstulit, & sceptri titulos expunxit avitos.
 Hæc erat illa dies æternis digna tenebris,
 Digna Atrœ mensis, quæ solem terruit ipsum,
 Cimmerijsque umbris nigrescere fecit olympum.

Heu

Heu lux crudelis! Majus cum floribus annum
Spargeret, hæc sacro pinxit pavimenta cerebro
Præfulis innocui, & mitræ decussit honores.

*Boleslaus Procerum conjuratione, & umbris
Extinctorum territus fugit ag Ladisla-
um, Regem Hungariae.*

Ecce sepulchrali foedus pallore, tremensque
Rex effert properum templi de limine gressum,
Proiicit arma manu, gladij lux ferrea sacro
Sparsa cruento jacet, dextram proditque nocentem.
Tum solus sine teste redit jam cæde peractâ
Flammatus Furijs, aulamque reposcis inermis.
Hirta tremore coma est, & lumina bina gelantur
In glaciem, titubantque pedes, crimenque fatentur
Atque metum. Sceleris timor est comes, atque satelles.
Jam pavet, ante nefas terror quem nullus habebat:
Et qui nullus erat contempti Numinis horror
Jam rea corda ferit, surdo cæditque flagello.
Interea exanimum rapuit, traxitque cadaver
Præfulis innocui sacrata per atria miles,
Et scidit, & rapidis divisit prandia corvis.
Ast aquilæ sacras rostro tutantur, & ungue
Exuvias, abiguntque nigros clangore latrones;
Obscenosque canes alarum verbere pulsant.

Nocte

No^te super mediā donec lux lapsa per auras
 Portento monuit, campo quo trunca jacerent
 Divi membra senis. Furtim glomeratur ad Aēdem
 Turba sacerdotum, discissaque membra per agros
 Dum legit, hæc eadem in corpus, mirabile dictu!
 Jam coiſſe notat: tumuli monumenta sub ipsā
 Aēde fodit, corpusque sacrum tellure recondit.
 Ast Regem scelerum non una exterret imago:
 Nocturnæ strepuere umbræ, manesque sepulchrīs
 Extincti redeunt, & pulvinaria lecti
 Errantes circūm mentem sudoribus angunt.
 Plurimus ante alios sub opaca silentia noctis
 Ore Stanislaus torvo, colloque cruentæ
 Signa gerens cædis, stricto cervicibus ense
 Imminet, & Regem dictis compellat amaris:
 Vivis adhuc, lucemque trahis regni ultima pestis
 Et Nero? Me contrā veteres num surgis in iras,
 Obdurasque minis frontem? neque vincula laxas,
 Nec jugulo insontum parcis? quin turpis adulter
 Ut prius impuros accendis Cypridis ignes,
 Christinamque thoro retines, cogisque minores
 Exemplo peccare tuo? Jam nigra dehiscunt
 Tartara, jam meritum descende Tyranne sub Orcum.
 Per strages rue, per Mundi te funera merge,
 Sangvinis hoc rivo flamas extingue facesque
 Fumantis Patriæ. Cineres recreare tuorum

Sic

Sic potes; hæc tumidis est ultima meta Tyrannis.
 Increpat his Præsul, simul in caput, atque jacentis
 Colla vibrat ferrum, jugulumque secare videtur.

Evigilat somnis Rex territus omne diro,
 Certaque monstra videt, gladiumque, & Præsulis umbram
 Ingentem verbis coram sibi fata minari
 Audit & in tenebras subito vanescere cernit,
 Atque redire iterum, tenebris iterumque recondi.
 Corripit è strato corpus, pictosque recessus
 Deserit, & gnati vicina cubilia poscit.
 O gnate, ultrices instant, urgentque paventem
 Aethiopum similes tenebrosis vultibus umbræ!
 Ipse necem intentat nudo mihi saepius ense
 Antistes, vidi gladium, neque lumina fallunt.
 Qui prius impavidus Mavortis in arma ruebam,
 Quam trepido miser? heu! sceleris quam conscientia nutant
 Pectora? quot curis animi, quot morsibus uror?
 Carnifex habet occultos, semperque pavescit
 Conscientia mens noxae, corredit viscera testis
 Vipereus, torquetque metu, coecoque tumultu.
 Quo fugiam? Regno pulsum, expertemque salutis
 Quæ patria & Regia tandem, quis portus habebit?
 In caput heu! Procerum conjurat factio nostrum,
 Seditione furit populus: Rex ipse sacrorum
 Ex Vaticanâ saevus me fulminat arce.
 Unius ob crimen cessatur ab omnibus Aris,

K

Quæ

Quæ sonuère prius mutelcunt turribus æra,
 Templaque clauduntur, nec fumant thuris honores;
 Rex ego, meta odij, me singula spicula poscunt.
 Unica spes superat misero mihi gnate, tibique.
 Sceptra Ladislaus, Princeps mihi foedere junctus,
 Pannoniæ tenet, hunc olim cum vixerat exul,
 Protexi auxilijs, solio profugumque locavi
 In Patrio, & magni confregi Cæsaris arma,
 Tunc cùm Teutonicus ratibus per flumina miles
 Posceret Hungariam, & Salomonem ex Matre Nepotem
 Cæsaris affereret sceptro, Regemque vocaret.
 Hospitijs sors ille fidem, meritumque rependent,
 Immemor haud veteris sese tutantis Amici.
 Ergo fugam mecum celera, properabimus illac:
 Et rapidi currus nos Budæ ad moenia sistent.
 Dum fera cesset hyems, melior dum rideat æther,
 Tuta domi tibi nulla mora est; perijisse Parentem
 Qui cupiunt patrio repetent de sangvine poenas;
 Atque scelus nostrum cognatæ morte piabunt.
 O gnate, hoc dirum cœlum procul arceat omen!
 Dixit, & adjecit, cum prima crepuscula noctem
 Inducent, Mundoque ostendet lumina vesper,
 Hora erit apta fugæ, paucō comitante meorum
 Agmine proripiā gressum, currusque citati
 Te mecum ad Budæ Regalia moenia ducent.
 Fortè erit, ut Patriæ, & Regno sim charior absens,

Pau-

Paulatim furiæque cadant, iræque tepescant.
 Sæpè odia abstergit, sedatque absentia Regum.
 Ita Boleslaus: mox nocte favente Palati
 Evadit portâ, & nunquam redditurus adornat,
 Occultatque fugam tenebris; comitantur euntem
 Sponte suâ exilij comites, Lubomirius acer
 Et Radivil, Lascusque audax. Abiturus amicis
 Rex neque colloquitur; nec charæ conjugis ore
 Captat triste vale. Parvo simul omnia claudit
 Mandato: valeant, Regnique negotia current
 Et sua: deserto sele mox adfore Regno.
 Sic fatus molitur iter, penetratque repostæ
 Fines Pannoniæ; non auro lucida vestis
 Aut coco pretiosa nitet, sed qualis opacæ
 Aptæ fugæ est: teritur neque regia semita currū,
 Sed varij dubijs scribuntur flexibus orbes,
 Nè qua fugæ pateant vestigia. Plurima munit
 Furtivam nox coeca viam: Dea pallida cornū
 Semimicante diem fundit, lucemque malignam.

Diva soror Phœbi, qualem te prisca vetustas
 Credidit, ô vivax, Rex inquit, imago Regentum!
 Jam nova, jam media es, jam plena recolligis orbem,
 Jamque trahis rugas, sulcoque senescis anili.
 Talis conditio Regum est. Lux prima superbum
 Quem videt, hæc eadem lux ultima sæpè jacentem,
 Oppressumque gemit. Si quis mihi credere nolit,

Fata mea, & gnatum, & socios, comitesque requirat.
 Quo fugimus? quo tot spolijs, prædâque potiti
 Abripimur? Victorne fugam sub nocte capessit?
 Ergò triumphales suspendimus ad tua lauro
 Cornua, victricesque tibi Dea mobilis hastas
 Figimus hoc campo? totus quos horruit orbis,
 Ecce tegunt latebræ, nox absconditque paventes.
 O dubia atque omni semper variabilis ævo,
Quæ quondam mihi fida fuit, fortuna Regentem!
 Hæc & plura dolens tristi Rex corde volutat.
 Septima jamque diem, solemque aurora reduxit,
 Antiquæ aspiciunt turres, & mœnia Budæ:
 Spumeus exercet lese per littora cursu
 Danubius, claræ tutator cærulus urbis:
 Inscendunt Proceres Lechici cum Rege phaselum
 Lubrica terga secant fluvij, proramque thalassi
 Clamore advertunt ingenti mœnibus urbis;
 Ignorantque decus magnos, Regemque potentem
 Se parvæ vextare rate. Ad regalia tandem
 Tecta Boleslaus, Proceres Lechicique feruntur.
 Aulica stat pubes, Magnates nescia tantos
 Se legere hospitio. Majestas Regia lucet
 Fronte Boleslai, vestisque abscondere Regem
 Vix obscura potest: tantum decus innatæ ori,
 Tantus honos lingvæ, & facundis gratia verbis.
 Occursat latus, quem jam docuere tabellæ


Arca-

Arcanæ, adventumque Ducum gratatur, & ultiis
 Amplexus profugum mille inter basia Regem
 Voce Ladislaus blandâ prior obvius infit:
 Salve ô! Pannonij Custos fortissime sceptri
 Nostræ Gentis amor! toto clarissima mundo
 Dextra tua est: Quondam Tu fessis anchora rebus
 Solus eras: Regni Tu spesque, salusque labantis.
 Hoc regale tibi, Rex inclyte, debeo sceptrum,
 Ista corona tua est. Dum surgent aurea coelo
 Sidera, apud memores tanti quoque gratia facti
 Immortalis erit. Soboles formosa Miesco,
 Gnate Patris tanti, Lechicæ spes altera gentis
 Tu quoque faustus ave! Proceres salvete Poloni!
 Gratulor hoc tandem mea tempore vota beati,
 Oblequia ut referam meritis, gratesque reponam.

Exin panduntur maculosis splendida saxis
 Atria, regalem sumptu spirantia fastum:
 Atque Boleslaus jam sede receptus amica,
 Securusque fugæ, vestis mendacia ponit
 Obscuræ: chlamide, & croceo velatur amictu,
 Ostro ardent humeri, vestis quoque fulgurat auro
 Interior, capitisque detus regale smaragdis
 Omne viret, prædâ Garamantide tempora lucent:
 Tum digitis indit gemmas, & pondera collo,
 Fulmineumque ensem suspendit divite zonâ.
 Par cultus gnato, qui secum regia defert

Dona

Dona Ladislao. Ducibus se jungere tantis
 Pannonij certant Proceres. Convivia, saltus,
 Et ludi celebres, & ficta geruntur in aulâ
 Bella. Boleslaus testatur gaudia vultu,
 Corde premit vulnus, coecos animique tumultus.
 Castrensi quondam resonare per avia cornu
 Perque juga, & saltus, dumosaque saxa vagari,
 Hortarique canes placet, & formidine cervos,
 Atque ursos agitare feros, & dente timendos
 Sectari delectat aplos, damasque fugaces.
 Fallere quondam etiam tempus prædantibus hamis,
 Retibus & placuit pisces, & ducere seta.
 Jamque adeo in silvas iterum, dum crastina surget
 Æthere lux, Reges geminos Diana vocabat.



De

DE
BOLESLAO II.
REGE POLONIAE,
LIBER III.
ARGUMENTVM.

Boleslaus cum Miescone filio in Hungariam profugus, recreatur Venatione, & Ludo Theatrali; Monetur in somnis, aulam Ladislai ut deserat.

Postera lux furvas Cœlo dimoverat umbras,
 Solque nova evigilans in montes spicula misit,
 Nocturnæ roris lucent in gramine guttæ.
 Mœnibus egreditur radians fulgentibus armis
 Examen juvenum: telluri impressa videntur
 Roscida signa pedum. Pulcherrimus ipse Miesco
 Se comitem adjungit: corythus pendet, & arcus
 Aureus ex humeris, stellatis pallia limbis
 Collucent virides imitata colore smaragdos.
 Præpete raptus equo secat ille celerrimus Austros

Con-

Confortesque viæ longè post terga relinquit.
 Gramineus juvenem decuit color, atque virenti
 In chlamyde ante alios formosior emicat omnes,
 Spumantem seu frenet equum, sublimis habenis
 Se rapidum effusis agat, emittatque volucrem.
 Dictæ juvenem stupuere in monte sorores,
 Ipsiique sidereos miratur Delia vultus.

Ergò iter ingressis ficti prænuncia belli
 Æra dedere sonos: Dianæ carmine montes
 Intonsi, & valles circùm fremuere profundæ:
 Si faveat Dea, si præsens venatibus adsit!
 Horret ab illicibus densis post moenia Budæ
 Sylva capax ævi, cœlumque intercipit umbrâ.
 Hic nigra fulminei posuere cubilia, prædam
 Et natis vexere suis in saltibus apri.
 Postquam lecta manus juvenum, pulcherque Miesco
 Obscurum tetigere nemus, stant ordine nexi
 Prædâ avidi centum, & mordent sua vincla molossi.
 Candidior Leucon nive, nocticolorque Melampus,
 Quæque lupo concepta fuit Nape, Oribasus asper
 Arcadia de gente satus, Gheronque, Dromasque,
 Et Thous, & pecudes quondam, nunc lustra secuta
 Poemenis, & Tigris, & Pterelas, & acutus Hylactor,
 Atque Melanchætes, pedibusque citatus Aello;
 Et Lachne Spartana; ursam quæ nuper in antro
 Deprendit, centumque alij quos longa referre

Nos

Nos prohibet mora. Concludunt indagine silvam,
 Collecti agrestes, & tendunt lina plagarum.
 Mox quā luminibus vacui patet area campi,
 Atque nigris fugere feræ de saltibus actæ,
 Byssina panduntur gemino tentoria Regi:
 Jactus abhinc teli proprietor, celerisque sagittæ
 Si qua fugam arripuit fera, si conterrita gressum
 Verterit, aut gelidum poscat jam saucia fontem.
 Dum loquor auratis Reges in curribus adsunt
 Belliducum comitante globo. Prior ipse Miesco
 Desilit alipede ex alto, seque obvius infert,
 Atque Ladislai dextræ prior oscula figit.
 Rex juvenem amplexus, spolium quām nobile, dixit,
 Saltibus his reperi! nemorum tu præda Miesco
 Salve prima mihi! rigidis dum parcitur armis
 Ludicra te recreent hæc otia, Martis imago
 Prima tui. Silvas juvenis certamine misce,
 Exploraque feras donec volventibus annis,
 Desidiæ impatiens prodet se mascula virtus.
 Sic Patrias juvenis laudes haud degener imple.
 Miesco dehinc Patriæ fixit quoque basia dextræ,
 Et duxit geminos picta ad tentiora Reges:
 Jamque tubæ rauco cœlum increpūre canoræ
 Luco profiliunt medio in certamina turpes
 Setigeri, duplii concurrere dente parati.
 Et duris bifidum rostris hauirire verutum.

L

Inni-

Innixi exspectant hastis nexo ordine centum
 Armati agrestes, resonique hortatibus æris
 Irritant rabiemque canum, rabiemque ferarum.
 Tot nemorum monstros juvat acre movere duellum.
 En per aperta ruit, quasi fulmen, & orbibus orbes
 Implicit (exclamant juvenes) magis hispida præceps.
 Bellua rumpit iter, neque furca, neque hasta ruentem
 Impedit: excipiunt fusi per terga molossi
 Præcipitemque globo incingunt, stipantque, premuntque;
 Bellua sed rapido prosternens omnia cursu
 Dissipat ore canes: irati illi ære mordent,
 Sub medijs pingvemque dolent vanescere prædam
 Dentibus, atque novis vallem baubatibus implet.
 Saltibus ista quidem se bellua condidit atris:
 Ast iterum gemini truculento dente timendi
 Præcipitem secuere fugam de montibus apri.
 It cœlo clamor juvenum, sua tela tenentum
 Hortantumque canes: respondet saxe rupis
 Echo lingva cavæ, pronæque per infima vallis
 Urget odorisequos resonis hortatibus umbros.
 I Tigris! I Pterelas! I Spartæ gloria Lachne!
 Rumpe moras tua, rumpe moras, tua Pamphage præda est.

Tum veluti vacuas contorta sagitta per auras
 Effugit, & procul hinc cava nubila dividit alis;
 Ac veluti propero surgentem turbine ventum
 Te prope flare putes: sed dissita verrit eundo

Ille

Ille fremens procul, & furijs jam rauca pererrat
 Æquora: Sic rapuere pedes, nusquamque videntur
 Pamphagus, & Lælaps, & acutæ vocis Hylactor,
 Et Tigris, & Pterelas, & Spartæ gloria Lachne:
 Bellua sed rapido prætervolat utraque cursu
 Latrantes, vano crepuerunt verbere malæ,
 Sistit aprum tandem depensa mordicus aure
 Pamphadus & tenet, & fixos in vulnere dentes
 Implicat, atque fugam, cursusque moratur anhelos,
 Insimul, & Leucon, ferrugineusque Melampus,
 Et Corylax, stabuloque vigil sub nocte Lycisca
 Oppressere feram: nil proslunt robora dentis
 Fulminei, numero concessit barbara virtus.
 Approperat celer, inque feram venabula mittit
 Et lethale fodit vulnus Lubomirius acer:
 Hoc habet! exclamat victor, ferrumque récondit.

Protinus atque alij nigris è saltibus acti
 Dilapsi ad Regum tentoria picta seruntur.
 Hos jaculis avidi, missisque ferire sagittis
 Concertant Proceres: ventis post terga relictis
 Diffugere alij, sed equis hos aulica pubes
 Insequitur; volat ipse celer, pugnamque Miesco
 Instaurat, profugos jaculoque vibrante lacescit,
 Quinque Boleslaus truculento dente timendos
 Demisit, totidemque neci dedit ipse Miesco:
 Rex quoque Pannoniæ telo tres fixit acuto

Spumantes fuditque feras. Volat ecce citatus
 Grandis aper, Regesque petit, jam saucius hastam.
 Ore premens fractam, quam vulnere traxit ab ipso:
 Cum catulis hirsuta parens comitatur euntem.
 Ille furens mediâ catulos circumspicit irâ
 Et fremit, & Regum jam vulneris immemor hastas
 Involat: assistunt turpes cum conjugè nati.
 Figit aprum noster certi Rex cuspide ferri
 Et medium fodit. Ille animam vomit ore cruento,
 Dumque animam vomit, est facto crudelis in ipso:
 Namque novo insertam jam vulnere tardior hastam.
 Comminuit morsu: tandem cum vulnerè lucem
 Regibus & spolium catulos cum matre relinquit.
 Ter centum & plures confixi præda jacebant
 Setigeri, primosque altis de montibus ignes
 Noctifer ostendit Mundo dans otia vesper.
 Victores redeunt ad Budæ moenia Reges,
 Et Proceres in equis; in plaustris lecta sequuntur
 Silvarum spolia, & venantum exercitus omnis

*Comœdia gratia Boleslai in Aula Regis
 Hungariae exhibita.*

Altera jam cœli facies, minus apta Dianæ:
 Acre gelu jam mordet humum, jam stiria tectis
 Dura riget; coéunt piscosa fluenta Tibisci,
 Ister concretas truditque pigerrimus undas.

Ergo

Ergo urbes, fertumque forum, & spectacula Circi
 Mimica delectant: redeunt solemnia Bacchi
 Orgia thysigeri: Larvatis Empusarum
 Vultibus incedunt cives, manifesta phrenesis
 Hæc quoque Magnates hodiè, Proceresque perurit.
 Excipiunt epulas cithatae, citharasque choreæ,
 Et Plauti antiqui nugis strepuere theatra.

Ex Aulâ Rex Pannoniæ quâ despicit hortum
 Scenica se pictis testudo superba figuris
 Exsplicat, & Prothœi quasi vultum in tempora mutat.
 Jam mare velivolum, & scopuli cernuntur in illâ,
 Nunc urbes, nunc castra Ducum, nunc lustra ferarum,
 Nunc Regum auratæ tresses, Pariæque columnæ,
 Elisij fragrant picti modo floribus horti,
 Heclæ jam flamas mentitus ruat avernus;
 Quondam & Paupinæ spumare apotheca Lyæi
 Cernitur: hæc bibulis semper gratissima Mimis
 Ultima. Scena fuit. Regali Morio in aula
 Grandia Panthosophi Argivi qui numina sumpsit;
 Vixerat: Hic Storacem calamo, quem nescio, pinxit,
 Inque dedit Scenam. Totam vulgatur in urbem.
 Fabula dicta Storax. Populi fluit unda frequentis,
 Virque premit, premiturque viro, cursu, atque recursu
 Urget & urgetur, seseque reciprocat unda:
 Matres cum pueris, ostendunt singula matres
 Nam pueris, cum Nobilibus plebecula vilis,

Mixti

Mixti cum Dominis adsunt ex rure coloni.
Ast gemini in sellis Tyrio flagrantibus ostro
Consedere simul læta ad spectacula Reges.
Agmine Pannonidum cinctus, Procerumque corona,
Post Reges primus sedet, auscultatique Miesco.
Cantrices sonuere tubæ, quassataque murmur
Tympana cum sonitu rauco, fremituque dedere.
Progreditur Scenâ (tenuere silentia cuncti)
Nympha manu citharum feriens, & carmina pulsans
Cincta caput lauru: Hæc roseo sic incipit ore:
Salvete, o! gemini Divorum proxima cura,
Magnarimi Reges! Proceres salvete, Ducesque!
Mimos Imperio festivos cedere vestro
Aggredimur: Recolit sua Suturnalia Mundus,
Cum stulto ad tempus juvat insanescere mundo:
Fingere se stulto stultum sapientia prima est.
Haud placet in scenam procedere Syrmate nigro,
Nec furere ex pelvi, aut natos apponere mensis,
Et cum Medea regale incendere tectum,
Læta jubet tempus, cum tempore carmina spirent
Lætitiam: Venit, ecce, Storax: Comœdia tota
Ex illo est. Dicit pro fœmet plura: facello,
Et me proripio: lingvis animisque favete!

Exin progreditur pro se, pro ventre locutus
Multa suo veteris Parnassi nobilis Heros,
Et Pincerna Storax: Sequitur Malcolmus, & uxor
Nom-

Nomine Rhetorica; ad dextram sedet ipse Stopultus
Rheticæ Procus, & Dominæ fert basia furtim.
Nunc scenam, & seriem rerum mea Musa recense.

*Fingendus est hic loci, ne antiqua canamus semper,
Boleslaus modernam spectare Comœdiam: nam
ea, quæ hic per jocum recensentur, temporibus
Boleslai non coherent.*

TEmpore quo brevibus sese nox incipit atra
Præcipitare rotis, & lux altissima cancro est,
Nonnemo errabat sylvis Heliconis Alumnus,
Rura petens Patriæ, Storacem dixere sodales.
Heu me! Quàm miserum, dum solibus omnia servent,
Dixit, inire viam? Salsus quàm corpore toto
Depluit, ipsa natat vestis mihi credite, sudor.
Strangulat arentes vapor, & sitis ignea fauces
Si modo flumen aquæ, si frigora fontis adessent?
Ista gemens secum platani procumbit in umbrâ,
Proque gelu fontis ramorum frigora captat.
Cuncta silent, nullæ nemorum motantibus auris
Perstrepere comæ, neque garrit in arbore nidus,
Nec folium vento, nec graminis herba movetur.
Sic ubi consedit langvens Heliconis Alumnus,
Forte aliquid quasi murmur aquæ dubiâ excipit aurê:
Surgit, & huc illuc sua lumina circumflectit,

Si bi-

Si bibat aure sonos? & jam vicina videtur,
 Jam procul unda; nihil jam percipit, omnia mutum.
 Sunt nemus, atque iterum strepitus manifestior aures
 Verberat, è montis lapidosa vertice torrens
 Ceu præceps ruat, & scopulos, & saxa volutet.
 Pergit iter cœptum quo fert via, valle profundâ
 Descendit, linquitque nemus, colleaque supinum
 Lumine contingit. Streitus jam clarior aures
 Personat, & lymphæ fuga monte ruentis ab alto.
 Silicet Arx impôsta jugo, subtûsque jacentis
 Tecta molestrinæ, visusque ascendere fumus
 Ex furno Storacem spe non lactabat inani.
 Sic igitur secum: Turres, & Moenia celsæ
 Arcis ego video, Dominus dominabitur arcis:
 Ille procul dubio fuerit de gente Latina,
 Qualis ego, simili similis simul ipse favebit:
 Qui favet invitat, nec raro ad prandia cogit;
 Ergo invitabit, nos ergo ad prandia coget.
 Spumant Magnatum generoso prandia musto;
 Musta domant, jugulantque sitim. Quin ergo petenda
 Arx mihi sit, Dominusque Arcis, conclusio facta est.
 Temporis interea cum spe quid dispuo vana?
 In puteum spes saepe cadit, ceu solis imago
 In speculum, radius tantum, non flamma resultat.
 Me strepitu mola credo vocat. De stemmate nati
 Dæpè domi non sunt, Regumque morantur in aulis;
 Esse

Esse domi se s̄epe negant, licet ante fenestras
 Observes clausisse suas: Sæpè hospite multo
 Cinguntur, noctemque trahunt lucemque bibendo.
 Sæpè parùm docti Phœbi commercia vitant,
 Oderunt Musas ornati murice trunci.
 Deinde globos castro nulos ascendere sumi
 Conspicio: peregrinatur puto nobilis Heros,
 Et Lauretanam voti reus ivit ad ædem.
 Res mala si furno nebulas ascendere nullas;
 Et nulos cōlo videam fumare caminos.
 Hoc mē Præceptor, Pater hoc me grandior annis
 Edocuit, semperque lares, & recta subirem
 Dixit, ubi nebulæ, signum est fervere culinas.
 Certius hoc omen, quām Cælo manè rubente
 Astrologi pluvias, ventosque minentur, & imbræ.
 Ast molitor contrā, eujus fumare caminum
 Jam pridem observo, certam me suscitat in spem.
 Magna domus, multique greges, sit dives oportet,
 Setigeri pingves, teneri cum matribus agni,
 Et Junonis aves, anates per cærula nantes.
 Cornicem auroræ gallus, timidæque columbæ,
 Et Capitolinâ quondam vigil anser in aree.
 Omne genus currit, volat, aut natat amne secundo.
 Hæc super est hortus, lactucas surgere crispas,
 Mollesque asparagos video molitoris in horto,
 Non etenim in varios topiaria secta recessus,

M

Aut

Aut pictos florum tumulos, pugnasque colorum
 Curant ruricolæ, Pario neque marmore fontes
 Edificant, cœcasque vias, quas fraudibus olim
 Dædalus implicuit, sed quæ servire culinæ
 Possint, illa colunt, stomachum, non lumina pascunt,
 Adde, quod urbani, civiles, denique gratis
 Prandia sæpè parant: Quin, quod mirere, refecto
 Dant, quæ cras comedas, & peram carnibus implent.
 Non tamen hic mos est Patriâ cœloque sub omni.
 Plurima sermo potest bonus, & facundia lingvæ.
 Hæc, & plura Storax tacito sub corde volutans
 Finierat, puteumque altum propè tecta videbat,
 Egelidis qui nabat aquis. Nunc proxima cura est
 Extinxisse sitim: longo mox fune ligatam
 In laticum venas demerserat impiger urnam,
 Confusus cœco clamor, quasi mille gementum
 It fundo, & streperum crispans cum murmure murmur
 Plurima se laxis impacta reduplicat echo.
 Tum vitreæ in lucem putei de nocte profundâ
 Assurgunt lymphæ, funemque sequuntur anhelum.
 Haustus aquæ mihi Nectar erit! nec plura locutus
 Dulce gelu bibt, & plena se proluit urnâ.
 Frigidus appropriat siccis pulmonibus humor
 Et totum recreat Storacem; ceu gramina nimbus
 Suscitat, ac veluti pluvias glomerantibus Austris.
 Quæ fuit ista tuis Procyon sævissime telis

Inci-

Incipit alma Ceres rursum se tollere cœlo:
 Sic priscæ Storacis redeunt in corpora vires,
 Masculus & circum bullit præcordia sangvis.
 Postquam extincta sitis puteo, succedere lætus,
 Liminibusque inferre pedem parat: omnia clausa
 Sed videt attonitus, querno mox robore portam
 Terque, quaterque quatit, gemuitque à verbere porta,
 Inclamans: Heus nemo domi! non audior ulli?
 Mox iterum tundit, veteresque ferocior iactus
 Ingeminat, si fors molitor dormitet, & uxor
 Sola domum servet, firmarit & obiice postes.
 Parva puellaris vox tandem fertur ad aures:
 Vade in pace, domi, frustrâ quatis ostia, nemo est:
Quippe urbem molitor prima sub luce petivit,
 Nec, credo, redditurus erit, nisi vespere sero.
 Territus obstupuit, totusque ad dicta puellæ
 Concidit, & mœrens tulit insolabile vulnus
 Sollicita jam mente Storax, ubi prandia sumat?
 Irrita vota jacent, altum ruit in puteum spes.
 Se tamen alloquitur, solatur & aspera fata:
 Cura viri fortis, dixit, compescere fluctus
 Surgentes animi, & vultus simularé serenos
 Nesciat hic animus succumbere casibus atris!
 Libera mens mihi semper erit, dum vita manebit.
 Navibus exustis ut quondam Trojus Heros
 Spem vultu simulat, premit altum corde dolorem:

Talis ego, seu læta manet, seu sumit acerbos
 Nescia stare loco fortuna levissima vultus
 Semper ero, & caput hoc superabit nulla procella.
 Quid? molitor muros urbis, portasque petivit:
 Credo equidem; sed quis promisit, fama unde profecta
 Ista fuit? tales quis fudit ab ore loquelas?
 Fœmina. Mentiri, falsum jurare puellæ,
 Sicut flere sciunt, & nere, nihilque tacere.
 Nec redditurus erit molitor, nisi vespere sero:
 Hoc iterum asseruit mendax puto fœmina, coenam,
 Ne daret, atque alibi capiam sub nocte quietem.
 O compacta dolis, versuta, & callida vulpes!
 Fœmineam constans vincet patientia fraudem,
 Cunctabor, nectamque moras, hærebo, manebo,
 Dum redeat, fortasse brevi remeabit ab urbe.
 Et dicet: Nostris succede Penatibus Hospes.
 Siqua domus crassâ volvit caligine fumum,
 Non ita migrandum facile, & peregrina petenda
 Limina, promittunt convivia lauta culinæ:
 Ex fumo flamas, ex flammis colligo coenam.
 Quidquid erit, removere pedem, vestigia tergo
 Vertere, me in saltus veteres lucosque referre
 Non licet. Est aliquid semet servare secundis
 Casibus, & sortem contemnere posse novercam.
 Plura, & plura Storax secum dum dicit, anhelâ
 Fertur ab ancillâ, dominæ ad mandata volante,

Ampho-

Amphora purpureo, produnt crystalla colorem,
 Plena mero, atque aliquid calatho quoque virgo ferebat;
 Hæc ingressa domum post se quoque limina clausit.
 Insfrendit spumatque Storax, furor ossibus ingens
 Ardet, & in furias omnes effundit habenas.
 Vina bibant, epulasque parent, absente Marito?
 Omnia sunt suspecta mihi. Quin audio murmur,
 Nescio, quale lyræ? plaudunt, tolluntque cachinnos,
 Blandè compellant, & byssina verba loquuntur.

O! si vel parvum mi mure foramen haberet,
 Si patecas usquam paries ævoque dehiscas,
 Inspiciamque domum! Vix hæc edixit, apertum
 Ætatis vitio muri deprehendit hiatum.
 Huc celer approperat non observatus ab ullo
 Inque domum totam per rimam lumina mittit.
 Mensa intùs, juvenisque sedens pulcherrimus ore,
 Ille lyræ carmen digitis percussit eburnis.
 Fama volat juvenem nomen tenuisse Stopolci,
 Scriba fuit, scribamque Arcis vicinia novit.
 Non procul ipsa sedet consors molitoris, & aures
 Arrigit, argutumque melos, jucundaque laudat
 Fila lyræ. Varijs resonat concentibus àér;
 Jam sæisque, trucesque modi, quasi in arma citati
 Mille ruant pugiles, moduli nunc barbiton implet
 Jonij, fracti, molles, & amoribus apti.
 Langvida jam sonuit vix una, atque altera chorda
 Negle-

Neglectim percussa: chorus nunc infremit omnis,
 Et digitii celeres fugiuntque, volantque, ruuntque
 Fila per & nervos, resurrant carmina nervis.
 Lauta dapum vario titubat quoque mensa paratu,
 Rustica sit quamvis. Pullos, gallumque spadonem,
 Atque anates mulier lentum gyavit ad ignem:
 Nec non asparagos solers ferventibus undis
 Crudos perdomuit: Longa quoque cuspide fixit
 Porcellum pingvem, clunesque & terga parentis
 Setigeri, ac nigro siccata tomacula furno
 Addidit: In primis multo conspersit olivo
 Lactucas, magno quibus est à Cæsare nomen;
 Ovaque dispositi circum: Piscator aquoso
 Nuper, ait, quidam grandes mihi littore cancros
 Detulit, idque senex dixi, nescire maritus
 O mea lux! debet, tibi clam servavimus istos.
 Omnia per rimam videt, & satiare videndo
 Se nequit exclusus tectis Heliconis Alumnus.
 Mandato Dominæ, gelidis recreata sub undis
 Amphora plena mero mensis infertur, & illam
 Ad puteum, portamque sedens jam lumine torvo
 Viderat ante Storax. Molitrix tum grandia poscit
 Perspicui crystalla vitri, laticemque rubentem
 Infundit, primamque Proco libare salutem
 Gaudet, & o! oculis, dixit, mihi charior ipsis,
 Vive, nec ulla dies à te me separet unquam!

(O! ubi pacta fides, ubi sancti foedera lecti?)
 Jamque datura scyphum fuerat, phialamque Stopolco,
 Ecce citata volat pernicibus ignea plantis,
 Et Dominam affatur trepidis ancillula dictis:
 O Domina! Urbe tuus relegens vestigia Conjur
 Improvisus adest. Jam jam pede limina tangit!
 Vidi ego, nec fallor, neque mea lumina fallunt.
 Hæc ubi Virgo refert, molitor ter fuste trabali
 Percussit portam, clausamque recludite, dixit,
 Expavit mulier, manifestâ exterrita voce
 Conjugis, attonitæque metu tremuere ministræ:
 Ipse pavet Proculus, & perdit cum voce colorem.
 Ut quondam piceâ deprensus nube viator
 Pallet, ubi sacro vicinam sulphure querum
 Arma Jovis sternunt, cœlique ruente tumultu
 Omnia sunt murmur, terror, fragor, horror, & ignis:
 Sic trepidare metu cuncti molitoris ab irâ:
 Omnibus arresti cœlo riguere capilli.
 Exemplò removere dapes, Bacchique lagenam,
 Ingentem tenebris ascondere, tollere mappam,
 Et lances, orbesque labor fuit. Arripit ipsa
 Purpureo molitrix spumantem Nectare trullam,
 Atque ubi se tollit vulcania vertice fornax
 Amphora nunc vini, tua munera Bacche, locatur.
 Porcellum, & citharam, non jam velut ante sonoram,
 Et mappam, & gabatas celeri rapit altera dextrâ,

Arcâ

Arcā demittens veteri , rapit altera pullos .
 Atque anates secum , Dodoneasque volucres :
 Quin & retrogradi fiunt post funera cancri.
 Non fornacee procul stat ligneus urceus ingens
 Balnea quo fiunt pueris , & lina lavantur ;
 Ille carebat aquis ; Invertit Scriba Stopolcus
 Vas grande , inque globum flexus sese abdidit illo :
 Digna domus Domino , sat digna latebra Stopolco.
 Implumes , bipedesquo tuæ Plato docte magister
 Sic capiuntur aves , homines quas ecce putabas.
 Junonis Custos , habuit qui lumina centum
 Nunc cupit esse Storax , serpensque Epidaurius esse
 Mille velit votis ; trepidis ut vocibus aurem
 Præbeat , & timida videat , quid agatur in æde ,
 Ira , metus , formido , pavor , tremor , horror ubique est.
 Hæc inter molitor crebro quatit impete portam ,
 Jamque moræ impatiens : referate Diespiter ! inquit ,
 Aut ego . Mox frontem rugis majoribus armat ,
 Flagrorumque nimis conjungit fulmina lingvæ .
 Territa procedit conjux , ferrata reducit
 Robora , plena metu , fictum digitisque soporem
 Ex oculis tergit : Salve Malcolme ! (gerebat
 Hoc molitor noinen) quid nunc , ubi maximus æstus ,
 Urbe redis ? ferâ redditum nocte putabam .
 Intereâ parvus vicit mea lumina somnus .
 Cuncta ubi per rimam , bibulas cui commodat aures ,

Edidi-

Edidicit: Nunc hora favet, nunc ferrea candet
 Massa, Storax inquit, mordaci forcipe flammis
 Eripiam, cudamque mihi faber ipse faventis
 Fortunæ vultum. Sortis proverbia jactant
 Vulcanum sibi quemque suæ. Mihi prandia fient;
 Cœnaque, purpureumque merum. Tibi parva flagellum
 Conficiam mulier, tectum quæ dura negâsti.
 Nec te, quo latitas, sat proteget urceus ingens
 Scriba Stopolce tuus; digitis nunc altera moestus
 Carmina percuties, palmasque ad sidera tendes.
 Ore nites fateor, qualis dum gurgite crinem
 Cœruleo lavat & cœlo matturimus exit
 Lucifer, aut qualis surgens novus æthere Titan
 Extingvit stellas radijs: Nunc exue crines,
 Cincinnosque tuos, larvam nunc deme Stopolce,
 Doemona jam finge, & veteri sis nigrior olla!
 Hoc erit in votis. Brevis est mora: carmine nigro
 Spirantem ad Manes, & ad ultima Tartara mittam.
 Dulcè canis digitis, qualis crinitus Apollo
 Personat, Aoniæ quando fecere choream,
 Unanimesque simul ter tres cecinère puellæ,
 Non tibi tot Nymphæ, non tot tibi scriba puellæ,
 Unica Malcolmi suffecit perfida conjux;
 Nunc miser exspecta tenero pro carmine fastes.
 Hæc ubi fatus erat Malcolmo tecta petenti
 Succedit, nudatque caput, blandusque renidet,

N

Sequē

Seque seni jungit, verbisque minoribus infit:
 Non exspectatam vagus advena dico salutem!
 Quam potes, hanc oro veniam impertire precanti,
 Prona super medium jam lux processit olympum,
 Sub tectis concede tuis hanc carpere noctem.
 Malcolmus senior contra sic farier orsus:
 Qui genus? unde domo? quas te via dicit in oras?
 Maturat responsa Storax, redditque vicissim:
 Urbs populosa viris, & moenibus ardua celsis,
 Salsipolim appellant, fluit hic Sal divite venâ,
 Me tenuit, studijs operantem Heliconidis undæ,
 Inque scholis septem mihi jam numerantur aristæ:
 Nunc Baro sum Liber, tempèstas dura flagrorum
 Cessit, Aristotelis Logicus nunc organa pulso.
 Jam modò me Natale solum, Patrijque Penates
 Accipient, dulcem mihi cura revisere matrem,
 Et, si gaudet adhuc grandævâ luce parentem.
 Unica tres fratres Mater, totidemque sorores
 Progenuit, gemini pugnant sub Cælare fratres,
 Natu ego postremus, nuper mihi munera, bursam
 Argenti, tunicalque novas, & pallia misit:
 Sic Patribus magè semper amant sua pignora matres.
 Forte petis nomen? sacro dum fonte levarer,
 Quale fuit Patruo, Storacis mihi nomen adhæsit.
 Nunc his erranti, nec iter, neque lemita nota est,
 Sedibus, o! dignare tuos referare penates!

Ingré.

Ingredere! & cœnam cum conjugé divide mecum,
 Dixit ad hæc molitor: vestræ me Nomina Musæ
 Declinasse scholis olim quām sœpè recordor?
 Tristibus ast scamnis hærere, & pulv're nares
 Atque solœcismis miseras cruciare papyros
 Displacuit tandem. Bellum cum gente feroci
 Turcigenūm, & prædas victor tunc Cæsar agebat.
 Omnia Pannoniae sonuerunt oppida plausu.
 Mox mihi cum ferro ferulas mutare crepacēs
 Proque levi pennā fortem vibrare bipennem
 Ardor erat. Præceps ruit in sua damna juventus.
 Tertia me rigidis æstas toleravit in armis:
 Sed Mahometigenæ post tertia prælia fracti
 Cæsare pacato, pacem oravere Viennæ.
 Saucius, & squallens, lacer undique!, & indigus æris
 Excessi castris: Multi spolia ampla tulerunt,
 Argentumque ingens, sed me Fortuna fecellit.
 Fata domi genitor subiit, soletur ab alto
 Omnipotens functū! ille molam hanc, tectumq; reliquit,
 Horreaque, & latis flaventia messibus arva,
 Æs quoque non magnum. Plenis adoleverat annis
 Non procul hinc virgo, quæ sit magè garrula, nullam,
 (Jupiter est testis!) latè vicinia novit.
 Compta tamen, genitore simul locuplete creatu:
 Hanc ego consortem thalami mihi fœdere junxi.
 Garrulitas illi, studiumque immane loquendi

Nomina Rhetoricæ impoluit, vicinia tota
 Rheticam appellat: Titulo sibi foemina plaudit.
 Illa mihique, tibique Storax gratissime mensam
 Mandato, iussuque meo festina parabit.
 Interea secti placeat tibi lamina casei,
 Has quoq; frange nuces, Cererem neq; sperne nigrantem-

Malcolmi post dicta, Storax sic ora resolvit:

Quām mihi jam vultu ridet Fortuna sereno!

Et Zephyri spirant ex omni parte beati.

Haud opus est Malcolme, foco supponere ligna,
 Rheticamque nigrâ niveam lassare culinâ:

Ars mihi, quām nescis, epulas cœnasque parandi
 Rarior est: Verbis tantū mihi prandia fiunt

Lauta satis, spumat ruber ad mea dicta Lyæus.

Experiar. Nondum pede diffluet hora fugaci,

Atque hanc, si fallo, feriat me Jupiter igni!

Verbis facta meis onerabunt fercula mensam.

Si dolus est dictis, rapiat Proserpina vivum!

Ad Storacis voces Malcolmus saxeus hæret,

Rheticamque vocat: nostris en sedibus Hospes

Appulit ô Consors! Rés plena stupore, nec ullis

Cognita temporibus! nudis qui lauta parare

Prandia, purpureumque merum scit fundere verbis.

Ars nova, prodigium insolitum, mirumque relatū!

Territa conticuit Malcolmi garrula Conjurx

Obriguitque metu, si viderit omnia præsens,

Irato-

Iratoque seni referat Parnassius Heros?
 Jam non flexanimo pollens sermone vocari
 Rhetorica, & Marci Ciceronis filia gaudet:
 Sed stupet, & subitus metus ora dilata repressit.
 Plurima discruciat latitantis cura Stopolci,
 Suspicioque animum nunc haec, nunc altera mordet.
 Ipse cado latitans inverso Scriba Stopolcus
 Dicta perhorrescit Storacis, gelidusque cucurrit
 Ima per ossa tremor, nullos dare corpore motus
 Audet, & exiguum vix ore reciprocat auram.
 Ah! ubi sum? crudelis amor? crudelia fata!
Quam coecus me carcer habet? lachrymante Stopolcus
 Lumine commemorat secum, nunc omnia discet
 Malcolmus, me fuste procum petet ille trabali,
 Atque Storax fido sociabit foedere dextram.
 O scelerate Storax rabidis lacerante molossis!
 Has styge prostremâ quis te deduxit ad oras,
 Heu! quam turpe meos furtivos prodis amores?
 Fama volabit enim, quis enim præscinderet alas;
 Dum volat illa semel? crimen vicinia discet
 Tota meum: Et tandem vitâ mihi charior ipsa
 Rhetorica, ô tecum quid nunc moestissima fiet?
 O modò fugissem, carcer neque ligneus iste
 Turpibus his tenebris, & nocte reconderet atrâ!
 Sic dolet & queritur tacitus sub vale Stopolcus.
 Rebus in ambiguis rea mens est pessimus augur:

Omni-

Omnia tuta timet. Sed quid non foemina possit
 Insidiosa dolis? vultum improvisa serenat,
 Blanditurque seni. Metus, ira, audacia, amorque
 Et lachrymæ, & risus sacco clauduntur eodem.
 O mala disparium concors discordia rerum!
 Hospitis ingenium miratur, & artis acumen,
 Laudibus hinc Storacem fictis super æthera tollit,
 Mox instat lateri Malcolmi innixa sedentis,
 Ederet exemplum & specimen quam nosceret artis
 Promissæ, & verbis convivia inempta pararet.
 Suspitione virum sic callida nupta levavit.
 Triste supercilium pueris, nuribusque timendum
 Induit exemplo, toto mutatque colorem
 Ore Storax, motisque parum luctantia trudit
 Verba obscura labris, quæ vix intelligat ipse.
 Haud aliter vidi nocturnas carmina sagas
 Pangere dum properant volitare per æquora cœli.
 Pectora percutiens cessa charissime, cessa!
 Dixit Malcolmus: contra, quæ maximus olim
 Scaliger in latium vertit, doctissima secum
 Graja Storax tacitâ rimatur carmina mente;
 Hauserat illa scholis quondam: Babylonica metra,
 Chaldeasque notas, magico ceu promat ab ore.
 Exin: quin Malcolme petis? gallumne spadonem
 (Ede, nihilque time!) ferrata cuspide fixum?
 Vis? volo, Malcolmus trepidâ formidine dixit.

Post

Post hæc dicta Storax submurmurat, atque ita fatur:

Siloni caperones!

Hanc veterem referate arcam, Spado gallus in illâ
Delitet, hunc primum mensis apponite nostris!
Mandata expediunt famulæ, gallumque spadonem,
(Quem prius abscondit Malcolmi garrula Consors)
Inveniunt arcâ. Vis est in carmine tanta
Mi Malcolme meo. Statuam tibi fercula plura.
Forte anates viridi quæ jam modo gurgite nabant
Nunc deplumatæ, & lenta fartagine fricæ
Chare tibi sapiunt Malcolme? edissere tantum.

Vibrißa sperimenti!

Hic ubi perfoſſo ſunt parva armaria muro,
Quærite: Fluctivagæ ſeptem latuere volucres.
Nescio quis teneris ſapor eſt & gratia pullis,
Quos nuper conjux criftati foeta mariti
Exclusit nido. Pullos viſ eſſe recentes?

Mentico barbicolæ!

Hic ubi fornacem murus ſuſtentat, op̄erta
Scamna vides, remove, villoſaque gauſapa tolle,
Pullos inuenies ſeptem, totidemque columbas,
Omnia cocta, tuis volui quia parcere lignis.

Quàm

Quàm sapit in fucco porcellus tostus ad ignem,
 Dum calet, & pellem gestat quasi glutine tintam?
 (Omnia dissimulat molitoris perfida Consors)
 Talis erit citharæ laudari carmine dignus.
 Quid sentis Malcolme? Lyram tua cista recondit,
 Cui tener auscultat porcellus tostus ad ignem.
 Hanc aperi cistam, coramque fatebere mecum
Quæ dixi. Prius ore tamen sacra carmina promam.

Extenebro patina!

Cernis? Porcus adeſt. Patina quàm ſvavè recumbit,
 Ceu viridi carpat molles in gramine ſomnos?
 Sopito vicina jacet lyra, cauſa ſoporis
 Illa fuit, grato cum muſture clauſit ocellos
 Molle jacentis apri: Vatem ſic orpheo dicunt
 Immites cicurâſſe feras dulcedine pleſtri.
 Hæc ubi monſtra videt, totus ſtetit ore gelato
 Malcolmus, ſi forte Storax cum Dæmone nigrum,
 Percuſſit foedus? trepidat contingere lancem,
 Atrectare manu tenerum neque ſuſtinet aprum.
 Aſt illum ex ciftâ Malcolmi nupta levavit,
 Et tacitæ ſecum quæſta eſt bene conſcia fraudis:
 Hæc & plura Tibi, mi Scriba Stopolce, parabam,
 Nunc capit illa Storax, rapiant quem Tartara vivum!
 At celer ex cifta citharam mox ipſe ſonoram

Arripu-

Arripuit, digitisque Storax resonabile carmen
 Incepuit, citharae cavus aere venter eburnus
 Undulat & decies replicata rebombilat echo.
 Sed breve carmen erat: Neque nunc est hora canendi
 Nostra Storax, inquit, frigescere fercula possent.
 Tum rursum ad veteres gnavus convertitur artes:

Obsuffarcinamicti!

Non procul a portâ suspensus prominet asser,
 Quo noctu audaces nequeunt ascendere mures:
 Quærite, siccatus fumo de carne suilla
 Westphalicus peraso, & sarcimina longa quiescunt.

Plani lucernituenses!

Angulus obscurus pueris ubi verteré cunas
 Velato rugosa die solet Antlia nutrix
 Est ibi; lactucas oleo reperire natantes
 Nec non asparagos manibus prensare licebit.

Noctilatentivori!

Vos quoque tetroradi stagni de littore cancri,
 Jam modo purpureo post funera sanguine picti
 Ferte gradum retrò. Clausa nunc nempe jacetis
 Obscuri cista. Resera Malcolme, minaces
 Invenies grandi chelarum forcipe cancros.

O

Nocti-

Noctidolostudij !

Vina caput mensæ: vanum convivia nomen,
 Si non lætitiaz Bacchus dator adsit, & author.
 Vis madeant nobis generoso guttura Baccho?
 Ecce ubi se tollit Vulcania vertice fornax,
 Ascende, & trullam cape. Nunc pia carmina dicam.

Pulligremo plagij.

Jussa facit molitor, plenam vinoque lagenam
 Dat Storaci, oh! quantus mihi serpit in ossibus horror!
 Egelidoque rigent, dicens, terrore capilli!
 Vina Storax hilaris vase in crystallina fundit
 Proficiatque tibi Malcolme! hæc fatus inempto
 Se recreat potu, dictisque hæc insuper addit:
 Quin, quod mireris, Stygia quoque sede citabo
 Formosi specie juvenis tibi Dæmona vivum,
 Pallidior buxo vix non in marmora versus
 Hic Malcolmus erat, nutat, tremit, æstuat, alget.
 Hil metue: Hic grandis, quem conspicis urceus, inquit
 Post hæc dicta Storax, pulchro, nitidisque capillis
 Quis credat? Phlegetontæo dat tecta colubro.
 Vase sub hoc latitat violentus, callidus, ater,
 Pervigil ille Draco, referens simulacra venusti,
 Et picti, quales aulis nascuntur, ephebi.

(Quis

(Quis tibi nunc sensus latitans sub vase Stopolce ?)
 Ergo ades ô miseræ deceptor subdolus Evæ ?
 Sic grandi sua dicta Storax nunc detonat ore;
 Infligitque cado plagam, pugnumque sonantem:
 Ergo ades umbrarum Pater, & graveolentis Averni
 Immitis Rector, Stygiæ qui jura paludi
 Inventor scelerum dictas, cui mille nocendi
 Sunt artes, stipant quem mille immunda malorum
 Agmina spirituum, cui semper tristia verba,
 Iraque, insidiæque, & noxia crimina cordi ?
 Ergo ades ! hic iterum resonanti lignea tundit
 Verbere vase Storax, mandatque aperire fenestras,
 Et valvas omnes, clausæque repagula portæ,
 Det celer ut sua terga, nihilque moretur euntem.
 Diriguere oculi Malcolmo, pallor & hausit
 Ora sepulchralis, scopuloque simillimus hæsit.
 Jam pete lucifugos Erebi mala Bestia fratres,
 Sub Styga te præceps & ad ultima Tartara mitte.
 Nunc mea præmissis jungam sacra carmina diris :

Sutelo captiotrice !

Rumiger aucupida !

Nugicanoricrepæ !

Hæc ubi detonuit, clausum quo scriba jacebat
 Invertit vas grande Storax : citus aufuge, dixit

Oz

Atque

Atque nocere cave! se fulminis ocyor alis,
 Utque sagitta celerrima missa per ætheris auras
 Eripit, atque oculis vanescit scriba Stopolcus.

Omnipotens, metuende Pater! qui fulmina torques,
 Dixit ad hæc molitor. manifestum Dæmona vidi!
Quām similem scribæ? vicina hac arce Stopolcus,
 Si nescis mi chare Storax florente juventâ
 Vivit, & hunc arcis scribam vicinia noscit.
 Heu mihi! quam similis, vix ut dignoscere possis,
 Huic scribæ Dæmon fuerat, quem lumine vidi,
 Sic oculos, sic ille manus, sic ora gerebat.
 Cura fuit nobis speciem tibi Dæmonis atri,
 Dixit ad ista Storax, Malcolme ostendere larvâ
 Humanâ tecti, nec formidare nigrantem
 Et cornu, & caudâ deformem, ignesque vomentem,
 Sermonem vobis bene texere debeo longum,
 Omnia si memorare velim, & perstringere verbis.
 At quando incipiunt frigescere fercula nostra,
 Et jam jam cœlo surgunt vigilantia noctis
 Lumina, nunc sapiat mea cœnula, cœnula verbis
 Facta meis. Læti jam vivite! Plena Lyæo
 Amphora nos recreet Malcolme hanc ducere noctem
 Nobiscum Consors tua, nec Malcolme negabis,
 Rhetorica insomnem debet. Cras cætera dicam.

Finis Comædiæ, & S. STANISLAI verba ad Regem Boleslaum, ut Hungariam deserat.

HÆc ubi differuit, mensæ Parnassius Heros
 Accumbit, primasque jocis, salibusque tenebras
 Exigit: Ast molitor mirari te satis, inquit,
 Haud possum, mi chare Storax, quo munere cœli
 Ædibus advectus nostris tot fercula tecum
 Attuleris, dapibusque dapes, & lancibus unctæ
 Se cumulent lances. Si Palladis ista parantur
 Aritibus, haud dubitem felsâ tardante senecta
 Tyro novus veterem ferulæ submittere dextram,,
 Ast puto tam vultu non omnes Musa benigno
 Aspicit, ut solis discant producere verbis
 Prandia purpureumque cadis effundere Bacchum.,
 Haud tibi credo fuit vulgaris in arte Magister,
 Communesque libri, Phœbus te vexit ad Astra
 Altius, & sapuisse dedit. Tu celsior ibas,
 Quam sint sera tui longævi vota Parentis,
 Spem quoque tu Matris superas. Quæ gaudia carpent
 Cùm te conspicient verborum munere lautas.
 Posse parare dapes? Quid, si quoque Dæmona cernent?
 (Horreo, & aspecto surgunt mihi Dæmone crines)

O ra-

O raris ars tanta quidem explorata magistris!

Ista senex. Multo consors tacet ora rubore
 Jam pridem perfusa; procul, procul esse scelestum,
 Vult Storacem: & contra subitum tamen hospitis illi
 Ingenium placet, atque dolus. Sic fœmina fraudes
 Semper amat, mediâque in risum frangitur irâ.

Hæc ubi conferto spectacula læta theatro
 Purpureos recreant Reges, Procerumque coronam:
 Malcolmus citheram Storaci porrexit, & isthoc
 Ut bene apud memores veteris stet gratia facti,
 Dixit munus habe. Hanc citheram, quis nescio, nostrâ
 Demersit cistâ, quâ tu prior ipse canebas:

Hanc capo nosque tui memores scitô omne per ævum.
 Post scenam his dictis Molitorque, Storax regressi.

Et jam prospexit celarem comœdia finem:
 Ultima progreditur, lætis primordia Mîmis
 Quæ dederat, lauri folijs incincta virago;
 Et quam principio jussit salvere coronam,
 Æricrepos inter sonitus, fremitusque tubarum,
 Ore valere jubet. Surgunt Proceresque Duceisque,
 Linquuntque ingentis proscenia picta theatri.

Abripuit geminos inter funalia Reges
 Rheda nives lambens, mox altera, & altera primam,
 Insequitur, duplicem rhedarum linea versum
 Circinat, & strepitu nolarum tinnit olympus.
 Humida nox epulis iterum, dapidusque sacratur:

Atque

Atque ubi jam Reges riguæ dant membra quieti,
 Saltibus invigilat Corybantūm regia pubes:
 Innovat ipse choros prior instauratque Miesco.
 Jam Samios gyrant orbes, priscumque rotundant
 Corduca, Phæacum jam lubrica corpora flexu
 Exercent, volucrisque rotant se vortice torni:
 Quas fugere petunt iterum, repetuntque puellas:
 Atque fugā in mediâ crepidâ resonante caprizant.
 Viderat hesternas surgens aurora choreas,
 Sic hyemem ignavam, & lentæ fastidia brumæ
 Decipimus, melior redeat quoque lumina somno:


Fessa Boleslaus dederat quoque lumina somno:
 Ecce soporato nigræ ad connubia noctis
 Sacra Stanislai thalamo coram adstitit umbra:
 Nubila frons, & lœta parùm: non auræ velat
 Mitra caput, lœvam lituus neque gemmeus implet;
 Sed ferrum crudele manu premit, impia collo
 Vulnera quod dederat, cædis monumenta nefandæ.
 Tetrica talis adest, Regemque affatur imago:
 Ergò Boleslaum recreant spectacula Circi?
 Sic scelerum securus agit quasi dormiat æther?
 Herculeos inter calices, crateras & inter
 Abluit ille scelus? nihil ira minantis olympi,
 Tartareique nihil, nisi fabula vana caminit?
 Ergò gravem, saturumque epulis, plumisque sepultum
 Cras alij excipient Mimi, rhedæque volucres?

Flecti-

Flectitur & citharis, & fit placabile cœlum.
 Heu fuge, si quis adhuc superat tibi Numinis horror
 Et metus! heu ferient, ferient te fulmina sontem!
 Quid justo Procerum caput eripuisse furori
 Hoc juvat, in poenas si poscunt astra nocentem?
 Illa movenda tibi, faveant si forte gementi,
 Desuper & scelerum noxas, irasque remittant.
 Iceler, hæc summa est, Regnoque incognitus effer
 Furtivum sine teste pedem. Fors mœnia Romæ
 Portus erunt, & meta fugæ: fors angulus alter
 Mutantem exilia, & patrio procul orbe vagantem,
 Excipiet. Romæ te primùm ad mœnia defer:
 Numina si jubeat contrâ, mediaque morari
 Te voluere viâ, pare, & mandata capesse.
 Quidquid erit, patere imperium, neque corrigere cœlum.
 Ductor ego, atque comes. Subjecit sine loquendi
 Mollia, spemque ratam veniæ: dumque insuper ortis
 Perfusum lacrymis Regem, gemitusque crientem
 Conspicit Antistes, ceu gnatum amplexus, & ulnas
 Fortiter innectens, flenti quoque basia figens:
 Audi me Fili! tandem audi recta monentem!
 Posce tuis veniam factis, cœloque remitte
 Cætera, & hanc exul, si qua est super, exige vitam.
 Dixit, & in vacuas cum somno vanuit auras.

Incipit, interea obscurum luceescere cœlum,
 Atque in cœruleum præceps ruere Oceanum nox:
 Mem.

Membra Boleslaus thalamo levat, hæret imago
 Præsulis, & vultum, & geslus, & verba loquentis
 Percipit: ex speculis veluti simulacra resultant,
 Ac vocis veluti impactæ responsat imago
 Rupe cava, & functi ex scopulo redit umbra sonoris:
 Talis adest Præsul, laterique hærere loquique
 Verbaque, quæ prompsit, verbis firmare videtur:
 Quo se cunque dolens Rex vertat, adesse, minari
 Cernitur, interdumque aspergere blanda severis,
 Solarique ægrum: Maturus ut exeat aulâ,
 Mox iterum hortari, precibus neque Regis amici
 Cedere, nec gnati lacrymis velit; atque monentis
 Audiat imperium cœli, & quæ jussa, facessat.



P

De

DE
BOLES LAO II.
 REGE POLONIAE,
 LIBER V.
 ARGUMENTVM.

*Fugiens ex Hungaria Boleslaus defertur
 ad Monasterium Ossiacense, ubi pœ-
 nitens pedem figit. Miesco filius de-
 sperato Patris reditu, ac Regni spe
 depositâ Astronomiæ privatus vacat.
 Copernicus Præceptor Sphærā ar-
 millarem, & mixta quædam imper-
 fecta Aristotelis interpretatur in fa-
 vorem Miesconis.*

HIs Rex accensus monitis, jam certus abire
 Maturumque efferre pedem, quæ corde latebat,
 Oc-

Occultat verbis, simulatque alia omnia prudens
 Absconditque fugam. Tum verba novissima fatur
 Et gnatum alloquitur, neque verba novissima gnatus
 Ista putat, motus aut pectore concipit ullos.
 Gnate, ego præsignis nuper vestigia cervi
 Prendi vicinis in saltibus; hic ubi torrens
 Exesâ se rupe rotat, dum nubifer Auster
 Obscuro immaduit cœlo. Montem ille reliquit,
 Præcipitique fugâ, juvenum clamoribus actus,
 Transmisit campos: stabulum nunc figit in imâ
 Valle, carverso tutus lare, tutus & umbrâ.
 Vidi ego signa pedum, neque me vestigia fallunt.
 Cras ubi puniceis Aurora regressa rosetis
 Nocturnum terget pubenti ex gramine rorem,
 Matutinus ego, solusque (hæc gloria dextram
 Sola manet nostram) virides tentabo recessus:
 Sed neque solus ero, famuli mihi Pamphagus, acer
 Naribus, & Corylax: maneant clamosa, latrentque
 Cætera turbâ domi. Quamquam quid blandior ista
 Voce mihi, maneantque domi, latrentque molossi
 Dico, quasi patrijs pridem de finibus acto
 Sit sua certa domus? Suspirans ista gemensque
 Dixit, & adjecit: Quoties confecta dolore
 Atque habetata malis me mens male conscientia mordet,
 Et redeunt curæ, miseri solatia casus
 Venatu capio, silva est medicina dolorum,

Silva levat mentem, functamque relusciat umbris.
 Ista sepulchrali jam pridem frigore membra
 Gnate soluta forent, funusque, cinisque jacerem,
 Exanimis, si non studijs vigilare Dianæ,
 Poscere nec canibus nemus, & juga celsa liceret;
 Hanc tibi, quæ superat, venatrix Delia vitam
 Debeo, fata mea in ventos tua cornua difflant.
 Diffarentque utinam semper! neque mentis acerbæ
 Triste rediret onus, dum cantant æra recessu!
 His dictis iterum tristis suspirat, & addit:
 Sit miseras aliquid venatu abspergere curas
 Solarique animum: sed non est pectoris ista
 Constans, atque tenax requies. Medicina dolorum,
 Si fatear, neque me pudor avocet, unica Roma est!
 Omnibus hæc potior silvis, mihi crede Miesco.
 Hic veniam scelerum Sacrorum ab Rege reposcam,
 Ibis gnate comes: tenebris nox apta favebit.
 At scelus infandum mediâ qui luce peregi
 Cur iter abscondo tenebris? qui crimina cædis
 Publica me doluisse palam vetat, atque fateri?
 Hæc ubi disseruit, suspirat, & insuper addit:
 Quidquid erit tandem, dum tempus, & hora favebunt,
 Roma adeunda mihi est. Forsan comes ire Miesco
 Chare potes: solum mē forsan Roma videbit
 Te sine; quid plagis? placeat tibi gnate morari
 Dum redeo, agnatae tectis Regalibus aulæ.

Plura

Plura locuturo tristes per lumina guttæ
 Erumpunt, pectusque dolens Natura paternum
 Pulsat, & effuso gnatus quoque vocibus istis
 Immaduit fletu, ac gemitum dedit ore Miesco.
 Ultima verba metu exanimant, sternuntque parentem.
 Ast Pater, ut dubiæ lux experrecta diei est,
 Solus adit silvam: fidi comitantur euntem
 Pamphagus, & Corylax: fugientis tota supellex,
 Arcus cum pharétra, certæque in lucra sagittæ.
 Nec non & tacitis quædam perarata papyris
 Soli nota sibi, & nulli lustrata, nec unquam
 Vulgata in populum: peregrinâ luce pyropus
 His super accedit, qui Regia robore firmat
 Edicta, & pacem obsignat, bellique tumultum
 Addidit & nummos auri, saccumque nigrantem,
 Quali humeros cingunt, qui poscunt mœnia Romæ,
 Ista Boleslai profugi fuit arcta supellex.

Et vix contigerat viridis proscenia silvæ
 Eximit extemplo chlamidem, tegimenque superbi
 Verticis, & solvit zonam, gladiisque micantis
 Ex ramo suspendit ebur. Defendere veste
 Pamphagus, & Corylax jussi, ad carecta ligantur.
 Ipse autem positis saccum Rex induit armis:
 Pera humeris pendet, nodosaque pertica dextram
 Implet, & obscurâ conchilia veste reluent.
 His ita compositis iter arripit, atque profunda

Silva-

Silvarum secretus adit: tum ex æthere poscens
 Actorum veniam procumbit corpore toto,
 Porrectusque jacens ita anhelo corde precatur:
 Rector Cœlicolūm metuende! arma æthere dextræ
 Qui fera terribili jacularis, & impete terras
 Succutis, infernique moves nigra stagna profundi:
 Da veniam, & tecum (metus, heu! mea congelat ossa!)
 Da mihi pauca loqui. Tu, qui scelerata retundis
 Consilia, oppressosque levas, dextraque potenti
 Erigis, & premis audaces, solioque superbos
 Dejicis: exemplo placuit, tibi maxime Rector,
 Hoc firmare meo: Fateor tua Numina læsi,
 Fas omne abrudi, neque me jam dignor honore
 Aurea quæ vigilant cœli arcubus astra tueri,
 Aut meminisse tui. Si spes opis ulla superstes,
 Heu! dubito, trepidoque metu, & sudoribus angor!
 Si venia in cœlo est super ulla, hanc mitte roganti,
 Atque iras Pater, ac odia, & tua tela repone!
 Jessidis poterant quondam tua Numina flecti
 Vocibus, & lachrymis, qui cædi turpia fando
 Furta thori adjunxit: sunt nostra simillima prisca
 Crimina Davidi; quid si tua me quoque Regem
 Tuetur venia, atque favor comitetur ab alto?
 Non minor est hodie, ac fuerit tua dextera quondam.
 En quondam hoc spolio pro te diademate, sceptrum,
 Projicio, & patriis procul erro finibus exul:

Si mo-

Si modo, quam merui, tua sit mansuetior ira,
 Ærumnisque meis olim moveare rogatus!
 Parce DEUS miserere reum, & mea crimina dele!
 Illa gemens consurgit humo, gressumque capessit.
 Nec quicquam exspectant Corylax, & Pamphagus acer:
 Atque ubi desperant Dominum, sua dente resolvunt
 Vincula, & portas (rabies stimulabat edendi)
 Præcipitem celerant gressum, sociosque revulsunt,
 Interea sine teste fugam Rex urget anhelus,
 Linguaque ne prodat fugientem, hærere palato
 Verba sibi simulat, neque fundit ab ore loquelas.
 Altera se reparant Titanidis ora Dianæ
 Ex quo carpit iter, Romam tentatque repostam.

Monasterium Ossiacense in Carinthia.

ET jam Pannoniam post terga reliquerat exul,
 Styriacoque solo profugus consedit, & inde
 Se quoque proripuit: requies & meta laborum
 Exhaustaque viæ fit nostra Carinthia tandem
 Hörtatu Superum. Romanis paruit olim
 Hæc Regio: Sallæ sic rudera prisca loqvuntur,
 Magnæ urbis, cuius nunc undat arista ruinis.
 Hic cryptæ ingentes, & saxea signa Deorum,
 Atque frequens nummus sub Cæsare casus Julio.
 Sæpe Jovem impresso descendit pastor aratro:
 Sæpe dolent cineres, urnæque à vomere fractæ

Effo-

Esto & que gemunt animæ, lucemque perhorrent.
 Absorptam fremitu terræ, vivamque sepultam
 Fama refert urbem: Sunt, bella turentia muris
 Qui finem statuisse, velint. Antiqua premit nox
 Omnia, & obscura latet in rubigine verum.
 Post ubi Romanum luxu populante rubeat
 Imperium, ex patriâ posthac tellure Carinthi
 Rectoresque, Duceſque legunt, moremque sacrandi
 Principis antiquo servant per ſecula ritu.
 Scilicet agrestis; cento, & pastoria pellis
 Cingit membra Ducis, quo cultu moenibus urbis
 Egressum, Procerum globus, undantisque corona
 Incingit populi. Vasto cudentia campo
 Saxa thronum effingunt, nostrumque videtur in ævum:
 Hunc prior incendit vili de plebe colonus
 Affaturque Ducem: Tunc jura antiqua queri,
 Et forti patriæ fines defendere dextrâ
 Præmia virtuti, meritis cumulare favores,
 Et multare reos? Princeps his vertice prono
 Annuit. At pastor: ne fors tibi mente remissâ
 Excidat o! Princeps, veniantque oblivia tanti
 Muneris, hanc alapam cape, dicit, & ora Regentis
 Pervolat audaci dextrâ. Post ista Tribunal
 Deserit, atque Ducem lapidiosâ in sede reponit.
 Tum novus his actis spoliatur paupere cultu,
 Ostroque ardentí Princeps amicitur, & auro,

Atque

Atque ducale capit colaphi pro verbere sceptrum.
Gratantur Proceres, redeuntque ad moenia lati
Cum Duce: fit plausus populi, cœlumque remugit.

Ex nunc Austriaci terras rexere Carinthus
Archiduces, Divum genus: Hos Maltaschia bello
Pellere nisi fuit, defuncti jure Parentis,
Unica cuius erat soboles, patrimonia ferro,
Et flammâ mulier quasi claim sibi rapta reposcens.
Ipsa puellari lateri circumdedit ensem,
Et caput abscondit galeâ male fortis Amazon,
Oreque terribilis diducto, abrupta Tirolis
Per juga Bellonam Carnorum duxit in oras.
Milite jamque suo plures invaserat arces,
Oppidaque incendit Bellatrix mascula flammis.
Unica fæmineos arx Osteruvizia fastus
Contudit, hæc nullis erat expugnabilis armis.
Ergo famis duræ rupem obsidione coronat,
Sic rata cessuram: sed cedere nescia rupes
Arte famem eludit, Taurus maestandus in escam
Unicus obfessis superest: stridente securi
Nunc feriunt, sternuntque solo; tum corpora tauri
Subjiciunt cultris, spoliantque cadavera pelle,
Et ferubus figunt costas, solatia ventris
Ultima, mox pellem consulam messibus implent
Triticis: Arcis de vertice missa per auras
Præda volat; reseruant hostes Cerealia dona,

Q

Ter.

Tergaque cruda vident. Frustrà tentavimus Arcem,
 Nec premit obfessor, dixit Maltaſchia, cives
 Dira fames: Cedamus abhinc, fors tempore ceder
 Arx alio, clavesque mihi, portasque recludet.
 His repetit dictis mulier decepta Tirolim.
 Exuviæ tauri memori servantur in arce,
 Vidi ego quæ memoro. Sed nunc ad cœpta feramur.

Montibus ex altis istâ regione frequentes
 Rivorum vitreæ serpunt per prata querelæ:
 Post ubi nulla patet fuga, lubrica stagnat aquarum,
 Congeries, placidi simulatq[ue] silentia ponti.
 Tres habet insignes piscoſi gurgitis undâ
 Terra Carintha lacus: medium tenet, atque natantum,
 Ditior est spolijs, veteris qui moenia radit
 Oſſiaci, Turreſque ſacras, Prædantibus hamis
 Agmina ſquammigeræ ducuntur millia gentis.
 Sic adeo medium ſemper tenuiſſe beatum eſt.
 Decepti ut toties caveant ſibi, retia, nassas,
 Pifcantumque dolos fugiant, fundoque morentur:
 Sed ſua damna petunt avidi, perduantque volentes.
 Argento lucent ſimiles hoc gurgite truttae
 Guttis diſtinctæ croceis: non æquore prædam
 Invenias magno, quæ ſit mage grata palato
 Eſca tuo, vicina licet ſint munera ponti
 Adriaci, non murænas, non oſtrea cures,
 Et capite à grandi qui ducunt nomina, cancros.

Sunt

Sunt, & erunt nostræ Regum bellaria truttæ:
 Hæc ergo Ossiaci Neptunia Regna virescunt,
 Æquoris effigies parvi. Quis struxerit ædes
 Relligione Patrum prisca, quis templa dicarit,
 Musa refer paucis. Jam sœcula dena volutant
 Se Mundo, & super hæc Titan trigesimus annum
 Circinat in menses, quo nostrum exordia sumpsit
 Ossiacum: nomen claustro dedit Ozzius Heros
 Flammanti insignis galeâ, & radiantibus armis.
 Finitimo ille Arcem Tyffenam in monte tenebat,
 Statque aliquid, nec adhuc consumpsit rudera tempus
 Omnia, murorum vestigia prisca supersunt.
 Ozzius hic fidei, ac sinceri luminis expers
 Impia thuricremis placavit Numinis flammis;
 At gnatum, ut celebres Europæ cerneret urbes
 Romæque antiquæ fastum, dimisit ab arce.
 Egressus patriâ juvenis, peregrinaque lustrans
 Littora Christiadum divino fonte lavatur.
 Fœdera conjugij spernit, votoque pudorem
 Alligat æternum: viduata Aquilea mitram
 Imponit juveni, sponsique procatur amores.
 Exemplo gnati gemini quoque sacra parentes
 Christiadum amplexi cultum posuere Deorum.
 Cumque Jovi, & Marti fumarent thura Carinthi,
 Marmoreos colerentque Deos, hâc primitùs arce
 Illuxit cœlestè jubar, Christusque refulsit.

Exin Aniciadis Benedicti diva propago
 In sedes adlecta novas, caligine Ditis
 Funditus abstersa cœlesti flumine lustrat,
 Expiat & Patriam, nocturnaque signa Deorum
 Aequat humo, Christoque facit nova surgere Templum
 Ozzius ipse memor tibi casta Puerpera Virgo
 Claustra dicant, sobolemque sacram sibi prolis adoptat
 Nomine: quin ædes nobis quas struxerat olim,
 Mortuus ipse colit, plus & quam mille per annos
 In templi medio gelido sub marmore somnos
 Cum consorte capit. Sunt hæc cunabula prisci
 Ossiaci. Regem nunc excipe Musa Polonum.

*Boleslaus ex adversa ripâ stagni navigat ad
 Monasterium Ossiacense.*

Mons dexter trans stagna lacus alit ubere gleba
 Mille greges, calido, quia vultum flectit ad Austros:
 At qui læva tenet, soli conversus iniquo,
 Ille minus colitur, tenebrosæ in littora silvæ
 Undique dependent, & præmaturus obit sol.
 Hac ergo ex ripâ sancti antiquissima Claustri
 Septa, pijque lares per sæcula dena coluntur.
 Nulla viatores huc regia semita ducit:
 Tempora si brumæ, glacialibus aspera Coris
 Excipias, tunc plaustra gemunt in marmore duro
 Et pictæ volitant stupefacta per æquora rhedæ.

Mox

Mox ubi sol rigida Neptunum compede solvit
 Hybernum cessitque gelu, tunc altera rursum
 Semita trans stagnum teritur. Via certa salutis
 Ista Boleslao fuerat, dum limina Romæ
 Mente agitat secum. Regno, patriaque carentem,
 Hæc furtunatas via regia duxit ad oras.
 Macte Boleslæ! ignotis his sedibus hære:
 Surge animis, jam portus adest, & meta salutis;
 Errantem jam fige pedem, sint mœnia Claustri
 Altera Roma tibi, sint littus & ara salutis.
 Regia vera via est, quæ Reges ducit ad astra.

Et jam post montes sol lumina clausit, anhelas
 Extinxitque rotas, parvi trans marmora ponti.
 Templa Boleslaus videt, ac sibi corda peruri
 Igne sacro sentit: quantum crescentibus umbris
 Deficit ipsa dies, tantum mage cura videndi
 Ossiaci exacuit Regem. Lux omnis Olympi
 Eripitur tandem ex oculis, & sidera lucent.
 Lumine prosequitur tamen & rimatur, in umbris
 Seque videre putat, quod amat. Per littora currit
 Si remo quis claustra petat jam nocte profundâ?
 Nemo petit claustrum. Vicina mapalia nautæ
 Stramine tecta subit, neque fundit ab ore loquelas,
 Nutibus ast loquitur tantum, digitisque perorat.
 Villica fors parvis vigilans absente marito
 Pulmentum coxit Cereali ex munere natis,

Laetæ

Lacte cibum niveo, cocto spargensque butyro.
 Est Cereris genus hac patriâ, quod rite secundam
 Dicere tu possis Cererem; nam messe peractâ
 Mox iterum curvo tauri junguntur aratro;
 Arvaque sulcantur: sulcato spargitur arvo
 Altera lœta Ceres, quæ nullas tollit aristas,
 Sed gracilis quasi repit humi, tamen undique ramos
 Explicat exiles, roseoque cacumine floret.
 Parvula tu virgulta putes nascentia vulgo.
 Tempore sed lapsô, coeli, solisque favore
 (Autumni imprimis si non nocuere pruinæ)
 Induitur grano, & Cerealia lina ministrat
 Ista seges, saxoque molæ contrita strepentis
 Pinsitur in panem, suntque hoc polline pultes
 Agrestiumque dapes variæ: Sartagine tostam
 Nam Cererem excipiunt, cocto sparguntque butyro
 Affunduntque nives lactis. Sit rustica quamvis
 Ista dapum species, sapuit tamen, atque subinde
 Gaudet se stomacho quoque nobiliore locari.
 Tanta soli patrij, & biferæ clementia glebæ est.
 Villicai ut ante fores jam pridem ad scamna sedentem
 Observat Regem, blandis mox provocat illum
 Nutibus: Accede, & nobisum divide cœnam
 Quisquis es, hoc etiam sub noctem in stramine dormi,
 Quando ita poscis, ait, tum sese ad pignora vertit:
 Discite pauperibus cœnâ succurrere gnati,

Atque

Atque Lare. Hoc mater, pater hoc me s^epe monebant,
 Ludebam c^{um} parva domi. Gratissimus æther
 Omnia sorte dupl^a, & geminato fœnore reddit.
 Sit nobis angusta domus, sit curta supellex,
 Ostia dum pateant miseris, ut cætera desint,
 Hoc satis est. Nulli domus hæc obnoxia culpæ
 Dum fuerit, sanctusque pudor pernoctet in illâ,
 Plus satis est. Aurum da nobis astra negârint,
 Non tamen esse pios. Quid si pro paupere cœnâ
 Egelidique haustu laticis cœnacula sternant
 Regia, Nectareosque lacus dent Numinâ quondam?
 Isthac spe niti Divinâ voce jubemur.
 Dixit, & invitans Regem: cape ruris, Amice,
 Munera, sustenta vires, longeque profectos
 Instaura, vir chare, pedes: nisi muta sileret
 Lingua, viæ causas nobis narrare juberem,
 Erroresque referre tuos. Intelligo quantū;
 Vestibus his Petri te limina poscere prodis.
 Vade, DEUM pro te, pro meque precare rogatus!
 Ora licet sint muta, preces tamen audiet æther.
 Nunc ede, post riguæ da laugvida membra quieti.

Contigit ore cibos, viresque refecit agresti
 Rex epulo, atque ubi tota domus sopita quievit,
 Ipse etiam paleis, & stramine membra reponit.
 Comoda tum recolens, & simplicis otia vitæ:
 O solos, inquit secum, vereque beatos

Agri-

Agricolæ! O quām parvo solatia constant
 Maxima? quām nullo sunt illita gaudia fuco?
 Integritas, niveusque pudor, neque fallere docta
 Simplicitas, lucri studium sine fraude merendi,
 Quin & larga manus, licet absit copia rerum,
 Hic posuere Larem. Toto contraria cœlo
 Aulica quām vita est? tuguri mage pauperis hospes
 Esse velim, & gracilis dormire in vimine junci,
 Quām mihi lecticas, & regia strata parari.
 Auro tecta rīgent, gemmisque triclinia Regum,
 Sed simul & turgent vitijs. Sceleratus habendi
 Imperat, ac mores sinceros inquinat ardor.
 Ambitio bullis inflata crepantibus orbes
 Spe vorat inſanâ, neque Regnum ſufficit unum:
 Vi, ferro, flammâ terræ poſcuntur & undæ,
 Juraque bellorum, & cauſæ neqtuntur inaneſ.
 Ruri habitat tranquilla quies, ſecura tumultūs,
 Divitijs contenta ſuis: non clāffica miles
 Intonat, & rauco crepuerunt cornua cantu.
 Quisque ſuum tauris patrium proſcindit agellum;
 Rumpitur invidiâ nemo, neque tenderet fines,
 Aut vicina placet ſibi ſubdere jugera bello.
 Pax, & sancta fides habitant ſub paupere tecto.
 Quodque ego mirari non defino, sobria menſa
 Sit licet, invitant tamen, ac ad prandia cogunt.
 Arcemus portis inopes, aditumque negamus:

Ad ſuā

Ad sua tecta vocant isti gaudentque malorum
 Effigiem in miseric propriaque, suamque tueri.
 Redde pijs DEUS, & cœlo benefacta repende!

Talia commemorans dulci lassata sopore
 Lumina concludit, cœpitque in stamine duro
 Mollior esse quies, quam quæ regalibus aulis
 Olim inter eitharas, vocumque sonora duella
 Invitata fuit. Cygnæo vellere fessis
 Haud opus, excipiunt strato quoquaque quietem.
 Ecce autem seræ sub nigra silentia noctis
 Umbra Stanislai cœlo delabitur alto,
 Non obscura tamen, vultum neque tristis ut olim,
 Sed faciem conspersa rosis, ridensque, favensque,
 Rex ubi Pontificem coram sibi sentit adesse,
 Excutitur somno, gelidus pavor ossa pererrat,
 Hirta tremore coma est, & adhæret lingva palato,
 Ast trepidum dictis Præsul compellat amicis:
 Parce metu varijs regionum erroribus acte
 Exilijque tui, Fili charissime, finem
 Hunc specta: externo non ut prius orbe vagaris,
 Littora nec peregrina premis; favet hospita tellus
 Ista tibi, & natale solum est: His sedibus hære,
 Ossiacum sic Roma tibi. Sic maximus æther
 Imperat: Interpres mandati nubibus adsum.
 Nunc age, quid cœlum tecum velit insuper, audi:
Quæ trans stagna lacūs hesterno vespere Templa

R

Pro-

Proxima vidisti, roseæ ad Pallantidis ortum
 Rex maturus adi, & Matri dic ore salutem
 Parthenix, cuius delubra dicantur honori.
 Nec pete sollicitus quis te per cærula vectet:
 Invenies cymbam, stantemque in littore nautam.
 Postquam contigeris formosæ Virginis ædem,
 Tum veniam exora scelerum, votisque fatiga,
 Si miserata reum, & sua jam delicta fatentem
 Lumine dignetur, si te velit esse suorum
 De grege: nec dubita, donabere Virginis almo
 Lumine, teque reum voti volet illa suorum
 In numero. Duplica mox votum, & concipe tecum:
 Hæc, quæ pauca tibi superabunt tempora vitæ
 Illius obsequijs jura te addicere claustrum,
 Vivereque ignotus pauperque his sedibus opta.
 Desere tum sanctos post edita vota penates,
 Et fora per claustrum gressum circumfer ubique
 Mutus, & elinguis: dextris quin gestibus aude
 Exorare stipem: sed jam non desere Claustrum.
 Illius in medio cernes de marmore fontem,
 Venam jugis aquæ nemorosi ex vertice Tauri
 Bis centum duxere tubi, bibulique canales,
 Quos modo jam labor est senio reparare cavatos.
 Tu gnava conjunge operam, nec parce labori,
 Ceu pretio conducta foret tibi dextra, placebit
 Obsequiosa manus, rebusque intenta gerendis;

Quo

Quo gladios olim, nunc sarcula stringe lacerto.
 Sedulitate proba te cunctis, nutibus ipsum
 Hoc etiam eloquere, manibus da signa, miserti
 Ignotum Monachi excipient, opibusque juvabunt.
 Namque memor Benedictus erit, quæ templo Mogilnæ
 Struxeris in Regno, & recolet, gratesque rependet.
 Quin & clam gnatosque suos sociosque monebit
 Festini referent portas, gremioque, sinuque
 Excipient nulli quamvis sis cognitus hospes.
 Deplorata salus fuerat tua: Numinis iras
 Placavit mecum precibus Benedictus: Olympo
 Ille alto lapsus te Rex solabitur ægrum.
 Jamque vale, & primâ, quæ dixi, luce facesse!

Vanuit his Præful dictis. Sub luminis ortum
 Limina Rex tuguri linquit, parvosque Penates.
 Invenit & cymbam, stantemque in littore nautam;
 Complaudensque manus geminas, signisque perorans
 Vectari trans stagna rogat. Frenare nigrantes
 Jam discit remo fluctus, qui splendida nuper
 Sceptra manu tenuit, Reges domuitque superbos.
 Ille Triumphator, terræ metus ille marisque
 Cœrula terga secat, factus de Principe remex.
 Macte Boleslæ! Oceani per tergora parvi
 Hâc Argô volita: Sic itur ad astra per undas.

Oratio Boleslai ad B. V. MARIAM.

Contigerat, quā cursus erat, Rex denique portum
 Exscenditque rate; in bibulā fundatur arenā
 Trabs cava. Templa petit quā primūm incognitus hospes,
 Virgineam salvere jubet, fususque per aram
 Fervidus exorat mille inter vota Parentem;
 Erumpit lacrymans: O nullā æquanda Virago
 Laude satis, sacrā quæ quondam fertilis aurā
 Numinis afflatu, tactusque ignara virilis
 Nixa DEUM es. Fractis ades ô! spes unica rebus!
 Unica tu Virgo es portus, littusque natantūm
 Perfugiumque reis. Heu! quot jam quassa procellis
 Et jactata votis nutantia vela protervi
 Haussissent fluctus, nisi tu cynosura, Pharusque
 Diva fores: Tu stella sali, tua dextera nunquam
 Äquore in hoc mundi nantes frustrata fefellerit.
 Imploro miser, & tua supplex Numina posco!
 O tu fömineos inter lectissima coetus
 Partheniosque choros! O quæ tibi forma, decusque!
 Casta pruina tegit frontem, sangvisque rosarum
 Accendit tibi Virgo genas, tu purior ipsis
 Mentibus æthereis, ad te supremus anhelat
 Spiritus iste meus, languetque, & deficit omnis.
 O Domina, ô mea spes, ô anchora sola salutis!
 Aureus ille tuis qui Pusio penderet ab ulnis,

Ah!

Ah! si respiciat flentem, & sua lumina flectat!
 Nutibus ah! puerum invita, potes omnia Mater!
 Sic ait illacrymans, neque spe se pascit inani:
 Namque (fide majus) manifesto lumine Regem
 Verberat, & flentem Virgo conversa tuetur.
 Illius exemplo geminam simul aureus infans
 Intentare aciem, blandosque videtur ocellos
 Torquere in flentem. Rex territus ore gelatur
 Virginis aspectu, trifido quasi tactus ab igni,
 Et migrat in marmor totus, rapiturque sepultis
 Sensibus à semet: rerum, & mundi immemor hæret
 Extincto similis, requierunt murmura venæ,
 Frigore torpescunt oculi, color ora genasque
 Deserit, & surdō luctantia gutture verba
 Obstupuere gelū. Ad superos mens avolat omnis
 Et quid agat posthac, secretis tractat in astris.
 Sedibus æthereis media inter talia Divi
 Excipiunt Regem: Genitor Casimirus, & altis
 Missus heri tenebris, lituo radiante, mitraque
 Conspicuus Præfus, qui cœlo iussa ferebat.
 It comes, & multo gemmarum lumine fulget
 Præfule cum Sancto Senior Benedictus: hic olim
 Antra puer petijt jam plenus Numinis haustu,
 Occiduumque sacris fundavit legibus orbem,
 Infernos domuitque Deos, fregitque profundi
 Sceptra Jovis, rutilamque viam sibi fecit Olympo.

Illum

Illum & Reginæ, Regesque, Ducesque secuti
 Desiliere throno, strepitumque, forumque perosi
 Dulcia privatæ libarunt gaudia vitæ.

O Nemus, ergò aliquid tibi præ Regalibus aulis
 Majus inest, & se doluerunt marmora sperti?

Accedunt alij superâ regione recepti,
 Et Regem erudiunt, quos quondam carcere, ferro
 Sustulit è medio. Jam sit pietatis imago
 Quem prius horrebant immitti fronte Tyrannum.
 Quâ sint irati pacandæ Numinis iræ
 Legē docent, septisque monent persistere claustrī,
 Et fixo durare gradu. Liventia fletu
 Lumina sustollat cœlo, præcordia pugnis
 Tundat, & armatis in se sœvire flagellis,
 Insomnesque velit plorando ducere noctes.
 Talibus aggressi monitis sua crima flentem
 Cœlicolæ mulcent blandis, & mollia duris
 Adjiciunt: revocare animos, ægrumque timorem
 Mittere corde jubent, certæ promissaque firmant
 Spe veniæ: Nulli non exorabile Numen,
 Seria dum, nec sera trahat suspiria corde.
 Lenibus alloquijs Rex pollicitisque revixit,
 Immemor ipse sui totâ qui mente jacebat.
 Jam redit ergò color, redeunt in corpore vires;
 Vivacesque micant oculi: mox duplice voto
 Se stringit, purgatque fidem, claustrique perenne

Jurat

Jurat in obsequium. Sacras tum deserit Ædes,
 Cœnobij lustratque forum, fontique propinquat
 Marmoreo, patiens operum, & perferre labores
 Jam docilis: Simul ac agrestia corripit arma,
 Et solus tellure levat, stringitque lacertis
 Fortibus ingentem riguo de fonte canalem.
 Quamque viri dubitent quatuor, molem unicus aufert
 Mox aliam ille trabem multo conamine limo
 Eruit, atque omni sua brachia stringit opum vi.
 Prorumpunt, falsæque fluunt per tempora guttæ.
 Scitantur famuli, & servorum tempore ab omni
 Desidiosa cohors, patriamque, genusque requirunt
 Atque viæ causas. Stupet ille, orisque loquela
 Dissimulat, quin & spectacula mimica prodit:
 Et manibus videoas dextris, pedibusque loquentem.
 Mox aliquis: Romana petit si limina, lingvis
 Iste perorabit centum, plateasque per urbis
 Mugiet, & digitis causas orabit, hiantis
 Gloria prima fori. Si tantum gutture posset,
 Alter ait, gemini quantum valuere lacerti,
 Dicere vix dubitem Ciceronem hac veste latere
 Abscondique nigro facundum Rhetora sacco.
 Mox alias: Claustræ vix iste silentia rumpet,
 Sed neque vivet iners; humeris nam pondera tollet
 Herculeis, & ligna feret, lancesque lavabit,
 Purgabit scalas, horto mala germina vellet,

Et

Et lolium infelix Media inter talia claustrī
 Antistes Senior, sero jam frigidus ævo
 Improvisus adest. Huic olim ex æthere sphæras,
 Quas neque crystallum, vitrum neque dicere possis,
 Tres misit Regina poli. Res acta referri
 Orbe quidem toto, & memorari in sæcula digna est:
 Hic sacer Antistes Wernerī nomina gessit.
 Claustrī sæpe fores capitī langvoribus ægri
 Pullabant precibus, nec erat medicina levandis
 Febribus ulla satis. Præsul Genitricis ad Aram
 Partheniæ accedit, Nabathæi nubila thuris
 Fumat, & ô Mater! squalentia corpora morbis
 Fuſa vides circum, neque prosunt philtra medentum:
 Te medicam imploro, morborum extingvere pestes
 Mille potes, nullus pepulit quas arte Machaon.
 Post hæc vota globi (diētu mirabile!) terni
 Æthere delapsi media cernuntur in ara.
 Materies illis concretæ concolor undæ,
 Purior & vitro, & crystallo purior omni.
 Lucida nunc quoties ægris auferre colorem
 Intentat macies, toties ad munera Divæ
 Accelerant Matris, tanguntque salubribus artus,
 Et sua membra globis. Virtus impressa fatetur
 Præsentem Medicam: pestem domat illa, luemque;
 Vitalisque redit venis fugientibus aura.
 At pius Antistes peregrinâ veste latentem

Dum

Dum pridem observat nunquam quem viderat ante
 Diligit, & tacito sentit sibi corda moveri
 Affectu in Regem: Non te dimittere claustrō
 Est animus, licet ipse velis, placet apta labori
 Dextera: sunt ventres servi, quos educo, pigri
 Nec sudant, nisi quando vorant. Tu quisquis es hospes
 Ædibus his habita nostris. En angulus horto
 Finitimus (simul ac digito contermina monstrat
 Tecta casæ exiguae) si cœlum Aquilonibus atris
 Ingruat, haud dubita, melius te limen habebit.
 Nunc parvo succede Lari. Rex Præsulis almi
 Volvitur ante pedes, lacrymis gratesque rependit.

Miesco filius Boleslai amissum plorat Patrem,
O primis Astronomia elementis ani-
mum solatur.

Postquam Pannoniæ fines, & regia linquit
 Tecta Boleslaus, deceptum errore viarum
 Fama volat cessisse feris in pabula Regem.
 Ast alij in proprium dentes acuisse molossos,
 Morsibus, & rabidis Dominum laniasse ferebant.
 Hem novus Actæon, avidis hem præda molossis!
 Sunt etiam (audacis tanta est fiducia lingvæ)
 Qui ferro, dextraque suâ cecidisse recensent.
Quis tenero sensus cùm percipit ista Miesco?

S

Cum

Concidit ergò Parens? proprioque miserrimus ense
 Concidit? O solà vulnus medicabile morte!
 Ergo superstes ego, quoties mihi fata recurrunt
 Qui moriar, siamque Patris de funere funus?
 Cur mihi, cur Genitor non ferrum in pectus adegit,
 Et prior hanc animam pallentes misit ad umbras?
 Mœsta dies totos functi Genitoris imago
 Occursat, longæque extendit tædia noctis.
 Num tamen his demens rumoribus omnia credo?
 Decipit, ac vanis veluti sub nocte figuris
 Morpheus illudit, sic omnis pèjor eundo
 Fit Fama, & falsis onerat terroribus aures.
 Talia Rex Genitor nunquam mihi verba locutus,
 Dira infanda nimis; male faustam abrumpere lucem,
 Ceu ferro velis, & veniam desperet Olympi:
 Quin memini occultos gemitus misisse dolentem,
 Atque ubi solus erat lacrymas fudisse calentes.
 Temporis heu quoties spatum furatus amicis
 Obscurus latuit, dixitque precantia verba?
 O quoties velut in somnis oblata videret
 Se petere ingentis narrabat mœnia Romæ,
 Amplecti geminasque Petri, quas nescio claves,
 Hoc lacrymas inter mihi commemorare solebat;
 Jam sibi purpureos Regi fore dixit amictus
 Et Procerum pompam, peteret si tecta Quirini:
 Nudus opum, agresti contectus membra lacernâ

Jam

Jam sine me gressum simulabat tollere furtim;
 Meque jubet salvere dolens, dudumque valere.
 His fuit implexis verborum ambagibus usus,
 Nec patuere doli, nam multa locutus aperte,
 Dictaque mox nebulis iterum circumdedit atris.
 Hei mihi! tam præsens ceu nunc mens ista fuisset,
 Hæsissemque comes lateri, non regia tecta
 Me sine deseruisset enim, non ille profundis
 Vallibus erraret, silvisque, & montibus exul.
 O Pater! o fixum semper mihi pectori vnuus.

Ista gemens secum plorabat sæpe Miesco,
 Non epulæ, festique chori, citharæque sonoræ
 Oblectant acri juvenem mœrore jacentem.
 Regali Astrologus tunc vixerat hospes in aula
 Ætheris interpres magni: nam cæde peracta
 Duxerat hunc secum profugus, natique Magistrum
 Esse Boleslaus voluit: neque sidera tantum
 Maximus ingenio perseverat iste Magister:
 At simul & Leges Regnum, & jura Regentum
 Multus in Historiâ lustravit mente capaci:
 Atque domi erudit te primum parve Miesco.
 Astrologus patriâ de gente Copernicuſ haufit
 Nomen, & ex illo post lapsa Copernicus alter
 Sæcula prognatus veteris systemata mundi
 Doctior invertit, docuitque quiescere solem
 In centro, terramque pigram per signa moveri.

Ista mathematicis non expugnabilis armis,
 Et nova non paucis sententia floret Athenis.
 Regius Astrologum scitatur s^ep^e Miesco
 Sicubi deliteat Genitor, quo terra recessu
 Abscondat profugum, Senior si discat ab astris?
 Regnorum clades, & Regum funera, dixit,
 Proditis Astrologi, quin & quæ silva latebram
 Præbeat extorri possis mihi dicere Regi.
 Verte Senex, ô! verte tuam doctissime Sphærām,
 Vertere nec cessa, dum quæ sint regia fata
 Ediscas, referesque tuo præceptor Alumno.
 Vivat adhuc Genitor meus, an jam cesserit umbris?
 Ista quidem juvenis: redditque Copernicus illi:
 Falleris & nimium, & te decipis ipse Miesco,
 Certior ex stellis, & vano themate cœli
 Fata Patris si nosse velis. Vanissimus augur
 Ista foro in medio forsan tibi dicere possit,
 Non ego: Mendacis sunt hæc diliria vulgi.
 Vivit, & hac lucis mortali vescitur aurā
 Ille tuus Genitor, vivax idea Miesco
 Si Patriæ virtutis eris: si sceptra, thronumque
 Conscendes, Regisque premes vestigia tanti.
 Omnia, magnanimus Genitor quæ fortia gessit,
 Filius ac hæres se quondam imitabere solers.
 Ista quidem Astrologus: respondit regius hæres:
 Ast mihi deserto Regni spes excidit omnis,

Nam

Nam Patruus jam sceptra tenet meus, atque Polonis
 Imperat. Hanc fixum est privato ducere vitam
 Curarum vacuam. Spes, & Fortuna valete!
 Vel certe hanc tristem Fortunam corrige tempus!
 Vita mihi eligitur cœlestibus hospita curis
 Sideribusque affixa Poli: sic tædia fallam,
 Solaborque graves Patrio de funere luctus.
 Illius ô quamvis nunquam miserabile fatum
 Excidet, aut Genitor labetur pectore totus.
 Jam me Tyronem super astra, Copernice, duces
 Errantésque Deos septem monstrabis aperto
 Æthere fraterno cur palleat igne Selene,
 Stigmata cur maculasque gerat? cur Arcades Ursæ
 Vicinæque faces nolint se tingere ponto?
 Mox etiam ardantis, rapidæque incendia flammæ.
 Æquoreumque gelu, motumque agitabilis auræ,
 Atque pigræ in centro mihi dices otia terræ.
 Denique quod superest, his me solabere tristem
 Ex nunc privatæ lectantem commoda vitæ.

Dixerat hæc juvenis. Panchæi solis ad ortum
 Musei Astrologus magni penetralia pandit:
 Hic grandes terræque globi, Cœlique profundi,
 Orbibus innexi, & faciles volvi atque revolvi.
 Terrarum inscripti tractus, Europæ, Asiarumque,
 Et Lybiæ: sed quarta deest pars infera mundi,
 Cognita quæ nostris est nuper America nautis.

Sphæ.

Sphæra meris constans ex orbibus insuper illic
 Conspicienda fuit: medios percurrerat orbes
 Pertica subtilis, mundi quæ dicitur axis.
 In centro globulus, qui terræ immane rotundum
 Exhibit: at sphæram quæ pertica transit utrinque
 Illa Polos monstrat geminos: Antarcticus infra,
 Arcticus est supra: glaciali nomen ab Arcto
 Sumpsit uterque Polus, quos circum signifer æther
 Inter bis denas, & quatuor ambulat horas,
 Atque diem cursu, noctemque absolvit opacam.
 Nam velut in plaustro circum rota volvitur axim,
 Sic quoque stellarum per eos se circinat agmen.

Mox hujus conflant textum admirabile sphæræ
 Äquator, Tropicusque Capri, Cancrique minacis:
 Illos Zodiacus tandem curvamine stringit
 Obliquo varijs pictus post terga figuris.
 Accedunt alij, Graja quos voce Coluros
 Dicimus: Hi quatuor dant puncta volubilis anni,
 Atque docent, mundo quo primum tempore currant
 Ver, Ästas, Autumnus, Hyems. Hæc machina Sphæræ est.
 Prima tuæ sint hæc elementa, Copernicus inquit,
 Artis Sidereæ: jam mentem adverte Miesco:
 Sese inter nexos, insertosque orbibus orbes
 Et globulum in medio, quasi pendeat ære liber;
 Exiguum spectas, globulus tibi denotat iste
 Telluris sphæram ingentem, molemque stupendam:
 Pertic-

Pertica quæ mediæ dispescit corpora sphæræ,
 Immotus mundi vertex, axisque vocatur.
 Nam circa hunc axem stellarum exercitus omnis
 Vertitur, & rapti describit tempora motū.
 Sunt septem Errones Saturnus, Jupiter, Hermes,
 Sol, Mars, Luna, Venus. (Graij dixere planetas)
 Hi præter rapti celerata volumina motū
 Cursibus exercent proprijs per inania se se
 In latus, atque sua jam statione propinquī;
 Jam procul à nostrā Coeli regione vagantur.
 Sic tamen errantes gnava compescimus arte:
 Metimur spatiū ex umbris, quo quisque recedit,
 Atque ubi jam re legit gressum, cessatque vagari,
 Hic radio in sphærā curvum describimus arcum,
 Et mox Versorem hunc arcum, Tropicumque vocamus.
 Nemo Planetarum Tropicos proficiscitur ultra:
 Herculis extremas hos dixeris esse columnas,
 Postquam orbē exhausit monstris, monumenta triumphi
 Gadibus & posuit, bis sex subiqtque labores.
 Jamque Miesco vides Tropicus quid præstet uterque
 In sphærā: ex septem nam quantum quisque planetis
 Deviet, erroris poteris deprendere metam.
 Nos armillari in sphærā quos ponimus orbes,
 Terrestris quoque sphæra tenet, nam corpora terræ
 Cum fluijs quoties, pelagique virentibus undis
 Pingimus in mappa, toties hos addimus arcus.

Sic

Sic geminique Poli, Tropicique, parisque diei
 Arbiter Äquator sphærâ cernuntur in omni:
 Parvaque respondent magnis, ingentia summis.
 Quin humili in terrâ Phœbeæ effingere cursum
 Lampadis, & motum per bis sex signa licebit.
 Accipe non magnam, lævemque Miesco tabellam,
 Et super hanc orbem radio describe rotundum,
 Quem scinde in partes vinginti, & quatuor æquas:
 Orbis tum centro divisi gnomona rectum
 Fige memor, planamque leva, cœloque tabellam.
 Erige, quot gradibus sub quo tunc exigis ævum
 Se levat Äquator, Phœboque expone tabellam.
 Ecce tibi gnomon projectâ ferreus umbrâ
 Sinceram ostendet, cœlo quæ labitur horam.
 Quippe Äquatorem, per quem sol currit anhelus,
 In tabulâ effigiat pictus tibi circulus istâ:
 Ferreus ast gnomon rectam qui projicit umbram,
 Axis obit munus, circa quem volvitur æther.

Nunc te (sed verbis liceat rudioribus uti
 Atque aliquid veteris metro tentare Lucreti)
 Omnibus ex muris, declinent quomodocunque,
 Seu Boream spectent, atris seu nubibus Austrum
 Hora sit in Cœlo quota noscere posse docebo:
 Firmiter in muro figatur ferreus index.
 Nulla tibi lex sit, vel regula quomodo figas.
 Post ubi sol radijs murum perstringit, habeto

Ante

Ante manus quodcunque aliud, quod tunc tibi dicat
 Horam germanam solis doctum instrumentum:
 Annulus esse potest, vel mobilis axe Cylinder,
 Sive Quadrans, aliudve. Horam si quando docebit
 Hoc Instrumentum, dictum mox inspice murum:
 Hora sit exemplo tunc sexta, ubi desinet umbra
 Gnomonis in muro, fac punctum, & scribe fluentis
 Sub puncto numerum sextæ, sic septima puncto,
 Sic octava tibi & nona notabitur hora,
 Et reliquæ. Lapsum post mensem sole micante
 Rursus adi murum solers, & disce fluentem
 Ex instrumento, veluti tibi diximus, horam.
 Sexta sit exemplo rursum tunc hora, supremam
 Mox umbram in muro quam projicit æreus index,
 Puncto aliquo signa, nam alibi tunc desinet umbra,
 Atque horæ numerum subscrives denuò sextæ;
 Septima sic, octava, & nona notabitur hora,
 Et reliquæ. Numero sibi respondentia puncta
 Rectis connectes radijs: ubi scilicet ante
 Punctum signasti sextæ, noviterque repertæ
 Punctum iterum sextæ fecisti: isthac duo puncta
 Linea fac jungat rectissima. De tibi sexta
 Quæ dixi: reliquis quoque de currentibus horis
 Dicla puta. Demum numeros appinge perennes
 Horarum: Murus cum cœlo foedus habebit,
 Ferreus & gnomon dicet per saecula tempus.


T

Hæc

Hæc super in Zonas magnum dispescimus orbem.
 Arctoo vicina Polo stat prima, rigetque
 Frigore marmoreo, simul ac Antarcticæ torpet
 Zona perusta gelu: mediam sol vertice toto
 Tangit, & ob nimium vix est habitabilis æstum.
 Sunt geminæ has inter moderato frigore Zonæ
 Temperie æterna, & miti regione locatæ.
 Altera, quæ Boreæ vicina est, arctica priscum
 Nomen habet, nos hac sub Zonâ degimus ævum.
 Altera nimbiferos Antarcticæ respicit Austros,
 Culta parum priscis, & solo nomine nota.
 Hæ Zonæ, quarum mappis est maximus usus;
 Europæ, atque Asiar gestant, Lybiæque nigrantis
 Regna sinu. Niveam vexit per cœrula nympham
 Jupiter Europam, & Cretæis appulit oris:
 Inde ea pars mundi traxit de Virgine nomen.
 Ast Asiam Oceanus genuit pater, illa Promethei
 Japetidis fuit alma parens, furatus ab astris
Qui flammam luteos animavit lumine truncos.
 Africa Maurorum male culta, & inhospita tellus
 Occasu Atlantem, Nilum prospectat ab ortu:
 Illius humano nequeunt mansuescere cultu
 Effrenes populi, rarissima moenia condunt,
 Inque solent plaustris errantem ducere vitam,
 Carnibus humanis coenant, atroque cruento.
 Sic ubi terrauei divisa est machina mundi,

Hæc

Hæc eadem in tractus, & Regna secatur, & urbes
 Ista minora tamen facies nunc missa Miesco,
 Prima rudimenta, & sphæræ elementa rotundæ
 Discere contentus: nam quondam hausisse legendo
 Cætera sufficiet, chartis si dummodo mentem
 Intendas memorem: Regna, urbes, oppida disces.
 Nunc est ire animus tecum meteora per alta,
 Quid rutilum fulmen, quid venti, & saxea grando?
 Frigore sub scopuli fulvum quæ flamma metallum.
 Excoquat? Undarum Nerēus cur monte tumescat.
 Luna Polo dum plena micat. Post plurima dicam,
 Herculeum magneta tibi, cœca^{mque} catenam,
 Quā sibi conjungit durum, sua pabula, ferrum:
 Nec non ursinas se quomodo vertat ad arces?
 His ægrum curis animum solare Miesco,
 Amissique leva nimis invida fata Parentis.

T₂

Dc

DE
BOLES LAO II.
REGE POLONIAE,
L I B E R VI.
A R G V M E N T U M.

Hic Liber complectitur residuum Libri prioris. Boleslai post severam pænitentiam Divorum Cælitum præsentia recreatus humunis excedit, & humatur Ossaci.

Ignis, & unda rapax, levis aura, pigerrima tellus
 Semina sunt quatuor, quibus hic componitur orbis.
 Carmine quem mulcent volucres, agitabilis ær
 Regna tenet tria, terna rotat regalia sceptræ.
 Infima prima plaga est, humili contermina terræ:
 Vescimur hac aurâ, lucem bibimusque caducam,
 Ducimus & vitam, vitamque reducimus haustū
 Illius. Hæc pigræ, jam dixi, proxima terræ,

Infi.

Infima nomen habet, nec enim aurea vertice tangit
 Sidera, sed montes vix se sustollit ad altos,
 Et nisū se tanta levat, Titania quantum
 Spicula telluri semiusti impacta resultant.
 Ast ubi non resilit Phœbeæ lampadis ardor,
 Et calor emoritur vapidâ tellure retortus,
 Altera mox regio, natū gelidissima sumpsit
 Principium, mediam veteres dixerunt, creandis
 Cœli prodigijs fuit hæc aptissima semper.
Tertia suprema est auræ provincia, sceptrum
Hic regale tenet puro conterminus igni
Finitimusque faci solis liquidissimus àér.

Quando suprema calet Phœbo propiore petusta,
Infima quando calet regio, cur frigore torpet
Quæ media est, dicas? Nunc mentem adverte Miescd.

Omnis ab ingenio Naturæ est humidus àér,
 Hinc amat obnixè, & sitiens quasi spongia potat
Quidquid aquam, spumamque sapit. Cratera Dœorum
 Se siccare putat, pigros crassosque vapores
 Si terrâ levet, aut olidâ quâcunque lacunâ.
Postquam aciem ingentem, magnumq; examen aquarum
Ebbit, extinxitque sitim, nituntur in altum
Quas potavit aquas: rutili nam spicula solis
 Dum feriunt terras, terrisque impacta resultant
 Inferiore vetant undas regione morari.
Ergo plagam ad medium grex truditur iste vaporum
Quæ

Quæ plaga nec recto nimium, nec sole reflexo
 Ferveat, immitem sed frigore temperet æstum.
 Mox vapor hac mediâ Cœli regione receptus
 Crescit in immensum, semper crescentibus undis,
 Inficit & totum peregrino frigore cœlum.
 Frigoris hæc causa est, media quod ni àeris ora
 Stringit cuncta gelu, nubesque, & fulmina gignit.
 Scilicet has vires dedit antiperistasis illi:
 Cùm sic obfesso pateat fuga nulla, nec infra
 Hic vapor elabi queat, aut evadere sursum,
 Multa animo volvit, curisque ingentibus ægram
 Excruciat mentem. Sursum se tollere tentet?
 Ipfa nocet gravitas, solisque repellitur igni:
 Poscat iners iterum telluris viscera Matris?
 Tela repercussi trudunt, sursumque repellunt
 Tythoni miserum. Medijs sic hæret in auris:
 Una salus partes glomerare, & cogere in arctum,
 Dum sese in pluvias, & bruta tonitrua vertant.

Jupiter armato jam quomodo lumine nimbos
 Dividat, ac telo nodosæ robora quercūs,
 Et montes, turresque petat, tibi carmine promam,
 Aëre scis media glomerari mille vapores,
 Frigore qui septi se spissa in nubila cogunt.
 Non tamen hi liquidas soli luctantur in arces,
 Sed concreta nitro, & graveolentia sulphure tetro
 Ad Superos terrena vchunt corpuscula secum,

Atque

Atque ea compingunt, clauduntque in nubibus atris.
 Hinc quoties feriunt terras Jovis arma, stygisque
 Ima petunt, toties latè loca sulphure fumant.
 Halitus ascendit siccus cum sulphure in altum
 Accendi facilis, nubique includitur idem:
 Ipse autem nubes glaciali frigore sulphur
 Dat circum, nodisque ligat, mox halitus omnes
 Colligit oblessus vires, sulphurque propinquum
 Excitat in flamas, concreta repagula nubis
 Frigore marmoreo obsistunt, sed fortior ignis
 Perrumpit tandem gelidi durissima claustrum
 Marmora cum tonitru, Cœlique ruente tumultu.
 Ista triumphalis vox est Pœana canentis,
 Nubila qui rumpit, ferrataque claustra, vaporis.
 Haud aliter videoas, aut chare Miesco videbis
 Exilio ut redijt, Genitor si fulminat armis
 Obsessam ante urbem: vallo, aggere, milite, fossis
 Omnia cinguntur; portus, aditusque corona
 Undique clausa tenet, jam non datur exitus ulli.
 Illi intus pavidi nec quidquam circumspetant
 Auxilia, & spes nulla fugæ est, stant turribus altis.
 Fixum est, atque ratum certæ succumbere morti
 Fit via vi tandem, murisque erumpit apertis
 Lecta manus jnvenum: ferro hi grassantur, & hostes
 Marte novo aggressi contundunt, quosque timebant,
 Obsidione premunt. Sic certant frigora cœlo

Sic

Sic obfessa ruunt, & sulphur, & ignis in arma,
Obscuraque crient horrendum in nube duellum.

Quidquid in hoc mundo penetrabile frigus adurit,
Illi adstringit latera, innodatque catenis.
Inmodicus contra calor omnia corpora solvit,
Raraque membra facit. Cœunt sic fluminis undæ
In glaciem, durum quasi sint à frigore marmor:
Vere novo solis glacies percussa calore
Solvitur & liquidas iterum laxatur in undas.
Sic gelido intentat sulphur fera bella vapore,
Duraque terribili perrumpit claustra fragore.

Quin etiam æstivo tellus dum sole calescit,
Halitus assurgit purissimus, atque reseditis
Quæ sunt crassa nimis, cœlo minus apta levare
Ipse Triumphator caput inter nubila condit,
Supremaque capit cœli regione quietem,
Halitus hic, veluti spirans à funere tæda
Functa regens, fumat, mox vicinissimus igni
Et levis, & siccus flamas quoque concipit idem
Proximus Ucalegon, meteoraque flammea gignit.
Nam præter fulmen varias sortita figuras
Hæc meteora ignis vario quoque nomine gaudent.
Cauma, Draco volitans, Capra saltans, pulchra Lacœna
Trojani causa excidij, tristissima nautis:
Pauca tibi super hoc referam (favet hora) Miesco.
Cauma Polum latè gressu celerante pererrat,

Ceu

Ceu stipulas pastor flavo succendat in arvo:
 Trabs trabis in morem tractu secat æthera longo
 Occalumque, ortumque videt: Si recta nitescit
 Lancea nomen habet, quondamque columna vocatur.
 Protendit longam maculis fulgentibus alvum
Qui volat axe Draco, scintillat lumine venter
 Igneus extremæ gracilescunt syrmata caudæ:
 Invisum semper pueris, & matribus omen.
 Æquora per Cœli saltat Capra vellere crispo
 Circuit; & nitidis radiantia sidera gyris.
 Rarius ista tamen meteora videntur in altis.
 Cernimus interdum stellas velut æthere lapsas
 Lucentem secuisse fugam sub nocte serenâ:
Astra Polo collapsa putat rude vulgus, & errat.
 Halitus est, sursum qui nititur, atque repulsus
 Frigore ab aërio resilit, rimamque micantem
 Æthere describit medioque extingvitur axe.

Halitus est alter, lambens qui dicitur ignis,
 Materies viscosa, pilis, & crinibus hærens
 Quadrupedum affictu celeres animatur in ignes,
 Undique dissiliunt scintillæ. Hic peccine solo
 Arma capit quondam, viresque acquirit eundo
 Halitus: in tenebris pexos ardere capillos
Quippe vident multi, flamمامque emittere suras
 Hirsutas, quas ungve fricant sub tempora noctis.
 Muñibus infensus si contra vellera pellis

A criter ælurus mulcetur, prosilit ignis,
Ceu silicum tentes scintillam extundere venis.

Flamma parum sapiens, fatuam quam nomine dicunt,
Nocte volat furcas, & cœmeteria circum:
Materies isthæc vifcola & pinguis, opacæ
Noctis in ardescit tenebris; nam frigidus àér
Circumstans igni partes intendit amicas.
Innatat hæc auræ quasi pîscis in æquore, flamma
Illijs & motu levis in latus omne movetur:
Si sequeris? fugit illa, fugis? tibi proxima lucet,
Et tua terga premit. Pigrâ quia nata palude est,
Currentem ignavas mendax deducit ad undas,
Ulvososque lacus, sub aquis ubi nocte coaxant,
Atque paludicolæ recitant mala carmina ranæ.
Seria multa dedi, nunc audi læta Miesco:
Novi ego, qui serâ bene potus nocte rediret:
Hic similem in tenebris quasi sit laterna micantem,
Contuitus flammam: Grates tibi Jupiter! inquit,
His mihi qui densis vis lumen adesse tenebris.
Ista meæ est Ariadna viæ. Contingere limen
Ebrius haud poteram, certum super omnia carpo
Denique nunc gressum. Quondam puto duxerat ista
Numinis ad cunas Nabathæos stella Tyrannos.
Sic fatus sequitur mendacis lumina flammæ;
Dumque viam ingreditur piceâ caligine septam
Stagna palustris aquæ tandem, cœnumque subintrat

Fœten-

Foetentis lymphæ: limo pes hæret uterque:
 Luctatur, neque fustis erat, neque pertica: clamat!
 Omnia muta silent. Virides in gurgite ranæ
 Excitæ somno veterem de more querelam
 Ingeminant, plauduntque novus quod venerit hospes
 In sua Regna, novo lacerari dignus Jambo.
 Lurida, fæda, loquax, nigra, squallida, rancida pubes
 Excorianda quidem, & verubus figenda! quid, inquit,
 Obstrepis, & carmen maledictum rauca recantas?
 Plaudere tu nostris turpissima casibus audes?
 Sic me ventriloquæ sub aquâ luctante cachinnos
 Tollitis, atque virum probris laceratis honestum?
 Vos ego. Sed limo præstat me tollere turpi,
 Atque putres pedibus geminis auferre catenas.
 Hæc ubi dicta, manus in aquis huc tendit, & illuc
 Si modo quid prensat, si querni robora trunci.
 Si tabulam aut remum veterem, tonsamque natantem.
 Occurrit tandem truncatus ab arbore ramus,
 Arripit hunc, omniq[ue] diu nixus manuum vi
 Ranigenis emergit aquis, pes liber uterque
 Ambulat, ast ocreæ limo mansere tenaci
 Ac querulis spolium ranis, & præda fuere.
 Sic fatui ludunt ignes, fessusque viator
 Præcipites saltus, & inhospita tesqua pererrat,
 Hac flammâ monstrante viam: læpe alta latronum,
 Et corvis crocitata nigris infamia monstrat

Robora, quēis laqueo fures tolluntur in altum:
 Sæpe sepulchrales, ubi foeda cadavera, fossas
 Flamma volat circum, pīscinas sæpè lacusque
 Permeat, ac quærit vitæ sibi pabula dulcis
 Pingvibus in stagnis, ubi prima exordia sumpsit:
 Sic natale solum recreat ducedine cunctos.

Nec mare velivolum caret ignibus, inque profundis
 Fluctibus errantes cernunt vaga sidera nautæ;
 Tempore quo micuere Poli, quo fulmina torquet
 Jupiter, & ventis furit intractabile cœlum.
 Vectores trepidi, & pallentes morte futuræ
 Vectorumque Duces pelago gladiantibus Austris
 Jactati, medijs haud raro fluctibus ignes
 Conspiciunt circum antennas, & aplustre vagantes.
 Felix omen habent, gemino si sidere lucent
 Hæ flammæ, Oebalij fratres, cum Castore Pollux
 Creduntur, bona signa ferunt prosperrima Ponti
 Numina: Sed si sola micat soror, Ilion ingens
 Cujus ob incæstos olim flagravit amores,
 Litoris optatum nautæ contingere portum
 Desperant, pallentque metu. Cœli aspera durat
 Infurgitque magis facies, Helena ista procellas
 Ventum, hiememque atram, gravioraque tela minatur
 Ingens materiem pontus dedit ignibus istis:
 Namque maris fundo sub tempestate sonora
 Halituum numerosa phalanx se tollit in altum,

Motu-

Motuque accendit sele: quin credere par est
 Attritu, cursuque suo quasi somite flammam
 Halitus ut capiat, corpuscula pingvia secum
 Quippe vehit. Fax hæc si tandem immota resedit,
 Ventorum signat requiem, pacemque sequestram;
 Si vaga discurrit majores nunciat imbres.

Ast quandoque rubent, tristi dum lucida cœlo
 Ambulat ira DEI, ferali crine cometæ.
 Hi populi motus, hi Régum funera rubrâ
 Præcinuère comâ. Decus immortale Sophorum
 Magnus Aristoteles sub Lunæ cornua stellas
 Crinitas posuit, sedemque negavit in astris:
 Siderei tamen esse chori, & transcendere Lunam
 Astronomi docuère novi: vix cernimus ullam
 Quippe parallaxin moesto radiante Cometâ.
 Inferiore quidem multos regione vagari
 Fama probat. Sic sæpe videt provincia stellam
 Unica, finitimæ nequeunt quam cernere gentes.
 Quin & sub Phœbi quidam transisse sorore
 Atque illam radijs fertur spoliâsse Cometes,
 Corporis objectu medij. Post cornua Lunæ
 Si quis eat, magno halituum glomeratus acervo
 In bene compactam stellanti corpore sphæram
 Collucet; nam siccorum vagus halituum gress
 Colligit in corpus sele, cui tergus opacum;
 Sol illi oppositus radios depingit in illo

Geu

Ceu speculi glacie: sic omnes luce reflexa
 Ardescunt septem cœlo, radiantque planetæ.
 Pallentes morbi, vulgata per oppida pestis
 Atque lues pecorum, populi sine lege furentis
 Immitis rabies, tempestas ferrea belli,
 Regnorum excidia, & spumantes sanguine campi,
 Exequiæ Regum tristes, cædesque Potentum
 Sacrilegæ has stellas è tergo sæpe seqvuntur.

Nil ita divinum ingenio, mundique capacem
 Torsit Aristotelem, quām quod vada glauca profundi
 Littora deserere, & deserta reposcere cursu
 Cerneret! æquoreâ sæpe ille resedit arena
 Tristior, iratusque sibi, quia prodere causam
 Nullam prodigii nossæt; Lucem ille perosus
 Præcipitâsse dolens fertur se denique Ponto,
 Atque Epiphonema hoc gelidis dixisse sub undis:
 Qui te non capio, cape me Neptune volentem!
 Lusisset fatum si salpa indocta fuisset
 Magnus Atistoteles, pelagoque natasset aperto,
 Surrexere alij, fluxum maris, atque refluxum
 Conati obscurâ causarum educere nocte.
 Grande animal mundum esse vetus Stoa censet, & undis
 Immersum oblongi gestare proboscida nasi:
 Hinc spirat quoties, liquidamque reciprocat auram,
 Tollere aquas fundoque remittere dixit.
 Ista quidem longum meruit sententia nasum.

Sunt

Sunt alij, Oceanus qui dicunt littora pulsat,
 Ut sua vicino conjugat cærula sceptræ
 Cum pelago, cernensque altas obſtēre ripas
 Indignans re legit paſſum, ſpumasque retorquet
 Littus in oppoſitum, ſic ſe repetitque, fugitque.

Censuit haud nemo, volucer quo d ſpiritus i nſit
 Oceano, vitreos qui montes tollit aquarum,
 Quos agit ad ripas: hominum ceu corpora quondam
 Incenſæ vario ja ctantur bilis ab æſtu.
 Vexatus tamen i ſta gravi ſententia morbo:
 Nam legitur nusquam Neptunus febribus æger
 Decubuisse thoro, aut cholera cruciarier atrâ.

Tutores genios aliqui deſcendere Olympo
 Et miſcere ſalum, bibulæque allidere arenæ
 Affirmant, veluti Piscina probatica mo ta eſt
 Siderei manibus cœlo labentis ephebi.
 Sic ubi Naturæ deſperant reddere cauſam,
 Turpiter hi magni fuijunt ad Templa Tonantis.
 Denique non pauci vasti rareſcere pontū
 Marmora ab occulto ſub terræ viſcera clauſo
 Igne docent, bibulis & aquosa volumina ripis
 Spargere, mox æſtu ceſſante reducere ſemet.
 Nativoque gelu veteres allambere fines.
 Aſt pelagi fluxus certa ſe lege volutat,
 Cūm tamen incertis exundent viſcera terræ
 Ignibus: hinc raro tremefiat maximus orbis.

Sunt

Sunt quorum non displicuit sententia nobis,
 Atque aliquis nostra de gente Copernicus olim
 Hæc magis excutiet; pigræ qui pondera terræ
 Dicere non audent Mundi requiescere centro,
 Sed dicunt, agitata velut sentina biremi
 Jam proram exundans madido circumfluit imbre,
 Jam puppim rediens foetenti aspergine tingit:
 Sic terræ globus æquoreis ceu navis in undis
 Ætheria regione natat, sentinaque Ponti
 Adfluit, & refluit, surgitque, caditque vicissim,
 Littora quæ damnat repetit, quæ diligit odit.
 Nunc tibi, quæ paucis mea sit sententia dicam.
 Omnibus hic fervor maris, observatur in oris,
 Haud tamen æqualis: tumuit sic Adria fluctu
 Littore quo surgunt Ducis alta Palatia magni,
 Cæruleæ Venetum qui sceptriger imperat urbi.
 Littore in opposito jacet, & piger Adria dormit,
 Curarum vacuus. Vix cœrula terga movere
 Cernitur, & curvas aspergine lambere ripas.

Pacificus de pace trahens sua nomina Pontus
 Exundat quoties, glaucos tenditque lacertos,
 In bibula passus bis mille pererrat arena.
 Insuper ad fauces fluvij, qui dicitur Indus
 Brachia tres leucas sua porrigit Amphitrite.
 Nec tumor iste vago fit tempore mensis & anni,
 At triplici constans lunæ describitur orbe.

Jam

Jam vigil ausculta, mentemque adverte Miesco:
 Quod mare se tollat, quod spumea littora pulset,
 Causa soror Phoebi est, Moderatrix pallida noctis.
 Imperat illa salo, & dominatur in humida vulgo
 Corpora: Sic cancri, & conchylia lucida Ponti
 Hac crescente tument, hac decrescente residunt.
 Latonæ ad motuī levat, attollitque Tridentem
 Nereus, & vitreos exertat in æthera vultus
 Captus amore Deæ: quidquid post viscera terræ
 Undarum latet, in lucem protrudit apertam.
 Quoque magis reparat cornu Dea noctis aduncum,
 Hoc mage se fundo movet, atque examen aquarum
 Littoreā statione locat, famulumque Tridentem
 Exerit, inclinatque Deæ. Sic illius astro
 Se regit, & dominæ vestigia servus adorat.
 Quare & Horizontem cùm primūm Delia nostrum
 Conscendit, levat Oceanus quoque cœrula terga:
 Quoque propingua magis mediæ Dea menstrua terræ est,
 Ille suas mage mittit aquas, truditque cavernis
 Omnibus, undantesque globos ad littora spargit.
 Scilicet ut ferrum magnes rapit, atque catenis
 Illigat occultis: Sic te Neptune Diana
 Nocte dieque trahit, Dominæque tumescis amore:
 Hæc febris tua spumantum Regnator aquarum est.
 Tethyos ast gnatas, neptesque ex montibus altis
 Maturare fugam vitreo pede, perque profundas

W

Serpē-

Serpere quis docuit valles ? evadere sursùm
 Quis facit in scopulos, & lambere culmen Atlantis ?
 Quis Nilum æthiopem Lunæ de montibus egit
 Præcipitem, atque Asiam in magnâ quis Caucason altum
 Edocuit totis effundere flumina regnis ?
 Quin & in Europâ Rhenumque, Istrumque, Padumqué,
 Et Rhodanum àérijs quid cernimus Alpibus ortus,
 Flumina tot superas quæ causa levavit in arces ?
 Imbribus, & pluvij multi cunabula debent
 Decidui fontes, ceduntque ubi cesserit imber.
 Quondam etiam in guttas concretus solvitur aér :
 Sic hiemante Polo gelidissima marmora vulgus
 Indoctum sudare putat, calidoque cubili
 Cernimus in vitreis stillas hærere tenetris :
 Hæc tamen æternos nequeunt producere fontes.
 Altera causa subest celsâ quæ rupe perennes
 Ejaculatur aquas: jam mentem adverte: docebo.
 Omnia rimatur DEUS ille Tridentifer, oris
 Omnibus insinuat se, contoque trisulco
 Perforat occultos matris telluris hiatus :
 Nec tam clausa via est, quâ non extendere regnum.
 Ille velit, totique ferox dominarier orbi.
 Et sunt sub terræ latebris spatiofa vaporum
 Hospitia, immensique specus, quos ille tridente
 Dum furtivus adit, latitante calescit ab igne,
 Sulphure qui vivo, nitroque creantur ab acri :

Hinc

Hinc thermæ cupiunt genesin, Bajæque salubres.
 Bullit aqua, & vapor alta petit, ferventis ut ollæ
 Conspicimus superâ guttas hærcere patellâ:
 Hic vapor impactus frigenti in fornice saxi
 Densatur, liquidas seque resolvit in undas.
 Mox undæ rimam inquirunt, & vulnus apertum.
 Exeli in scopuli venis, adituque reperto
 Vertice persiliunt scopuli, saliuntque perennes.
 Haud secus ac pictis de floribus halat odorus
 Embrosiusque liquor, vitreo dum carcere clausi
 Carbonum lento sensum exsuguntur ab igne.
 It vapor, in guttas qui vertitur, atque canalem
 Per vitreum stillat, genuinaque fontis imago est.
 Sic guttas vapor, hæ fontem, fons flumina gignit.
 Nympharum hæ cunæ, liquidas ex rupe choreas
 Ducentum, vitreas sic emersere sorores:
 Hoc etiam clauso generantur ab igne metalla,
 Fornice sub saxi, vario quæ nomine gaudent.
 Sol aurum, ferrum Mavors, cuprum alma vocatur
 Quæ Paridi placuit Venus: ignea spicula torquens
 Jupiter albentis sumpsit cognomina stanni:
 Dicitur argentum vivum Cyllenius Heros:
 Argento ab niveo stellis circumdata Phœbe
 Nomen habet, tandem qui pignora dente momordit,
 Plumbeus à plumbo Saturnus nomina traxit.

Nunc tibi quid terras cœco rūat impéte dicam:

Lemnis ille Pater dijs immortalibus arma
 Cudere quem Fama est, sua quod tellure sub imâ
 Ignea sceptra rotet, nos Trinacris edocet Ætna,
 Territa sulphureas ructans ad sidera flamas.
 Quin & Campanus spatioſa ad moenia pulchræ
 Parthenopes piceas jaculatur in æthera nubes
 Sopius, & Stygio latè pluit imbre Vesevus.
 Nec non Parthasiæ vultus conterminus urlæ
 Ardet apex Heclæ, nivibus per sœcula tectæ,
 Quis tamen has cæco proritat fomite flamas,
 Quis semel extinctis animam dedit ignibus istis?
 Sulphur, & acre nitrum. Graveolentia sulphure tetro
 Sunt ibi, mordacique nitro rorantia saxa.
 Nam velut hibernæ sub barbara frigora brumæ
 Multa riget circum salientem Siria fontem,
 Concretæque gelu dependent undique baibæ:
 Sal ita marmoreum, roransque è vertice faxi
 Omne latus cingit: Vulcano sulphur amicum
 Stat propè: sulphureum vix moverit aura lapillum
 Qui cadat, & silices turgentes sulphure 'tangat;
 Elicit impactus flammam, totisque barathris
 Fit fragor, & ruptis tempestas ignea claustris
 Cum tonitru effringit postes, cœloque remugit.
 Omnia quassa tremunt. Exterrita murmure tellus
 Dat gemitum, penitusque imis fremuere cavernis
 Finitimi montes. Ædes, turresque profundæ

Hinc

Hinc, illinc nutant dubiæ, pavimenta vacillant
 Ebria sub pedibus, templi jacuere ruinæ,
 Eversique Lares. Juvenes, timidæque puellæ
 Decrepitique senes fugiunt ad rura paventes.
 Ista quidem Siculo, & Campano in littore terrent
 Indigenas trepidos: absorptas legimus urbes
 Hoc fremitu terræ, turresque, arcesque sepultas.

Sæpe etiam venti sub terræ viscera clausi
 Sulphure quando specus, atroque bitumine plenos
 Indomiti perlant, nitrolaque turbine saxa.
 Dejiciunt, flammam ut capiant impacta per antrum,
 Concussere plagas mundi, sonitumque dedere.
 Hunc licet ex certis fremitum prænotcere signis.
 Nuncia signa dabo: Putei si sulphure fœtent:
 Turbida per fontis si labitur unda canalem:
 Si subito venti ponant immite furentes:
 Si sine Caurorum flabris mare bullijt altum:
 Bestiolæ specubus si quando exire videntur.
 Quæ nigrum coluere Larem, deguntque sub antris,
 Signa sinistra ferunt, proprios fugiuntque Penates,
 Scilicet infernos jam percepere tumultus.

At placet optatam sermoni imponere metam,
 Extremamque afferre manum. Jam decolor intret
 In scenam Magnes, finem ponatque labori.
 Non sua Lydorum lapis hic cunabula debet
 Montibus, aut tellus illum magnesia tantum

Partu-

Parturit in lucem: tractu cœloque sub omni
Naſcitur, indomiti dum fint ibi ſemina ferri.

Quippe viro forti Patria eſt quæcunque, nec æſtum
Hesperiæ ardentis, neque frigora Teutonis horret.
Excipit & patiens Aquilonis flabra protervi.

Ut pueri matrum fugunt cum ſangvine mores,
Sic lapis hic patrias imitatur ſæpe fodinas.
Hic gravis, & solidis, levis hic, & pumicis inſtar,
Saxa refert alibi: venas lucemque metalii
Hic fibrat, à ferro vix ut dignoscere poſſis.

Iſte trahendo potens, contra nihil iſte nec ausus,
Nec potuit, propiorque chalybs licet adſit amicus,
Nescit quid ſit amor, nec amat, nec amatur ab illo,
Sed ſtupet, ac dormit ſpoliatus lumine truncus.

Ut chalybem, & ferrum magnes, ſic docta virorum
Ingenia, & calamos traxit, quæ tanta facultas
Obſcueroque vigor, virtusque ſit indita ſaxo?

Qui mundi ex atomis ſtatuumt hoc grande theatrum,
Aëre venari occultas, & prodere cauſas

Poſſe putant, ſed more ſuo perplexa loquuntur,
Ceu tenebris metuant pavidi deprendier atris.

Haec tenus ipſæ atomi res ſuſpectiſſima doctis
Infirmam meruere fidem: tantumque videtur
Imposuisse atomos atomis, & condere mundum,
Quantum ſi dicas facundus ut exeat Hermes,
Nodosum propera truncum ſuperaddere truncum.

Silſite

Sistite, & ingenij properantem claudite rivum:
 Plurima nos Natura docet, causasque latentes
 Cimeria sub nocte premit, cœcisque cavernis.
 At nos causarum muscas venamur inanes,
 Atque supervacuis præbemus pabula curis.
 Sunt flammam quæ concipiunt, blandique furoris
 Vulnus alunt venis: secum sunt altera bellum
 Quæ moveant, & naturâ dictante magistrâ
 Æternis certant odijs. Sic callidus olim
 Furum Præceptor, cuius sub sidere longis
 Ungvibus esse ferunt puerò, caducifer Hermes,
 Ille fugit flamas, & amoribus uritur auri:
 Dicite quid causæ est? auri quis nescit amicum?
 Quin simul humani Capitolia scandere visus
 Ille fuit cerebri. Vanis se pingere fucis
 Ausa puella fuit: pigmentis addere vivum
 Argentum didicit. Mors sustulit atra puellam
 Ante diem: medicis reserantur crania cultris;
 Ecce caput, cerebrumque dolens, plenumque fugacis
 Mercurij fucis mixti, post fata repertum!
 Dicite quid causæ est: Atomii? sic vendere fucos,
 Pro vestrīs posthac atomis, fumosque licebit.

Plura locuturos intercipit, atque Magistri
 Sermonum abrumpit medium conclave Rector
 Pannoniæ ingressus: de quo jam dicitis, inquit,
 Mercurio? DEUS est. An amoribus uritur auri?

Forte

Forte auto Superis venalis in æthere merx est.

Si meruere fidem nigra somnia, somnia vobis
 Insperata fero, non hæc mihi nocte soporam
 Concutiens virgam vester dictaverat Hermes:
 Ex astris simulacra puto delapsa, loquentis
 Quosque sonos hausli Divos docuisse recordor.
 Cursibus emeritum jam sol exercuit annum
 Ex quo fugit abhinc, haud nescis chare Miesco,
 Regius excessitque Parens: super ista secundum
 Cynthius exegit revolutis mensibus orbem.
 Nemo Patris nos fata docet, rumoribus aures
 Insanis plebs stulta ferit: neque consona Fama
 Ipsa sibi est. Tu fata Patris jam certior audi.

Nocte Boleslaus, neque vultus linea fallit,
 Visus adesse mihi. Lacrymis cur ora Miesco
 Mœsta rigas? Solare animum: tua vita revixit,
 Et mea! Quin coram, neque me terrebat imago,
 Visa loqui, & curas animo deponere jussit.
 Regio terge oculos hospes, tua gaudia vidi,
 Et mea: quem tecum lugebam funere mersum
 Vivit, & hac lucis jucundâ vescitur aurâ.
 Nulla mihi imponunt timidæ ludibria noctis.
 Pigri stagna lacûs gemino confinia monti
 (Si modo si nomen Regionis nosse liceret!)
 Ante oculos sunt picta mihi, specularibus undis
 Intonsi montes, scopulique innare videntur.

Haud

Haud procul à ripa stant antiquissima claustrī
 Mœnia, stat turris dirimitque cacumine nubes,
 Atque solum latè, & virides circumspicit undas,
 Cœnobio in medio fons ejaculatur aquosos
 Argenti radios, & circinat irida guttis.
 Hic ego rurali cultu, grossaque lacerna
 Contectum vidi manifestā in imagine Regem.
 Ridebat vultu placido, mentisque serenæ
 pigna dabat: calathum dextrâ quem fortè tenebat
 Mollibus implevit lactucis, atque culinam
 Ingressus fuerat: cineres animare sepultos
 Post hæc, atque foco disponere ligna calentis,
 Et lances vidi, & pateras, gabatasque lavantem.
 Aut coquus, aut olitor, dum nomina regia prudens
 Dissimulat, crimenque doler, cædemque peractam,
 Eligit esse parens. Talis mihi sæpe recursat,
 Alloquor & quoties, toties vultum ille retorquet
 Atque stupet muto similis. Nox vincula lingvæ
 Laxavit tandem, Regemque hesterna loquentem
 Luna mihi objecit; sic ora resolvit imago:
 Quid tacitum Rex mœstus alis sub peccatore vulnus,
 Ceu manibus perisse meis, aut præda molossis
 Ipse fuisse ferar? Regno temeraria circum
 Fama volat, Lechicas eadem quoque personat urbes,
 Vanaque venduntur scriptis mendacia chartis,
 Rumorum securus ago, vacuusque malignæ

Jam pridem famæ, quæ sunt cœlestia tracto.
 Sedibus hortatu Superum non cognitus istis
 Hæreo. Quis Regem obscurâ lodice latentem
 Observet? claustrî spiro bene tutus in umbrâ.
 Impiger hic placo lacrymis quæ Numina læsi,
 Suntque mihi lacrymæ Divum mage nectare dulces.
 Vivo animi felix, nec abhinc mea Regna videbo;
 Sceptra, tiara, throni, victoria, Fama valete!
 Hoc precor: immitti gnatum mœrore jacentem,
 Nomine Rex solare meo, & tua visa recense.

Hæc mihi concubiæ sub nigra silentia noctis
 Prodidit in somnis Genitor tuus: omnis abesto
 Jam metus, & curas trans pontum mitte Miesco.
 Contentus Rex sorte suâ est: quid poscimus ultrâ?
 Quam plaga Pannoniæ, quam Sarmatiæ ora negavit,
 Terra dedit profugo tandem peregrina salutem.
 Ista fuit Superis in Cœlo credo voluntas.
 Irridet facile mendacis gaudia mundi,
 Desilit & solio, luxumque perosus, & aulæ
 Illecebras, tacitæ sectatur commoda vitæ,
 Quem semel amplexus favor est miserantis olympi.
 Plaude Boleslæ, & fortunam humana rotantem,
 Calce preme! hoc meruit: sic risum solve jocantis;
 Fallere fallentem, ludentem ludere par est.
 Gloria quid tandem, qui magni Nominis umbra?
 Sunt larvæ fortuna tuæ. Quid marmora gestis

For.

Fortibus, atque foro fundantes ære columnæ?
 Quid pompæ, & ludi, & mensæ, nugæque Theatri?
 Omnia lecum aufert tandem nigra Regibus hora,
 Omnia sorbet humus. Virtus nos unica Divis,
 Sideribusque pares facit, hæc post funera durat.
 Felix qui potuit, Rex maxime, dicere tecum:
 Aula vale! Fortuna vale! Spes, Fama, Triumphi,
 Et populi plausus, & vitrea fracta valete!

Talibus alloquijs mulcet, verbisque dolentem,
 Erigit Hungariæ Rector, præstare Parentis
 Officium gaudens, & vivam cernere Regis
 Effigiem in gnato. Neque spes frustrata fefellit.
 Nam roseum casto juvenem Tritonia Pallas
 Excepit gremio, & quantum pollebat acuti
 Viribus ingenij, tantum quoque mascula virtus
 Et vigor accedit juvenilia pectora flammis.
 Bellonæ studijs durare ante omnia dextram,
 Exemplo Patris, ardentes contemnere soles,
 Alpinasque nives, venatu in saltibus atris
 Explorare feras, fluvios tranare minaces,
 Eniti in scopulum, fossam transmittere saltu,
 Flectere cornipedem, & mandentem spumea morsu
 Frena manu facili tractare, inhibere volantem,
 Mox in pulvereo stimulatum effundere cursus,
 Nobilis ardor erat juveni: Post terga reliquit
 Ille Notos celer, & quasi torta volabat arundo,

Vix per aperta fugam levis ungula signat in herbâ.
 Noctas quin etiam regnandi exhaulerat artes
 Jam docilis sceptrum, & curas tractare seniles.
 Atque ubi Pannoniâ jam pridem vixit in aulâ
 Regius hic hospes, tandem se sede recepit
 Quâ cessit patriâ; Procerum populique faventis
 Plausibus exceptus, thalami tum fœdera junxit.
 Sortis at invidiâ steriles expertus amores
 Mutavit thalamum tumulo. Sunt tristibus herbis
 Qui periisse velint, fraudesque bibisse veneni.

Jamque Boleslaus plures exegerat annos,
 Atque luit lacrymis cædis monumenta nefandæ:
 Tum rerum Sator, astra Poli qui Numine torquet,
 Resque humiles hominum, casusque & fata malignæ
 Temperat, hoc Regis tandem mitescere luctu,
 Atque odia, & strixi deponere fulminis iras
 Incipit. O lacrymis, o vis est quanta dolori!
 Placatum facit ille DEUM, santesque, reosque
 Efficit innocuos: missos dolor iste rebelle
 In caput extinguit, sedatque potentior ignes.
 Fulminis oblitum reddit M. tanæ Tonantem.
 Orârunt ipsi veniam pro Rege vocati
 Cœlicolæ, & Virgo Moderatrix aurea cœli,
 Numinis alma Parens, toties quam poplite curvo
 Rex coluit, totasque vigil cui sæpe gemendo
 Exhausit noctes, sic ora precantia solvit,

Voce

Voce agressa DEUM: Tristem me ferre repulsam,
 Sangvis Gnate meus, solum spes unica, Matrem,
 Num patiere tuam? Supplex tua Numinia posco,
 Parce Boleslao dudum sua crimina flenti,
 Parce precor! Satis est. Lacrymas memor ille peracti
 Sat fudit sceleris: pridem se sponte dicavit
 Obsequijs claustrī; pulsis melioribus annis
 Canities ægro, pejorque aspergitur ætas,
 Et fracti titubant, baculo quos sustinet, artus.
 Quot miser exilij ærumnas, quot probra voravit,
Quæ grex lixarum petulans vibravit in illunt?
 Nunc ubi deficiunt vires, da morte resolvi,
 Claudere da placido fugientia lumina somno.
 Dixerat hæc Mater. Votum & suspiria Matri
 Audiit Omnipotens. Regalia corpora languor
 Occupat, & vires decerpit lurida febris,
 Continuo fugit ore color, requiesque laborum
 Somnus abest oculis, stomacho sunt nausea mensæ;
 Sola sitis torret nulloque extingvitur haustū.
 Hæc super & capitisque dolor, pressique tumores
 Pectoris accedunt, & siccus anhelitus oris.
 Ista fuit Regis lethum meditantis imago.
 Philtra quidem Antistes claustrī, succosq; medentum
 Mista suis manibus prostrato porrigit ægro:
 Et dolet, & morbi non sat se discere pestem
 Nutibus ex solis queritur, tristisque jacenti

Ass.

Assidet: Interdūm perquirit murmura venæ,
 Quæ jam rara notat, neque consona. Filius, inquit,
 Es necis. O pro te famulantūm tota periret
 Pigra, gulosa, crepax, secreti prodiga pubes!
 Quisquis eras, pro te servos ego mittere vellem.
 Mille equidem: nec enim fuerat mihi charior ullus,
 Nemo ministerijs claustrī fuit aptior alter.
 Sed mens alta DEI, Sic fiat, ut imperat ille:
 Nemo resistet ei. Pulso mœrore serenat
 Vocibus his vultum, lethi Rex signa propinquui
 Percipiens. Stupet Antistes, medicosque Syrups
 Vim morbi domuisse putat, sed gaudia Regem
 Altera perfundunt, animumque attolere cœlo
 Læta jubent. O mors, melioris janua vitæ?
 Curarum æternus sopor! O caritura tumultu
 Tempus in omne quies! bello pax nescia rumpi!
 Lætitia exhilaras inopes, littusque dolorum
 Omnibus es miseris: Virtus si dummodo vitæ
 Est comes, arcanus neque rodit pectora vermis.
 Spes rata tu cœli, tu votum, & meta piorum es;
 Quæ certam imponis victoribus ultima laurum!
 Te solam morbi medicam Rex æger anhelo.
 Ista Boleslaus tacitā dum mente volutat,
 Integer Antistes limen, stratumque jacentis
 Deseruit Rex membra levat, viresque labantes
 Colligit, & pictæ gressu titubante tabellæ

Fit

Fit propior, tabulâ fuerat spectabilis illâ
 Siderei Regina chori, spes certa, salusque
 Langventum, & felix semper morientibus omen.
 Hanc Rex vicinâ jam morte humentia figens
 Lumina in effigiem, neque vultum ab imagine vertens:
 O Domina! O Mater seros mihi culta per annos,
 Ærumnas solata meas, longique labores
 Exilij in somnis mihi viâ, & sæpe locuta,
 Sæpe die, dum solus eram dignata favore
 Alloquij me Diva tui: sata ultima tandem
 Nunc urgent miserum, pede vix fluet hora fugaci,
 Funus ero exanime, & corpus sine mente jacebo.
 O Domina! extremo dum spiritus ore natabit,
 Fac mihi sis præsens, neque me mea defere Mater.
 Digna parùm fateor placandæ Numinis iræ
 Poena fuit, nullique lavent tot crimina fontes.
 At quia jam gelidus fluit hæc per tempora sudor
 Vitaque jam. Nec plura sinit me dicere languor:
 Virgo vale! his dictis conspersum sanguine multo
 Rex capit ex cistâ, quod pridem verbera tergo
 Sæva dedit stellis armatum triste flagellum:
 Extremi ulturus sua crimina verbere flagri
 Aureus alt juvenis volat ecce citatus olymbo,
 Tu fulmen ruere axe putes, tortamque sagittam.
 Illius adventu radiare domuncula parva
 Lumine sidereo, tectumque ardere videtur.

Eximit

Eximit ille manu flagrum, Regemque labantem
 Sustentat, tollitque humeris, stratoque reponit,
 Mox ruit alter ab æthere pictus ephebus, & ægro
 Pùlvillum sternit capiti, vultumque pererrat,
 Et guttas tergit gelidas, tum nubis odoræ
 Svaviter halantis recreat dulcedine nares,
 Et thuris lacrymas spiranti exurit acerrâ.
 Vix satis iste fugâ celeres exercuit alas,
 En glomerata phalanx tectum discindere visa:
 Instrepit, & pennis volitantum sibilat àér.
 Ingressi exiguos Diū, cœlicolæque Penates
 Ornati adsistunt Regi, stratumque coronant.
 Rector Sarmatiæ Casimirus regia dextrâ
 Sceptra gerens, nodoque comas stellante revinctus
 Primus adest. Regis genitor fuit ille, vocatusque
 Ex claustro ad Regnum polijt virtutibus aulam,
 Firmavit pietate thronum: Stat proximus illi
 Sacrorum Antistes Phœbo radiantior ipso
 Fronte Stanislaus placida. Pulchro agmine Divi,
 Ipsaque cœlestûm Dea, Regia Mater ab alto
 Lapsa venit, simul ac properat Benedictus, & ulnis
 Complexus Dominam ad claustrum, & sua limina ducit.
 Quot portâ exceptit lectos casa parvula Divos,
 Tot soles radiare putas, aciem haurit utramque
 Sauciaque absorbet divinus lumina splendor.
 Tum Regina Deûm sic Regem affata jacentem:

Surge

Surge animi! finita tua est jam poena. Favores
 Et veniam quam poscis, habe! Me s̄apē vocasti
 Matrem gnate tuam: Suscepi dulce Parentis
 Officium, Materque fui. Quin criminis obſes
 Pro te mille preces irata ad Numinā fudi.
 Audijt orantem qui quondam hæc ubera fuxit;
 Meque suam omnipotens dignatur dicere Matrem.
 Audijt, & nigræ delevit nomina culpæ,
 Oblitus scelerum. Miseræ nunc ultima vitæ
 Hora fluit: Morti jam te compone propinquæ.
 Dixit, & adjecit Dea plurima; pendet ab ore
 Illius, & totam Matri Rex commodat aurem.
 Ipsi etiam occultos miscent bene tempore longo
 Sermones Superi: quin ægro basia figunt,
 Contrectantque premuntque manus, risuque beato
 S̄aviter invitant moribundum ad sidera Regem.

Interea morbi quæ sit fortuna requirit
 Antistes, reseratque fores, venamque jacentis
 Explorat Regis: vicinæ occurrere morti
 Si queat, & Medices haud tentet inaniter artes.
 Ast vapor ambrosius, lucis quoque splendor ab alto
 Defluus, & citharæ, citharisque fluentia mella
 Nectareique soni procul abripiere stupentem,
 Atque pium fixere senem: stat, & hæret in uno
 Territus obtutu, ceu sit Marpesia cautes.
 Mox alij ingressi cœli manifesta monentis

Y

Pro-

Prodigia; atque soli fremitum stupuere paventes.

Hæc super elinguem populus quem credidit omnis
 Incipit effari, & fracto Rex gutture trudit
 Ultima jam labijs cum morte natantia verba:
 Rex ego Sarmatiæ (capit has quasi laxeæ voces
 Turba effusa thoro, gemitumque dat ore gelato)
 Colla Stanislai de me nil tale merentis
 Qui secui. Fidei sit regius annulus iste
 Tessera! fulgentem peregrino lumine gemimam
 Porrigit his dictis Wernerò, & pignore Regem
 Testatur: Potuit neque plura edicere, captum
 Sed subito posuit Letho caput: alma recessit
 Lux oculis, abijtque in vanas spiritus auras,
 Regia membra premit fugiente rigoritia vitâ;
 Serpere jamque gelu, Letho pulsante calorem,
 Per corpus notat Antistes, gemituque profundo
 Frigidus ergò jaces, tua rupit & ultima verba
 Fatalis morbi sopor? ah cur tempus avarum
 Plura audire mihi, tibi dicere plura negavit?
 Heu mora! cur ad te non ocyor ipse volabam?
 Cur tibi non aderam? Melior me linea vultûs
 Decepit, speciesque tui. Confusurere morbo
 Jurabam: talem te spes mihi credula finxit.
 Ah quam vana mei fuerat fiducia voti!
 Haud tamen omnino me decipit, atque beata
 Fraude ignotus abis. Cœlo tua gloria nota est:

Atque

Atque eadem has nostras olim quoq; venit ad aures,
Audacis titulos celebris tibi fama dicavit,
Dexteraque insignis bello: tu Marte Bohemos,
Hunnoisque, & magni fregisti Cæsar's arma.
Septima te in castris, & pellibus horruit æstas.
Talis eras, nostrisque etiam memoratus in oris
Posthuma circumfers longinquæ præmia Famæ.

Quid tamen armorum crudelis adorea forti
Menti æquata tua? virtus tua celsior ibat
Quo nunquam rigidi pertingent tela Gradivi,
Sponte tuâ duro exilio, fuloque piasti
Sangvine cum lacrymis mixto tua crima, raro
Regibus exemplo. Quoties sub nocte soporâ
Culta tibi fuerat, famulûm spectante catervâ
Poplite curvato, divinæ Virginis Icon?
O quoties dubiæ furatus tempora lucis
Primus eras templo, & totâ fors nocte calentes
Spargebas lacrymas, dum lutea surgeret Eos.
Tu piger antiquo servorum morè vagari
O nunquam, imperijsque meis obsistere: constans
Sed servare domum, quin & parere minorum
Vocibus, & lances, ollasque levare nigrantes,
Ligna humeris sufferre, focumque animare solebas
Heu nimium felix animi, latusque laborum!
Huc tua progressa est regalis gloria dextræ.
Nunc adeo, quoniam Coelo parere necesse est,


Divide nobiscum claustrum committit sepulchrum;
 Et quia Hyperboreus quondam tua Regna tenebat
 Cuncta gelu stringens Aquilo, Sanctissime Princeps,
 Quā se porta aperit templi, septemque Triones
 Alpicit, hāc coeli patrij regione quiesce,
 Et carpe emeritum templi sub pariete somnum.

Post hæc exanimi repetita dat oscula Regis
 Plurima conspergit, frangitque senilia corda
 Lucida gutta sinum. Simul ultima basia figunt
 Affusū strato Monachi. Vix credidit ipsis
 Luminibus pia turba suis: centonibus istis
 Conteclum latuisse stupent, lambuntque sacentis
 Ora manusque Ducis. Totum lux verterat ista
 Ossiacum in lacrymas: nequeunt satiare videndo
 Lumina: quā redeunt properant, noviterque cadaver
 Inspiciunt, redeuntque iterum, noviterque recurrent.
 Præsulis imperio Regalia corpora tandem
 Abscondunt tumulo, tumulo imponuntque coronam.
 Et pomum, &c sceptrum. Fortunæ, maxime Princeps.
 Dignus eras meliore rotâ! Te perdidit illa,
 Præsul ait moestus. Felix tamen atque beatus
 Cui scelerum licuit lacrymis extingvere Famam.
 Non hoc per volitat nigris infamia pennis,
 Sit licet exiguum, neque dignum Rege sepulchrum.
 Jamque tuum incidam nomen, saxumque notabo
 Carmine, Posteritas leget hoc post sœcula carmen.

Siste

Siste, Boleslā cineres & Busta Viator
 Qui premis: hoc Audax gelido sub marmore dormit!
 Audacem si calce premes, tumulo ille resurget,
 Teque petet ferro, quo pridem ad Tartara misit
 Agmina mille virūm, Reges domuitque superbos.
 Unica victorem prostravit femina tandem,
 Femina Diva tamen: nec enim mortalibus armis
 Mars tantus superandus erat. Vis nomina Divæ?
 Fortuna est. Illam risuque, jocisque faventem
 Jungere dum sibi vult, odium, invidiamque puellæ
 Et triste exilium meruit, turpemque repulsam.
 Ossiaci tandem sanctâ securus in umbrâ
 Delituit, rursusque Deam sibi sensit amicam.
 Cum tamen instabili diffideret omnia Divæ,
 Se, sponsamque petram moriens allisit ad istam.
 Fusâ vitro fragili scopulis allisa sepulchri
 Vitrea fracta jacet Dea: ferreus imminet illi
 Ultor, & infidam magno pede proterit Audax.

F I N I S.



XVIII. 2. 861.



No 1630



1634